

總目

行政組織第一

開放盟旗羣臺第二

招墾第三

設治第四

軍屯第五

清丈第六

優待蒙旗第七

墾荒指南第八

牧畜指南第九

雜錄第十

墾政輯覽

察哈爾全區
墾務總局編

清丈第六(上)

叙論

均賦爲理賦之基礎丈田又爲均賦之嚆矢東西各國莫不引之而獲奇效固無論矣吾國周禮大司徒之職以天下土地之圖周知九州地域廣輪之數以土均之法辨五等九等制天下之地征春秋以後子產伍田疇孟子正經界實爲清丈之鼻祖惜後世君臣謀略疏闊視此爲閭里瑣瑣之事不屑介意寢久田制破壞蕩然無存漢光武實行度田唐玄宗檢括剩田彷彿編審之制實非履畝丈量宋代曾一度行之然當時士大夫以反對王氏新法之故並其方田法而亦反對之事初舉而物議沸騰效已著而紛擾尤甚非法之敝也由漢迄今千有餘年能引古法而收明效者厥惟有明一代明太祖隨糧定區量度田畝方圓次以字號悉書主名及田之丈尺編訂魚鱗圖冊土田買賣按冊可稽而民稱便歲久冊籍漫漶

舊弊復萌張江陵倡議通行丈量用開方法以徑圍乘除截補清出田畝
 萬厯時視弘治時贏三百萬頃國與民交受其利至今猶稱誦之察哈爾
 開化最遲闢地未久徒以當日放地不得其人羣相視爲利藪規章不備
 弊竇叢生伸弓縮弓則任意以爲高下上則下則則舞文以別等差更有
 不肖者流盜黎私放展轉販賣愈益糾紛其領地不多而侵佔至數十倍
 者有之所爭無幾而纏訟至數十年者有之擾索情形概可想見爲世詬
 病固其宜也本總局自改組後有鑒於斯特訂清丈章程及登記簿式嚴
 防流弊設局於各縣各旗一律施丈開辦以來始焉未嘗不招民怨然以
 國利民福所在亦惟毅然決然以赴之迨夫行之二年而民怨息泯是可
 知清丈一端國與民交受其益實非淺渺也蓋田畝不清則賦稅不充賦
 稅不充則財政不裕財政不裕則國家一切政費均無所出直接影響及
 於賦源之枯竭間接影響及於政治之萎靡清丈行而各種困難可以同

時解除其利一國家以土地爲基礎以人民爲附麗國無蓄各出其私蓄以爲國之蓄理則然也若夫官有俸書差有辛固國家之雇工人民之公僕也而猶藉此以中飽其理安在清丈行而各種陋習可以同時廓清其利二自飛灑之弊生同一土地而賦稅有畸輕畸重之殊自隱匿之弊生同一人民而負擔有或多或少或寡之別或大畝而反出輕賦或小地而反負重征豪猾占盡便宜善良恣爲魚肉清丈行而各種不平可以同時打破其利三標識不立則鄉里之誤會以生界限不清則公庭之牙角滋甚糧單則張冠李戴莫究眞名契紙則一人百身誰爲主戶在地固錯綜莫定在人亦甲乙難分清丈行而各種之紛糾可以同時消滅其利四凡此諸端昭然若揭是舉行清丈不特有利於國實屬有利於民明明國利民福若使蚩蚩者氓視爲苛政轉而擾民則司其事者厥罪實難逭矣

全區墾務總辦呈內務部財政部農商部酌擬清理各旗羣牧廠馬

廠劃一辦法以清懸案而安民業文

四年七月三日

竊查各旗王公世爵牧廠馬廠或由清初君主賞給或由各府展轉承繼
歷年既久有經府中管事人丁私售者有被附近民戶侵佔者其初王公
世爵類皆殷實亦不過問甚至甲私售於乙乙復售於丙丙更售於戊
丁官府未存冊籍墾戶亦無憑照強者施其侵吞弱者受其蹂躪亦有墾
戶納付數次之地價未領一真確之部照良民不獲安業官吏無從保護
墾政破壞邊境空虛此察區辦墾已二十餘年而荒蕪未能大闢之一總
因也自非澈底清釐不足以安民業而結懸案查接管卷內關於報請清
理牧廠馬廠者凡有四案一鑲黃旗蒙古胡圖里佐領下白文明呈請內
務部轉行到察由官放墾牧廠二座馬廠一座一鑲白旗奉恩鎮國公魁
璋呈請勘界指交馬廠一座由其自行招佃押荒一鑲黃旗滿洲世管佐

領清順稟由前口北觀察使及今興和道尹清丈口外山廠一座由其自設清宅售地事務所自行售賣一世襲一等順義侯延秀稟由前都統溥派員勘丈馬廠一座由官放墾升科前都統口北觀察使墾務局均以案情重大懸未核辦預計以後類此之案件當復不少亟應規定一律辦法以資清理而免久懸伏查上年昭武上將軍熱河都統姜呈禁止蒙旗私放荒地以期杜絕事端一案奉 大總統批令呈悉交內務部蒙藏院

轉行沿邊各都統暨各該管將軍巡按使遵照前次批令認真辦理此批等因曾經蒙藏院錄批通行遵照又查奉天達貝子及達爾罕王前請放荒原案暨濟揚兩貝勒與蒙古實業公司所訂放荒合同均係已經呈准之案嗣以枝節橫生迄無了局亦經鎮安上將軍兼奉天巡按使張呈請 大總統一併撤銷各在案誠以蒙旗圈地最多範圍太廣甚至一旗一羣佔地至數縣之多至牧廠馬廠大者亦或佔地至一縣之廣現既一

律放墾所有戶口註冊測丈勘界給照催價管業升科等事在在與內務行政財務行政有關自未便任令私人別設機關致於國家政體財權兩有妨礙查內務財政農商部核定察哈爾墾務局清丈章程第三條內載無論新荒舊荒各王公牧廠旗羣台站各地概行清丈以期劃一而昭大公等語立法用意原恐辦法紛歧致滋流弊現在白文明牧廠二座馬廠一座已由本總局加派專員前往會同沽源縣知事墾務局局長切實清理延秀牧廠一座佔地較小亦經本總局呈請察哈爾都統轉令張北縣知事墾務局局長會同派員清理至清順山廠一座魁璋馬廠一座均佔地甚廣尤未便任令自由處分致礙墾政有違定章所有清順現設清宅售地事務所當卽呈請察哈爾都統令卽撤銷至魁璋所請劃界以後由其自行售賣押荒之處亦應飭勿庸置議此項牧廠馬廠圈地最多年代久遠人事變遷難保不無別地在內正當辦法自應先行出示曉諭凡在

界內地戶有部照者先將部照呈驗一面按地清丈如果地照相符准免繳價仍令管業無照及丈有餘荒者均令按照察哈爾呈准墾務章程納價領照仍儘原墾各戶受買以安民業此對於地戶之辦法也至優待王公辦法現已由局分呈鈞部都統轉呈 大總統核示應由各縣知事

墾務局局長暨本總局加派專員調驗文據傳集證人如中間無私賣情事一俟優待新章批准後照劈四成地價升科之年並准按照現行墾章帶徵四釐私租隨時撥付如有變賣情事此項劈欸私租應卽停給以示限制此對於王公之辦法也清丈以後已升科者廢續承糧未升科者照章三年升科仍由清丈委員造具地畝清冊分送道尹財政廳存案以爲後日催科承糧之張本此後凡有關於牧廠馬廠各案均應著爲定制一律辦理除俟呈請察哈爾都統批准再將清順魁璋兩項廠地由局派員會同各該管縣知事墾務局局長認真清理並分呈備案外理合呈請總

長鑿核備案謹呈

都統布告全區清丈地畝文

(警務總局承辦電稿) 二年三月二日

案准內務部第九十號咨開准國務院函開奉

大總統發下署察哈

爾都統呈稱墾務局開辦頗著成效請准予實行陸續推廣一案奉批據呈已悉應由內務農商財政三部會核辦理此批等因除分別函知外鈔印原呈函知查照辦理等因前來查原呈內稱餘荒夾荒多被民戶私墾若不從事清丈將何以清墾界而利推行等語自係根本上之辦法既據聲稱口外漸就救平自應將清丈一事暫准試辦等因准此除飭知局員妥慎進行並函咨令行外合亟布告所屬人民一體遵照後開清丈墾荒章程條例務將餘荒夾荒報局丈放並檢齊部照俟清丈委員到地後呈驗明確實行勘丈按照原墾部照浮多地畝繳納押荒發照給領永遠爲業以免私開私種受他人種種之轄制如故意支吾抗不交納押荒更不

到局呈報勘丈委員到地猶復藉端玩延是爲有意抗違希圖隱匿除嚴行懲辦外仍將原墾地畝准由他人押荒認領以杜奸頑而重國課爲此通告俾衆週知切切此布

察哈爾清丈章程

第一章 清丈宗旨

第一條 本區舉行清丈以上增國課下全民業爲宗旨

第二章 清丈進程序及升科辦法

第二條 察哈爾清丈總局爲察哈爾管轄區域內原墾各縣暨旗羣台站地段並放墾餘荒夾荒一切事宜

第三條 清丈局開辦後提取各縣疊次墾務札飭升科年限檔冊卷宗及宣統元年至三年徵賦紅冊以便與民戶核對

第四條 無論王公牧場旗羣台站各地概行清丈以期劃一而昭大公

第五條 既經丈量後分別已交押荒未交押荒均令呈驗原領執照卽於執照後面註明某年月由局驗訖加蓋圖章以便查考

第六條 清丈墾務局開辦出示後如有地戶自行呈報餘地若干毫不隱瞞勘丈無異者准其補交餘地之價減免二成用示優異倘有庸懦愚民不能到局呈報認領被地痞土豪暗中恐嚇挾制意圖於中取利以多報少者一經查出雙方按例分別懲辦

第七條 各縣所轄之荒徼窮鄉必須由該地方官將清丈墾務章程布告週知俾衆通曉設有無知愚氓受地痞土豪棍徒之煽惑聚衆抗違卽行從嚴懲辦

第八條 口外領地各戶教民居多勘丈之前須由地方官先將清丈墾務章程函知各教堂牧師神甫主教使該教民家喻戶曉倘有無知教民不服勘丈者卽行照律處治該牧師神甫等不得藉詞干涉

第九條 各該地方官關於清丈墾務事宜倘有坐觀成敗襄辦不力者由督辦將該地方官咨請該管長官議處以爲玩忽要公者戒若熱心襄理獲益良多者亦應咨會該管長官從優獎叙以示鼓勵

第十條 經此次清丈繳納押荒領照後由督辦隨時另委專員復行抽丈若與原文丈之數相符卽將原文丈委員優獎倘復丈不符其餘地多於原地十分之一者卽將原文丈委員按照丈出餘地押荒加十倍議罰以昭儆戒

第十一條 局中員司出口清丈時須酌帶軍隊俾資鎮攝倘有土棍地痞聚衆抗拒等事卽行送交就近地方官從重處治

第十二條 繩丈委員書手夫役暨各該鄉約牌頭凡充斯役者均由本局發給薪工飯食銀兩有向地戶招搖勒索小費者准地戶來局告發一經查實除將該員役等分別撤差斥革外併按照所詐之數加倍科

罰以示儆戒

第十三條 繩丈委員出口丈量放墾時須先由各縣飭知村鎮鄉約牌頭凡有地之戶須先將新舊部照並原領花戶名冊備齊聽候清丈如清丈委員既到該地戶仍故意不呈部照名冊是爲有心違抗有心違抗卽以無照論並將該地充公以示懲警

第十四條 清丈墾務局所需常期局費由押荒項下十成之中提出二成作正開支如其不敷再由正欸項下酌量提用設有盈餘仍當另行造報以昭核實

第十五條 此次丈出之地以及餘荒均照前墾務局定章每墾地一畝內有恤蒙銀四分由各旗羣台站原管地主到局支領

第十六條 此次放墾之地仿照前墾務局章程自領照之日起三年後再行升科所有科則等第無論上中下每畝均按一分四釐升科各旗

羣台站王公牧廠隨徵私租銀四釐由各旗羣台站王公各向該管地方官承領

第三章 繳價領照註冊之辦法

第十七條 所放地畝土有肥磽必以黑土二尺厚者爲上則一尺厚者爲中則黃土沙城者爲下則丈放時由繩丈委員認真勘查繪圖註明表內本局據實註冊編號存記至押荒應繳銀兩上則每畝繳銀七錢中則每畝繳銀五錢下則每畝繳銀三錢援照前墾務局章程每銀一兩隨加火耗銀一分五釐以符定制而免虧累

第十八條 凡有請領大段或小段餘荒者須一律按照領地章程應繳價銀若干兩先將銀欸呈請查驗如確實可憑始准認領倘徒託空言包攬荒段俟轉賣後再行繳價或支吾延宕不定交欸日期者一概不准其有冒名頂領藉端漁利不按章程辦理者經局查出稟請究辦不

貸

第十九條 凡各領戶於領照時須出結聲明並無外國人資本亦永遠不向外國人抵押售賣

第二十條 各地戶前有已領未墾暨未交齊押荒者應令按照現定章程交納押荒銀兩倘有熱心國事來局報告某人在某處隱匿餘地若干經局員查出屬實者從優獎給但不准挾嫌妄控致生事端

第二十一條 清丈時丈出餘地一律寬其既往不予深究只將所餘之地按照現定章程繳納押荒發給憑照永遠爲業如故意支吾抗不交納押荒又不到局面呈情形卽將丈出餘地准令他人認領以儆刁玩

第二十二條 前放荒地歷年已久其有靠山近水之地被水冲刷實地歸爲烏有者地戶空執契照並無土地或雖餘剩數成而不足憑照之數此次清丈准由地戶呈驗原照一經查驗屬實務由該地戶具結取

保卽在鄰近地段內清出之餘地如數補給倘鄰近並無餘地再由他處補給設有私將所領之地轉售他人希圖取巧徒執部照以有作無冒詐重領者一經查出按所執部照地價科罰十倍以杜混冒如有經河淤而地加多者其多出之地亦須照章繳納押荒補領部照

第二十三條 所有丈出餘地必須考察情形倘應補押荒爲數過鉅一時不能交齊或實係貧苦應酌量體恤寬予日限以兩個月爲期逾時不呈交押荒者應將丈出餘地歸公另放易戶承領加有切實舖保准再寬限一月屆時仍不呈交由擔保舖家承認交納以杜拖欠而重公欸

第四章 附則

第二十四條 本章程如有未盡事宜得隨時修改酌訂

內務部批察哈爾墾務總辦龍驤曾辦單晉蘇會辦嚴汝誠呈爲酌

擬清理各旗牧廠馬廠劃一辦法以安民業而杜流弊請鑒核備

案文

四年七月二十八日

據呈已悉准如所擬備案此批

內務部批察哈爾墾務總辦龍驤會辦嚴汝誠會辦單晉蘇呈爲已分令各縣知事委員等凡升科未升科及已承糧之紅契各戶官地一律登記請鑒核立案文

四年十月四日

據呈已悉所請事屬可行應卽准予備案該處所有關於登記事項一切章程辦法仰卽送部查核此批

墾務總局指令勘丈員郭永泉等據呈奉令勘丈馬羣草荒按其所指與原圖不符並少指肥荒等情文

四年五月十九日

呈悉據稱該羣所指地界與原圖不符計少指肥沃荒地已達百頃有奇並有雙世成地局工人在該地鑿井及該羣指界官員故意延宕等情應

俟本總局呈請都統轉令遵辦至據稱擬以地形分段以地名起號一節查該委員等出口丈地時奉總局令諭每五頃地編爲一號此係一定辦法何得擅請更變如再節外生枝卽行撤委至畸零之數無論一頃半頃或數畝均可編爲一號按號指地何至錯誤茲特明白指令凡該羣界內之地務須核實丈量按照畝數填表如實有沙石城灘不能耕種之地仍須按地計算卽可於表內詳細註明以便查核自奉到此次指令之日起限半個月一律丈完迅將填繪圖表送局聽候派員接收核實覆勘如查有以多報少等弊撤差之後仍照章懲罰凜之慎之勿貽後悔並將此令差送王畢兩委員遵照仍先將羊羣界內圖表提前送局查核此令

墾務總局令勘丈員迅赴博羅柴濟台等處會同查勘劃界文

五四年
月年

二十五日

四年五月二十一日奉都署令開案查正黃旗博羅柴濟台與三翼馬廠

地畝糾葛一案疊據該總管該生計會等先後呈報到署各執一詞纏訟不休亟應劃分界限永息爭端除批示並分令正黃旗總管暨八旗生計會外合亟令仰該局迅派專員前往會同查勘指界劃分俾免爭執是爲至要切切此令等因奉此合亟令知該委員迅赴博羅柴濟台與三翼馬廠會同查勘劃分界限俾免爭執並將所劃地界及辦理情形詳細具報仰卽妥慎辦理切切此令

墾務總局令沽源縣

知事

會同查辦白文明牧廠界址並將查明情

形具覆文

四年六月三日

本年五月二十四日據廂黃旗蒙古胡圖理佐領白文明呈稱竊於去年八月間稟將祖遺牧廠一處坐落在多倫縣東干溝又同治四年置買佐領保昌牧廠一處坐落在沽源縣長梁紅城子段木梁等處又同治六年置買德公府馬廠一處坐落在沽源縣汪大人廟至口袋營子等處併請

墾放升科以重國課奉內務部批據呈勘丈地畝墾放升科等情已悉業由本部轉咨察哈爾都統飭查辦理仰卽遵照可也旋到張家口復以前情稟請都統核辦並呈驗地圖二紙地冊二本契約二張蒙發前墾務局查照嗣因界限未清致生糾葛蒙前總辦諭令合同合辦現聞東干溝地方劃歸熱河所轄自應另行稟辦所有沽源縣荒地兩區先應清查界限必須按照圖冊方有憑準俟查清後再行稟請開放爲此稟懇總辦鑒核請將前存地圖二紙地冊二本契約兩張一併發還收執以便按圖查界實爲德便等情前來除由本總局批示呈悉長梁紅城子等處之地既據呈請墾放升科並奉內務部飭查有案何又呈請另辦至清查界限一節仰候令沽源縣知事及墾務局局長會同派員查辦具覆所請將前存圖冊契約發還自行查界之處碍難照准此批外合亟抄錄前案並將原存圖冊契約等件隨文併發仰該知事局長查照按照原呈所開界址會同

派員查辦並將查辦情形具覆勿延此令

墾務總局公函牛羊羣總管奉都統發交張北墾務局函稱調查張秉鑑地畝膠轕一案希查明界內荒段數目等則具覆核轉文

四年

六月十日

本年六月九日案奉都統發交張北墾務局局長吳恩溥函稱案據大青溝地戶張秉鑑劉元等地畝膠轕互控不休以致衆地戶屢次投轅上訴前於四月二十九日遵奉都統面諭令赴該處實地調查以期明晰前已期定五月十四日帶同員役出口清丈業經呈報在案嗣因遇雨於次日十五起程是晚馳抵大紅溝住宿次晨將至波爾彩地方正行之際適有興和城民人等四十餘名攔訴據稱民人等自光緒二十八年推廣墾務承領頭二台正黃旗地畝百有餘頃耕種十有餘年均已升科在案現經八旗生計會勘丈三翼馬廠餘地均與民地毗連懇求鈞局指明界限以

免侵佔而全民命等語局長當卽傳集鄉保帶同新舊地戶親履三翼馬廠查勘四至當衆宣布令其先按界至開闢生荒如有糧地糾葛俟本局長差竣回口稟陳都統再行清丈秉公核辦十七日宿安谷淋洛十八日馳抵大青溝馬蓮渠孔鄉約莊戶爲地點十九日傳齊各地戶調查部照約據以便進行據稱約據部照多有案呈都署暨墾務總局並張北縣署局長恐其各地戶藉詞影射不遵勘丈前已專差函請坐辦會呈都統並墾務總局令發卷宗約據派委賚送前來以憑核辦嗣經坐辦將該縣卷宗發下約據存縣竊查該處民情素不守法屢經派委勘丈竟敢攔阻弓繩局長仰承都統委任以來事必躬親不敢畏避自抵該處連日調查四至履畝察勘又以正言開導衆地戶訟必終兇爾等不遵清丈勢難水落石出俟將該處地畝全數丈清卽以餘荒秉公分派各有地畝自無爭執各地戶均已折服於二十五日開繩清丈每日勘丈新舊地畝百餘頃刻

將就緒又有五台地戶張璽閣有貴邢生玉呂祿等近因播種彼此侵佔以致互毆兩造均有微傷此皆界限未清致起爭執因係墾務交涉未敢置諸度外於三十日親至五台履畝清丈劃分四至令其遵守各具甘結存案查悉此案亦自光緒二十八年以至今日曾經墾務總局屢次派委勘丈均被阻擾未能清丈伏思我都統厚德在民先此馳報以紓塵念餘俟清丈完竣積案清結再行呈報等情除令該局長遵照辦理勿使重複致生輻輳並呈請都統備案外相應函致貴總管請煩查明界內蘇計賽馬烏蘇地方空閑荒段實計若干是否上則抑係中則或下則一併見覆以憑核辦轉呈此致

墾務總局批朝克圖等稟爲本台餘荒請委勘丈文

四年六月十日

呈悉據稱該台四圍俱有餘荒與民接壤究竟共地若干並已否開墾未據聲明仰將地界四至並約計頃畝數目據實呈報以憑核辦此批

墾務總局令張北墾務局迅卽辦結王德印爭荒一案文

十四年六月

本年六月八日據張北縣民戶王德印呈稱於民國二年十一月間具稟

並呈驗荒條約據各在案奉批呈悉查該押荒條係前左翼墾務局給發究竟如何情形仰候行知張北縣差傳郭美到局質訊辦理荒條契約暫存此批等因十二月間傳原被告到案堂訊而郭美並無實據巧言朦混奉鈞局訊明令民回家候明春派員與民查丈再行押荒民遵諭回家靜候一年之久並未奉局派員查丈並有四台參領報到鈞局案下文件令民押荒可憑爲此寃深似海叩懇鈞局恩准作主遵章押荒上裕國課下安民業等情前來查接管卷內民國二年十一月該民戶呈稱伊價買四台公義堂地二十五頃被郭美霸種當由縣差傳郭美移送前墾務總局質訊並由局函復郭美所呈之部照五頃白契一張與王德印所呈之押荒條原係兩段是否頂冒應候派員前往切實查勘等語各在案茲據該

民戶呈稱並未奉局派員查丈究竟該民戶所稱郭美霸種伊地是否屬實並此地可否歸王德印照章押荒領照之處合亟抄錄前案發交該縣傳案質訊會同該墾務局局長派員前往切實查勘總期水落石出以免積案久懸仍將斷結情形會同呈覆查核仰卽查照辦理可也此令

墾務總局呈都統檢送卷宗請令交張北縣知事墾務局局長會同

派員清丈一律押荒升科文

四年六月十五日

本年六月十二日案奉鈞令據清世襲一等順義侯延秀稟稱竊延秀有祖遺前清上賞馬廠一處座落口外廂黃旗界內於前清光緒三十二年蒙前都統溥派員清查註明四址在右司存案可據復於民國二年七月蒙都統派員勘丈與前案四址相符批准以四釐升科放租墾種在案今因生計維艱誠恐有誤國課且放租日久恐該租戶蒙混擬將該馬廠墾地清丈以維生計但此項地課及勘丈四址清冊雖經一再存案倘遽行

勘丈恐該租戶別生疑誤致啓爭端特此懇祈令知張北縣會同延秀勘丈指交備案存查庶不致別啓爭端以便清丈俾維生計而重國課伏乞恩准批令施行附四址界限清單等情到署查此案前據該順義侯一再稟請核辦疊經分令張北縣鑲黃旗總管查明呈報在案茲復據稟尙有前案可稽除批示外合亟令仰該局迅將管存第一百四十九號第一卷世襲順義侯爵延秀卷一宗檢送到署以憑查核轉令遵辦切切此令等因奉此茲由本總局將卷宗檢出送交鈞署惟事關清丈應請都統令下張北縣知事暨舉務局局長會同帶領該襲侯延秀按照所開該馬廠四至派員切實查勘按地清丈所有未領部照之地飭令各地戶一律照章繳價填發部照俾資管業以符定章至該襲侯延秀應得私租應候該馬廠清丈完竣造具清冊分呈鈞署本總局財政分廳立案再行照章給領所擬是否有當理合呈請都統鑒核施行謹呈

墾務總局令張北縣知事局長奉令查覆金海荒產一案仰該縣局

確切查明據實呈覆文

四年六月十六日

案奉都署令開准財政部咨開據正黃旗滿洲寶山佐領下人清昌長子金海以祖遺荒產承繼有案並上年稟蒙前都統溥批准飭廳清查指界過半懇請轉令察哈爾墾務總局繼續清界等情併附張家口廳簽發差票暨呈廳備案指界節略清摺具稟到部查此案上年曾據察哈爾墾務總局呈覆稱據張北縣知事呈稱遵查於前清光緒二十六年五月二十一日奉直隸口北道尹鍾札開張家口廳知悉案查旗人清昌稟請查勘京鑲黃旗蒙古已故世襲男爵榮奎馬廠荒地一案昨准察哈爾都統將接准兵部轉准廂黃蒙古旗分咨文一件錄送到道當因該男爵榮奎既經本旗佐領報稱絕嗣並無承襲之人是該男爵馬廠確屬絕產自應照例歸官經理旗人清昌係屬異姓斷難任其覬覦冒繼妄爭業經本道咨

明察哈爾都統立案不准以杜爭端並札行該廳遵照在案惟男爵榮奎既已故絕所有該爵馬廠應得私租自應按照並無地主之例解交天津海防支應局兌收以充軍餉等因復查榮奎馬廠係坐落縣屬白廟子灘於光緒七八並十五六等年經押荒局按無主官荒先後共放過地八百五十三頃三十六畝散給民戶耕種已交押荒領有部照按年交納糧銀所征私租銀兩按年解交天津海防支應局兌收以充軍餉所有毗連白廟灘之紅骨勒圖卽黑沙圖等處經口北道尹鍾於光緒二十五六等年奏設押荒局未經放完此地又於二十九年經墾務大臣貽設立墾務總局將此地接續放完共地六百頃有奇招民開墾早已繳納押荒承領部照所有征起私租銀兩亦解交直隸財政總匯處並直隸行政公署各在案自上年七月張北縣劃歸察哈爾行政區域奉令將征起各項私租銀兩均解交察哈爾財政分廳亦在案再查縣屬境內並無有金海祖遺荒

地茲奉前因擬合查案具文呈請查核轉覆等情前來查金海祖遺荒地既據該知事呈稱該縣境內並無此項荒地則金海稟稱劃清地址等情似無庸議等情當經本部轉咨值年旗衙門查照令遵在案茲據金海稟稱清昌於宣統三年七月間曾奉察哈爾都統溥飭廳清查並將指界大略情形呈廳備案各等語本部無案可稽除咨行值年旗衙門外相應抄錄原稟咨行查核卽希檢抄原案說明詳情咨部核奪可也附抄件等因准此查清昌地畝卷宗業於上年四月間發交該前局存查有案茲准前因合亟抄錄附件令發該總局仰卽詳細查明檢抄原案說明詳情具覆到署以憑咨部核奪可也切切此令等因嗣奉財政部令同前因奉此查宣統三年四月經前任都統溥札飭張理廳札開查此案雖經前口北道批駁既准正黃鑲黃二旗咨覆清昌承奉祠堂屬實而前口北道亦未將此節提及今既據該旗人稟明前情此項馬廠現在究竟有無餘荒有無

私墾非先行飭廳確切查明不足以折服其心合亟照繪原圖札飭札到該廳立即按照原圖界址確切詳查該廠何年開墾若干何人承種若干領有執照者若干其他有無餘荒仰即繪圖貼說呈候核奪毋得違延切切此札旋經該廳呈覆查訊紅骨勒圖李四等供稱此項地畝其中不無餘地惟畝數多寡難以懸指奉批據呈已悉此案既據該丞查有餘地應即逐細清查詳候核辦此繳等因在案民國元年五月暨是年九月復屢經前任都統何飭廳查復均有案可稽該知事前次呈稱該縣境內並無有金海祖遺荒地是否檢查全案並曾否詳細調查究竟此項地畝其中有無餘荒有無私墾除呈覆並分令外合亟抄稟附圖並檢抄原案令發該知事局長仰即確切查明據實呈覆案關覆部切切勿延此令

墾務總局呈都統遵查張世魁在該羣挖井各節由局令縣傳案澈

究請鑒核文

四年六月十七日

本年六月十三日奉鈞署令開據管理商都達普遜諾爾馬駝羣總管普爾布扎普呈稱奉令開仰由該總管轉令該翼長迅速指引劃界等因奉此遵照轉行令諭該翼長特木爾博羅特會同委員勘丈業由兩羣熟商遵照原報劃界之處呈覆外惟查該墾務局委員未丈之先有張士魁等私自挖井盜買盜賣之事係由何人引起及地戶妄行騙詞誘哄情弊理合呈請都統立即提傳張士魁澈底確查將私行之弊懲戒辦理施行等情據此除批示外合亟令仰該局迅即查照前案妥善辦理切切此令等因奉此查張士魁在該羣小廟子地方鑿井並在馬羣土城子一帶插旗丈地各節業經本總局繩丈委員郭永泉等呈報在案如果屬實殊干例禁亟應嚴懲正擬核辦茲奉前因除由本總局令行張北縣即傳張士魁到案澈究呈候核奪外理合呈請都統鑒核施行謹呈

墾務總局批朝克圖等稟本台四圍餘荒請示清丈文

四年六月十七日

呈悉該臺四圍空閑荒地既有十七八頃之多如無糾葛暨不碍游牧自可清丈給領以廣墾務惟所稱與民地接壤四至難以枚舉各情是否屬實仰候派員查明勘丈呈覆到局再行核奪此批

墾務總局令委員郭永泉彙齊各委員圖表攜帶回局以便查核文

四年六月十九日

案查前派繩丈委員郭永泉等赴羊羣暨大馬羣勘丈地畝迄今多日究竟丈地若干未據呈報到局無從稽核茲由本總局加派常誠來王丙甲前往大馬羣會同前派委員王械齡畢耀先張永旭迅速丈量由該委員郭永泉彙齊各委員等填繪羊羣圖表即日攜帶回局以便查詢並轉知各委員等一體遵照切切勿延此令

墾務總局指令沽源縣知事據呈黑土窪地薄歉收請寬限清丈等

情准予寬限文

四年六月二十三日

呈悉據稱黑土窪地土瘠薄收成歉少委係實情呈請寬限清丈一節事屬可行准自六月起至八月底止寬限三個月以示體恤俟限滿之後仍應一律清丈仰卽出示曉諭俾衆週知此外新舊丈出之餘荒夾荒應由該知事局長等酌定期限催收押荒以符定章并轉行墾務局知照此令

墾務總局指令豐鎮墾務局丈放荒地無論餘荒夾荒均按三百六十弓丈放文

十弓丈放文

四年六月二十八日

呈悉該局丈放荒地除已經升科地畝須查照驗契原案辦理外其未升科者仍照察區通例無論餘荒夾荒均暫按照三百六十弓丈放并轉咨豐鎮縣知事知照此令

墾務總局令張北縣知事局長遵照都統指令按延秀馬廠四至切實查勘及丈有餘荒夾荒仍儘原墾民戶承領文

四年七月五日

案奉都統令開據清世爵一等順義侯延秀稟稱竊延秀有祖遺前清上

賞馬廠一處座落口外鑲黃旗界內於前清光緒三十二年蒙前都統溥派員清查註明四址在右司存案可據復於民國二年七月蒙都統派員勘丈與前案四址相符批准以四釐升科放租墾種在案今因生計維艱誠恐有誤國課且放租日久恐該租戶朦混擬將該馬廠墾地清丈以維生計但此項地課及勘丈四址清冊雖經一再存案倘遽行勘丈恐該租戶別生疑誤致啓爭端特此懇祈令知張北縣會同延秀勘丈指交備案存查伏乞恩准批令施行附四至界限清單等情到署合亟令仰該局迅將管存第一百四十九號第一卷世襲順義侯爵延秀卷一宗檢送到署以憑查核轉令遵辦切切此令等因到局本總局當即將卷宗檢出具文呈請都統令知該知事局長會同帶領該襲侯延秀按照所開該馬廠四至派員切實查勘按地清丈所有未領部照之地責令各地戶一律照章繳價填發部照俾資管業以符定章至延秀應得私租應候該馬廠清丈

被民人私墾一案已令由局查辦等因咨請查照將辦理情形見

覆文

四年七月八日

查接管卷內民國三年十一月十八日奉都統令開案據右翼牧羣總管幹珠爾札普呈稱前以右翼鑲紅旗界內之地多被民人私墾曾派協領旺楚克等查勘去後旋據該協領等報稱查據民人楊禎一出具切結內稱民人於中華民國元年開墾帳房山西溝荒廠已種熟地一頃已墾未種荒地四頃現年未種因彼時地界不清因而越墾現已分清界限已知向日墾種之地係陸軍部右翼鑲紅旗場內既已墾種三年情甘認罰此後或令耕種交納錢糧或令分收或令退荒之處候令遵行等情又查據民人孫德才劉玉魁子出具私墾切結內稱民國元年開墾帳房山西溝荒廠墾種熟地三十畝現年開墾地二十畝現因分界後始知墾種之地係右翼鑲紅場界已種三年情甘認罰等語又查據民人張有餘結稱民

被民人私墾一案已令由局查辦等因咨請查照將辦理情形見

覆文

四年七月八日

查接管卷內民國三年十一月十八日奉都統令開案據右翼牧羣總管幹珠爾札普呈稱前以右翼鑲紅旗界內之地多被民人私墾曾派協領旺楚克等查勘去後旋據該協領等報稱查據民人楊禎一出具切結內稱民人於中華民國元年開墾帳房山西溝荒廠已種熟地一頃已墾未種荒地四頃現年未種因彼時地界不清因而越墾現已分清界限已知向日墾種之地係陸軍部右翼鑲紅旗場內既已墾種三年情甘認罰此後或令耕種交納錢糧或令分收或令退荒之處候令遵行等情又查據民人孫德才劉玉魁子出具私墾切結內稱民國元年開墾帳房山西溝荒廠墾種熟地三十畝現年開墾地二十畝現因分界後始知墾種之地係右翼鑲紅場界已種三年情甘認罰等語又查據民人張有餘結稱民

國元年開墾帳房山西溝已種二頃二十畝現年開墾五十畝未種現知開墾之地係右翼鑲紅旗場地已種三年情甘認罰等語又據民人李萬永結稱民國元年開種馬蹄子溝荒地四頃現年開種一頃現知此地乃右翼鑲紅旗場界已種三年情願認罰此後或令耕種交納錢糧或分收退荒之處聽候令下遵照各等情據此查以上民人出具四分私墾切結情詞大概相同理合將所收情形具文呈報又據總管呈稱前以鑲藍旗地界被和親王府經事呂學端盜賣暨教民南文明等侵佔曾派協領那木吉勒租穆等查勘去後旋據該協領等報稱查據民人胡永長石玉胡達郝存禮具稱於前清宣統二年六月墾種鑲藍旗台頭溝地界係承買呂奉君卽呂學端名下荒地十五頃共交過地價銀六百兩日後有事有呂奉君卽呂學端承管是實等情又查據教民南文明白玉山白亮喬士殿郭守先等面稱於前清光緒三十三年在墾務局領買專房廟一帶荒

地一百二十六頃未發部照僅領墾務局印據一張曾交地價銀一千兩
宣統二年將地墾熟三十頃曾經教民等稟請由前獨石廳瑞發給執照
鈔請核奪等情據此合亟令仰轉令沽源縣詳查具報等因奉此當經劉
前道尹令縣查報旋據該縣呈稱按照指令先行出票傳喚呂奉君卽呂
學端去後茲據原役回稱呂學端仍在北京未回有伊同事田建蔚隨票
到案知事面喚田建蔚按照令知前後緣由詳切查訊據田建蔚聲稱久
在呂學端地局幫同辦事多年切知細情所指民人楊禎一等五人私墾
鑲紅旗帳房山西溝地界均係土豪黃占標假名和親王府辦事人員私
賣強佔之地查訊該民人等自知真僞呂學端並未越界指墾至於民人
胡永長等四人所墾台頭溝地界係和親王府門管指令開墾地屬本府
界內呂學端當日亦係遵照和親王府地圖門管人員面指之界遵照辦
理是否如何懇祈且俟和親王府委員到境不難澈究等語至於教民南

文明等五人所墾專房廟地一百二十六頃執有印據等情知事卷查前清光緒三十二年間教民南文明等向墾務局曾領買太僕寺馬廠地坐落鑲白旗界內共作價銀一千兩領有該局印據交該教民等收執嗣於前清宣統二年間該教民等試行開墾經獨石前廳瑞派人查明已墾可種之地一百二十六頃因本縣學款不足稟請直隸藩學兩司批准按每畝抽交租銀一分每年共交租銀一百二十六兩就近提歸本縣高等小學校費用並有獨石前廳瑞發給執照交南文明等收執在案復卷查得該教民等原買墾務局之地確有四至計東至河灘西至山南至神公會北至爾等木圖水泉溝又卷查得獨石前廳劉於前清宣統三年間奉察哈爾前都統札查前因曾據詳呈明蒙前都統批此項地畝墾局并未呈報本轅立案墾局裁撤後右司移卷查有南文明等存交口平銀一千兩令行轉傳南文明等赴口發還前銀至於地畝一節仰令前廳劉呈請陸

軍部兩翼牧羣總管定奪等語前廳照辦去後是否領回前銀無案可查
知事到任後該教民等所交學款仍舊按年清繳等情呈報前來復於民
國三年十二月二十三日呈奉都統批呈悉已令墾務局查核辦理矣此
批等因奉此查自奉批後迄今已逾半載如何辦理無案可稽相應具文
咨請貴總局請煩查照希將奉批以後辦理此案情形詳細見覆此咨

墾務總局指令沽源墾務局據呈報丈出來荒餘荒仰仍切實清釐

並勒限催繳各戶欠價文

四年七月八日

呈及清冊均悉黑河卯正丁莊三汛地段遼闊尤屬膏腴前清放荒各墾
戶朦混侵漁在在不免着仍切實清釐續行丈放再各戶欠價爲數過多
仰該坐辦局長等酌定期限勒令呈繳否則卽遵本總局清丈章程第二
章第五條之規定照章辦理又該局所報清冊未將丈出某牌毛地總數
列入而前後數目又屬參差殊難查核仍着速行補報切切此令

墾務總局令委員張永旭等擇一適中地點以便商議進行文

四年七月

十日

案查規定繩丈委員一人准其帶書算一人繩夫二名夫役一名挖壕夫一名自行分配驅使以重要公該繩丈委員等勘丈地畝務宜擇一適中地點以便商議進行每日除來往風雨不計外平均核算每日至少必須丈量草荒二十頃方符定章而免耗費各委員等均另備日記一冊登記每人每日所丈地畝隨同丈地清冊一併呈閱以考勤惰而定獎懲仰該員等一體遵照各自奮勉以供厥職切切此令

墾務總局令張北墾務局據民人郝常久等稟稱將伊已領照之地

撥給慎德地局等情迅卽會縣理結并明白具覆文

四年七月十日

據民人郝常久王文悅等稟稱竊自設墾務官局以來通令文告不准商人私立地局招佃驅民有願墾荒者准其自投官局交銀認領發給部照

以爲永據因於宣統三年民等附近五台之戶數十家公赴都統轅下投呈准領大馬羣烏蘭蘇木白馬庫倫荒地二百餘頃有卷可證嗣有游民高淸風等不遵國法竟敢私立慎德地局招集多人亦在官局具領荒地三百頃屢在該地所與民等爭攘民等不堪其擾故於前年奉官分丈之時祇領所墾之地一百一十餘頃已經交訖押荒銀兩收領部照在案其餘之地悉歸伊局收領聞其所交押荒銀兩未及百頃之數彼乃倚仗窮兇得隴望蜀去年勾來著名土棍石富陳八愚等聚匪成羣或肆意侵佔或誣捏妄爭狡執不休民等屢請派員勘丈以分皂白今於三月間幸蒙吳委員就地丈量理應分勘俾知孰短孰餘則曲直可分虛實可辨而積案亦可消矣孰料吳委員到地之時卽與作姦犯科之郭士恒行止相隨聽其刁唆竟將兩造之地合丈一處民等疑其作弊徧袒故敢多事將伊局前次隱瞞之黑地眼同指出盡數丈量共地有九百餘頃之多除民等

已押荒之地一百一十餘頃伊局猶以爲不足唆使吳委員勒令民等將已經墾熟交銀領照註明四至之地內撥給伊局五十餘頃反以遠出二十里外牛羣地界之地加倍撥還立令民夥王喜具結換地而後已民等不甘遵命而吳委員始則恫嚇萬端繼乃甘言勸導變態百出喜怒不常致民等驚惶無措因以匍匐於總局局長案下恩准作主覆核卽行解救以安良民等情前來除批稟悉據稱吳局長將該民戶等已經墾熟交價領照註明四至之地撥給高淸風等私立之慎德地局五十餘頃以遠出二十里外牛羣地界之地加倍撥還等情該民戶等既不甘服當時卽應稟請核辦何以具結之後始行控訴殊屬不合所稱各節應候本總局令行張北縣知事會同該局長傳案秉公理結勿任久懸仰卽赴縣投案可也至案外所控各節候令該局長具覆另案核辦仰併知照此批牌示并分令張北縣外合亟令仰該局長查明具覆以憑核辦并會同張北縣知

事傳案秉公理結勿稍偏袒以杜煩言此令

墾務總局令興和縣知事俟委員勘丈縣境地畝時酌派差役開導

以免阻撓文

四年七月十四日

據勘丈員王械齡張永旭張廷棟等呈稱奉派勘丈六七八台係屬興和縣轄境口外風氣不開委員等前至該處勘丈誠恐人民或有阻撓可否令行興和縣酌派差役隨同辦理之處應候核示等情前來查口外風氣閉塞該委員等先事籌慮自屬實情合亟令仰該知事即便遵照於該委員等勘丈縣境地畝時酌派差役一二人隨同辦理并令隨處認真開導以免阻撓而維墾政是爲至要至差役需用工費暫由該縣知事墊給嚴戒該役不得下鄉滋擾事後准其核實開單向本總局領銷仰即遵照辦理切切毋違此令

墾務總局指令張北墾務局據呈送文據圖冊仰即逕交翟委員等

閱看會同妥籌辦法遵章清理文

四年七月十四日

呈悉查清理清順等山廠一案未委專員之前應由縣局會同清理現在已委專員卽由局縣會同專員清理曾經都統暨本總局先後令遵在案所有清順案內地冊文據應由該局逕交翟委員等閱看仍由該局長坐辦會同翟沈兩委員妥籌辦法遵章清理共負責成仰卽遵照并轉行翟沈兩委員遵照原冊文據隨令發還此令

墾務總局批吳鴻恩稟土棍違抗阻撓墾務等情文

四年七月十四日

稟悉查此案經前墾務總局派員查丈該地土豪段錦文等聚衆搶去弓繩賬目等件至今懸案未結茲據稟請派委清丈仰候本總局令行張北墾務局派員查勘丈出餘荒夾荒遵照奉部核定清丈章程先儘原墾地戶繳價領照以安民業如再有土豪地棍及私墾民戶抗違阻擾卽由本總局呈請大部都統轉呈

大總統按律懲辦再查該守備在前墾務

總局稟稱丈出私開之地情願遵照上則地章程每畝繳押荒銀七錢另
外報効兵餉銀三錢并具甘結在案查清丈章程內無報効兵餉銀若干
字樣該守備所請另外報効兵餉銀兩與定章不符應無庸議此批

墾務總局令張北墾務局迅卽派員查勘吳鴻恩稟稱三眼井等處

荒地從速清理文

四年七月十四日

據東三眼井地戶吳鴻恩稟稱竊因二十五年職赴押荒總局承領東三
眼井荒地連溝帶灘領出有諭帖爲證民國二年都統出示查私開私種
地戶限兩個月赴局報明不報查出治罪職見示赴局報明奉准出示派
員清丈地畝有案可查職萬般無奈銀地兩空叩懇總辦恩准派委清丈
地畝照章交納等情前來據此除批稟悉查此案經前墾務總局派員查
丈該地土豪段錦文等聚衆搶去弓繩賬目等件至今懸案未結茲據稟
請派員清丈仰候本總局令行張北墾務局派查員勘丈出餘荒夾荒遵

照奉部核定清丈章程先儘原墾地戶繳價領照以安民業如再有土豪地棍及私墾民戶違抗阻撓卽由本總局呈請大部都統轉呈 大總統按律懲辦再查該守備在前墾務總局稟稱丈出私開之地情願遵上則地章程每畝繳押荒銀七錢另外報効兵餉銀三錢並具甘結在案查清丈章程內無報効兵餉銀若干字樣該守備所請另外報効兵餉三錢與定章不符准予豁免此批外合亟令仰該墾務局迅卽派員前往查勘實行丈量丈出餘荒夾荒遵照定章先儘原墾地戶繳價領照如再有土豪地棍出而把持卽由該墾務局呈報本總局定卽轉呈從嚴懲辦再此案發生已久中經阻擾懸擱三年迄今未結亟應從速清理以重墾政而安民業切切此令

墾務總局令張北墾務局據王德印稟再請派員清丈地畝等情仰卽傳案質訊並派員切實查勘呈覆文 四年七月十四日

據張北縣民戶王德印稟稱竊身原領四台阿拉不洛荒地十七頃前被郭美霸種於民國二年十一月間稟請在案已蒙將郭美傳訊伊實係無憑霸種民有已交過公益堂地價銀三百九十四兩四錢收條可證當時判決飭民先行回家俟明春派員清丈後再行押荒民卽遵諭回家至今已候一年之久並未蒙勘丈而郭美種地如前然郭美種地皆因未能將地勘丈之故民恐合家枵腹難以久候故於前月稟請勘丈押荒蒙批仰候令行張北縣傳案訊辦伏思郭美無憑霸地已蒙傳訊是實今只得懇祈總辦派員將地勘丈清楚荒歸民押地歸民有感德無旣等情查接管卷內王德印爭荒一案積懸一年之久延未斷結當本年六月十二日本總局接到該民戶呈訴原稟批卽抄錄前案檢同證據送交該縣傳訊並令會同墾務局長派員前往切實查勘迅卽判結在案事經一月辦結與否未據呈復而該民戶情勢迫切待命維殷應卽從速訊結以保信用

而恤民艱仰該知事及墾務局局長查照本總局四十七號令文所開各節迅速傳訊秉公辦理以安民業此令

財政部令據華興墾牧公司稟稱價買馬廠荒地被右翼牧羣總管

擅行圈入乞維持保護等情仰卽查明呈覆文

(原稟附) 四年七月十六日

據華興墾牧有限公司總理黃玉協理孫世勳以價買馬廠荒地被右翼牧羣總管擅行圈入乞維持保護等情具稟到部查兩翼牧場劃界圈地究係如何情形本部無案可稽據稱價買荒地係被圈入是否屬實除咨行察哈爾都統令查外合亟抄錄原稟令仰該總辦切實查明詳細呈復核奪可也此令

附原稟

敬稟者爲陸軍馬場兩翼牧羣總管假私害公朦朧欺壓商民懇請保護而維農牧事竊敝公司於前清宣統三年七月稟准農工商部組織

墾牧實業公司在口外多倫廳屬購買毓公府墾務局馬廠荒地各段
 當卽繳價領照遵章在多倫廳稅契並在農商部註冊自民國元年始
 行開墾迄今三年之久正在經營之際不意於民國三年夏季經右翼
 牧羣總管帶領部員假勢橫行擅將民地圈入不下萬八千頃而敝公
 司所購毓公府馬廠地段亦全行圈立石椿之內當將詳情具稟農商
 部請其維持保護連上二稟不過據稟轉咨據咨批示而已未蒙如何
 維持如何保護十一月間復蒙批示著靜候處置等因嗣經陸軍部派
 兩翼場長出口巡視爲日無多遂卽返口想疆界毗連一望無際又何
 分此疆彼界自不免仍聽該總管一面之辭且該場長乃係本部所派
 人員何敢干涉前案而救民生遂於四年五月十日發貼陸軍部兩翼
 牧場通告內開爲通知事照得左右兩翼牧場地界於民國三年曾經
 陸軍部勘劃清楚立墩爲記原爲防私侵而重牧政惟商民從前領有

部照在兩翼牧場地內墾種者亟應詳查以杜蒙混凡有場內墾戶仰卽持照迅速來張家口上堡古宏廟街兩翼牧場公所查驗以出示一個月爲驗照期限不准故意延宕致干未便除分行傳催外爲此通告仰兩翼牧場界內墾戶一體遵照送驗地照勿違此告等因奉此敝公同遂將契照送往呈驗一面請示辦法當奉兩翼牧場傳語須將原照契約留下付予收條將來換給陸軍部大照云云聞命之下詫異萬分查購此地段時異常審慎實力調查清楚始敢領有府照復遵章在多倫地方官稅領民契是該地段確爲民地無疑茲奉前因若遵令換領陸軍部之照豈非民地而爲國有查完納稅課向歸地方衙門徵收今再完稅於陸軍部更爲一地而兩稅考查萬國公法各國亦無此苛政若收一稅而免一稅在農民無虧可吃而與大部財政統一不無牴觸且民地一旦而爲國有其中大有分別所以敝公司因開墾三年之久

一切籌備不下二十萬金是以未敢遵辦將契照仍復携回再四思維一籌莫展素悉大部有統一財政之權督徵稅課之責亦應保護民產豈容擾亂財政致生無限交涉農民何敢再來購荒開墾若任其所爲則與實邊政策窒碍殊多此後不堪設想且陸軍部兩翼總管圈入之地段正在內蒙範圍倘激出意外之虞則與敝公司關係匪淺不得不力陳積弊以盡國民寸心敝公司不得已之苦衷不能不爲我次總長陳之伏乞鼎力維持保護則地方幸甚商民幸甚抑或會同內務部農商部轉呈 大總統派員澈底查究以憑公斷則敝公司庶免損失股本而於國計民生實邊政策獲益良多矣可否之處伏乞批示祇遵除分稟內務部農商部外理合具稟聲明伏乞鑒察施行

都統令兩翼巡防分統酌派兵隊保護該委員等勘丈大馬羣地畝

文

（參務總局承辦堂稿）四年七月十七日

案據墾務總局呈勘丈員郭永泉王械齡等呈稱大馬羣一帶長約七十餘里並無居民土匪出沒無常地方不靖委員等至該處勘丈地畝投宿無村在在可慮擬請就近派兵保護等情前來查本區墾務改組正在積極進行該委員等勘丈大馬羣荒地居民無多地方遼闊若不加以慎重不免或有疎虞合亟令行該分統仰卽遵照酌派兵隊於該委員等在大馬羣一帶丈地之時隨同保護以維墾務而戢匪踪是爲至要此令

墾務總局令張北縣迅傳張世安郝常久等各戶併案理結並查明有無逼勒情事文

四年七月十八日

據民戶張世安孫緒齋興旺稟稱竊民等於民國元年分領於王喜領到大馬羣廠汗諾爾前地十一頃於民國二年押荒領照已陸續開成之熟地有四至墾荒執照爲憑不料吳局長就地勘丈竟將民等有照之熟地專給於無照之石富陳聚寶收領似此情形不知是公是私論其公不能

以有照之地作爲無效論其私伊是奉文而來抑何是非顛倒若是耶民等愚蠢無知祇知已開有照之熟地是民等養命之源一旦專給他人不得不叩訴於總辦案下伏乞查辦將民等熟地追還與民執業民等闔家則感恩無既矣等情據此查案據民人郝常久王喜等先後具稟前來業經本總局令行該縣會同該局長秉公辦理在案茲復據稟前情究竟該局長有無逼勒情事抑或該民等事後刁翻亟應併案理結以斷葛藤除批示外合亟令仰該知事併案迅傳該民戶人等一齊到案秉公理結勿任久懸並將辦理情形具覆以憑核奪此令

墾務總局批張北縣民人張世安郝常久等地畝膠轕一案仰候令

縣傳訊文

四年七月十八日

稟悉查該民等地畝膠轕一案既據該墾務局局長親往查勘酌換地畝以息爭端爾等既已甘具切結了案何得率又來局翻控所稟各節是否

屬實候令張北縣傳案秉公理結仰卽投案聽候處理可也此批

墾務總局令張北縣查明民人張琮稟控張北墾務局局長一案有

無不合之處詳訊確情秉公辦結文

四年七月二十日

據民人張琮稟稱竊民承佃凌堂頭台荒地三十七頃四至坐落奉官指明具圖在張北縣存案前數年因民不久在地屢被土豪郭士恒等侵霸不休民屢在張廳呈控積案如山奈郭士恒等與前廳長通賄害民將民之事概置不理迨至長官卸任之後及楊劉二廳長任內屢被紳董將郭士恒賄官虐民之事指呈在案因以逃避數年永未到案對質嗣有人說合罰伊銀數千兩令伊懺悔自新誰想郭士恒故態復萌今又運動吳委員將民界內所有餘地十餘頃詭捏名目俱行領去郭士恒又送給吳委員騾子一匹是前日霸地之人今成領地之人矣且將民原照三十七頃之數短去三頃致民有糧無地吳委員趁民不在地所勒逼民未成了

之孫張智具結了事似此官法顛倒民實難服已將細情稟明道尹轅下蒙批令張北縣會同該墾務局局長查明實情呈覆核辦在案至今未見呈覆情急無奈因以叩稟墾務總局總辦案下恩准查照前諭所餘之地先儘原領人交銀領佃且將民原數補足實爲公便等情前來據查此案於本年三月間經該墾務局局長辦結後疊據該民來局具訴究竟該局長辦理此案有無偏袒及受賄情事該民人所稟各節是否屬實亟應確實查明秉公理結除批示外合亟令仰該知事立傳該民人到案詳訊確情秉公辦理毋任纏訟並將訊辦情形具覆是爲至要此令

墾務總局令沽源縣知事嚴催應收荒價曉諭教民勿得私墾文

年四

七月二十日

案據本總局派往沽源勘丈委員王毓麟金祖恩等稟稱委員等續奉令派於勘丈之便會同坐辦局長整頓方法努力進行等因奉此委員等遵

卽晤商局長調查分局現在情形及進行方法查分局於二三四等月經各勘丈員分途清丈刻已丈出餘荒六百餘頃應收押荒價銀二萬餘兩惟各牌人民對於追繳押荒不無觀望分局收款因而遲緩委員等目睹情形商請坐辦協力票追連日各戶卽有交款將來如能按章勒限各牌自不敢遷延其未經復丈各牌准局長面稱俟秋收一完卽行分派清丈惟縣轄北境地鄰比國教堂舉戶大半在教其中私舉侵佔尙未復丈卽如白文明圖載之紅城子地段卽係教民私舉將來若不切實清理深恐各處藉口效尤可否懇請令知坐辦與牧師等據理申說請其先行轉諭各在教舉戶以杜在教抗丈之弊併乞令知坐辦迅將各牌所欠押荒銀兩切實協迫以促進行而維要政出自鈞裁等情據此查該縣分局丈出餘荒六百餘頃應收押荒二萬餘兩自應從速追繳未便任其拖延至教民私舉侵佔等弊久已惡俗相沿現當整頓舉務之時尤須革除淨盡合

亟令仰該知事卽便遵照一面嚴催荒價一面曉諭該縣教民於本總局及分局勘丈地畝勿得稍有違抗致干未便切切此令

舉務總局指令沽源縣知事局長據呈白文明所稟只爲恤蒙私租

又與原圖不符及教民私舉殊礙舉政文

四年七月二十日

呈及另函均悉該牧場馬場既於前清光緒七年至宣統元年間陸續舉放升科白文明前所稟請只爲恤蒙私租起見何以所有地名又與原圖所載多不符合且查清摺內開凡有私租者係禮王德公等府取領既係白文明祖遺牧廠何以私租又歸他府取領難保其中有不實不盡之處且僅憑縣署舉荒案卷亦未可據爲舉放無餘之確徵究竟除業已升科地畝外是否尚有餘荒夾荒及無照私舉之地畝應確切查明務得真相仰該委員等仍須親赴該場實地調查認真辦理勿負委任至各牌民欠押荒銀兩應由該局長商由坐辦上緊票迫勒限清繳毋任遷延其紅城

子地段亦應一律清丈若任教民抗墾殊碍墾政進行應候都統出示曉諭遵照並由本總局令知縣知事遵照 大總統批准察哈爾墾務局清丈章程第一章第七條之規定照章清理以昭大公仰卽知照此令圖冊約均存

墾務總局令沽源縣知事催收荒價並曉諭教民墾戶勿得抗丈文

四年七月二十日

案據本總局派往沽源勘丈委員王毓麟金祖恩等稟稱縣轄北境地鄰比國教堂墾戶大半奉教其中私墾侵佔向未復丈將來若不切實清理深恐各處效尤可否懇請令知坐辦與牧師等據理申說請其先行轉諭各奉教墾戶以杜抗丈之弊併乞令知坐辦迅將各牌所欠押荒銀兩切實協迫以促進行而維要政等情據此查該縣分局丈出餘荒六百餘頃應收押荒二萬餘兩自應從速追繳未便任聽拖延至教民私墾侵佔等

弊久已惡俗相沿現當整頓墾務之時尤須革除淨盡該教民務農爲業卽是中國之良民種地納糧民教均歸一致此次清理墾務准其承領押荒欸則納之國家地則歸之墾戶事同一律絕不以人民奉教稍存歧視之心如該知事勸導有方該教民當亦不致遽生反對合亟令仰該知事卽便遵照嚴催荒價一面剴切曉諭該縣教民於本總局及墾務局勘丈地畝勿得稍有違抗致干未便切切此令

都統訓令各旗總管迅將官兵缺地畝數造冊送由本總局轉令各

該墾務局查辦文

(墾務總局承辦堂稿) 四年七月二十一日

案據豐鎮墾務局長賀澎坐辦許銘彝呈稱竊查察哈爾右翼四旗自總管以及兵丁併衙門住在地點向有撥給隨缺地或數頃或數十畝不等惟此項地畝詳冊縣署無案職局無可稽考豐縣地跨正紅正黃鑲藍三旗其餘丈放各該旗夾荒餘荒非有確切根據則臨事勘丈勢必難清

輾轉若遇案咨查不獨文牘往返有稽時日實亦不勝其煩合無仰懇鈞局咨行各該旗總管將隨缺地段畝數坐落四至繪圖造冊一併咨由總局轉令職局俾有依據以資進行之處伏候核示祇遵等情前來除分令外合亟令仰該總管遵照舊章限定隨缺地畝總分各數迅將該旗官兵隨缺地段畝數坐落四至繪圖造冊送由墾務總局轉令各局查照辦理毋稍違延此令

墾務總局令張北縣

知事

開具節略送縣由該知事單獨審訊秉公

辦理文

四年七月二十三日

據民人郝常久王文悅等稟稱竊民等控吳局長顛倒是非將民等有照墾熟地偏袒更換於他人勒逼具結一案呈蒙批令張北縣知事會同該局長秉公理斷令民等赴縣投案等因民等蒙批理應靜候但事有可疑可畏者故此哀哀再瀆民等前畏吳局長之恫嚇含冤具結今再令其會

同縣主審案若因嫌大肆聲色恐縣主不能阻攔民等再被屈辱不特疑
 吳局長之偏袒且疑縣主之偏袒此必至之情也况官長既被民人呈告
 理應迴避專制時代且然况今共和時代而令被告審原告者有是法乎
 民等疑畏不堪因以昧死再瀆總辦恩准另委明員與縣主提案審訊庶
 情偽可得矣等情前來查此案前據該民人等稟稱該墾務局局長各節
 當由本總局令行該知事會同秉公理結並令該局長查明具覆各在案
 茲據前情除批示並令該局知事外合再令仰該局長迅將辦理該局
 具節略送縣由縣單獨審判案公處斷毋稍偏徇仍將辦理情形該局
 詳該民人等所控各節逐一開具節略移送該縣即由該縣單獨審訊以
 昭公允無延擱而詳覆核奪此令

墾務總局令張北縣知事傳集王文柱及前郝常久全案人等併案

查究秉公判結文 四年七月二十三日

據五台民戶王文柱等稟稱民等十三戶與王喜合夥領到勿蘭蘇木荒

地十六頃數年以來已經開成熟地領有墾戶執照憑據不料有吳委員偏聽劉元高清風之唆使勒將民等熟地奪給慎德地局另補荒地彼時吳委員眼同吩咐民原開原種之田仍令民原收一年民等於陰歷五月二十六日在地鋤耘突有惡豪高清風劉元張明月張亮等突來多人手持梃械蠻橫亂打將民等耘地之人不分老幼盡行打回自此荒蕪苗皆成莠無人敢去鋤耘民等數十家衣食所關哭訴無路懇呈鈞局恩准作主以救蟻命感恩萬代等情前來查此案自該縣墾務局辦理後疊據民戶郝常久張世安等先後聯名具訴前來節經本總局批示並令該縣查明辦理在案茲據前情除批稟悉據稱張明月等阻爾鋤耘田苗荒蕪等情如果屬實殊於農事有害仰候令行張北縣知事迅速并案查究傳集全案人等詳訊確情秉公判結毋任纏訟仍將辦理情形具覆此令

墾務總局指令馬家輝覆丈三翼馬廠數目不符文

四年七月二十

呈及附件均悉查三翼馬廠原丈數目係七十六頃七十九畝零九釐此次覆丈數目核與前冊約少四頃五十畝有奇事出一手何以先後兩歧殊不可解查核稟冊小數又不相符其中有無別項事由均未聲叙仰該委員迅速明白呈覆以憑核辦冊存此令

墾務總局呈都統准興和道道尹咨右翼鑲紅旗各民人私墾之地應歸兩翼牧政公所辦理至南文明等銀兩所存商號被搶後如何辦理無案可稽文

四年七月三十日

案准興和道道尹咨稱查接管卷內民國三年十一月十八日奉都統令開案據右翼牧羣總管幹珠爾札普呈稱前以右翼鑲紅旗界內之地多被民人私墾曾派協領旺楚克等查勘去後旋據該協領等報稱查據民人楊禎一出具切結內稱民人於中華民國元年開墾帳房山西溝荒廠已種熟地一頃已墾未種荒地四頃現年未種因彼時地界不清因而越

舉現已分清界限已知向日舉種之地係陸軍部右翼鑲紅旗場界既已舉種二年情甘認罰此後或令耕種交納錢糧或令分收或令退荒之處候令遵行等情又查據民人孫德才劉玉魁子出具私舉切結內稱民國元年開舉帳房山西溝荒廠舉種熟地三十畝現年開舉地二十畝因分界後始知舉種之地係右翼鑲紅旗場界已種三年情甘認罰等語又查據民人張有餘結稱民國元年開舉帳房山西溝已種二頃二十畝現年開舉五十畝未種現知開舉之地係右翼鑲紅旗場地已種三年情甘認罰等語又查據民人李萬永結稱民國元年開種馬蹄子溝荒地四頃現年開種一頃現知此地乃右翼鑲紅旗場界已種三年情願認罰此後或令耕種交納錢糧或分收退荒之處聽候令下遵照各等情據此查以上民人出具四分私舉切結情詞大概相同理合將所查情形具文呈報又據該總管呈稱前以鑲藍旗地界被和親王府經事呂學端盜賣暨教民

南文明等侵佔曾派協領那木吉勒租穆等查勘去後旋據該協領等報稱查據民人胡永長石玉胡達郝存禮等稟稱於前清宣統二年六月墾種鑲藍旗台頭溝地界係承買呂奉君卽呂學端名下荒地十五頃共交過地價銀六百兩日後有事有呂奉君卽呂學端承管是實等情又查據教民南文明白玉山白亮喬士殿郭守先等面稱於前清光緒三十三年在墾務局領買專房廟一帶荒地一百二十六頃未發部照僅領墾務局印據一張曾交地價銀一千兩宣統二年將地墾熟三十頃曾經教民等稟請由前獨石廳瑞發給執照鈔請核奪等情據此合亟令行轉令沽源縣詳查具報等因奉此當經劉前道尹飭縣查報旋據該縣呈稱按照指令先行出票傳喚呂奉君卽呂學端去後茲據原役回稱呂學端仍在北京未回有伊同事田建蔚隨票到案知事面喚田建蔚按照令知前後緣由詳切查訊據田建蔚聲稱久在呂學端地局幫同辦事多年切知細情

所指民人楊禎一等五人私墾鑲紅旗帳房山西溝地界均係土豪黃占驃假名和親王府辦事人員私賣強佔之地查訊該民人等自知真僞呂學端並未越界指墾至於民人胡永長等四人所墾台頭溝地界係和親王府門管指令開墾地屬本府界內呂學端當日亦係遵照和親王府地圖門管人員面指之界遵照辦理是否如何懇祈且俟和親王府委員到境不難澈究等語至於教民南文明等五人所墾專房廟地一百二十六頃執有印據等情知事卷查前清光緒三十二年間教民南文明等向墾務局曾領買太僕寺馬廠地坐落鑲白旗界內共作價銀一千兩領有該局印據交該教民等收執嗣於前清宣統二年間該教民等試行開墾經獨石前廳瑞派人查明已墾可種之地一百二十六頃因本縣學款不足稟請直隸藩學兩司批准按每畝抽交租銀一分每年共交租銀一百二十六兩就近提歸本縣高等小學校費用並有前獨石廳瑞發給執照交

南文明等收執在案復卷查得該教民等原買墾務局之地確有四至計東至河灘西至山南至神公會北至爾等木圖水泉溝又卷查得前獨石廳劉於前清宣統三年間奉察哈爾前都統札查前因曾據詳呈明蒙前都統批此項地畝墾局並未詳報本轅立案墾局裁撤後右司移卷查有南文明等存交口平銀一千兩飭令轉傳南文明等赴口發還前銀至於地畝一節仰飭前廳劉詳請陸軍部兩翼牧羣總管定奪等語前廳照辦去後是否領回前銀無案可查知事到任後該教民等所交學款仍舊按年清繳等情詳報前來復於民國三年十二月二十三日呈奉都統指令呈悉已令墾務局查核辦理矣此令等因奉此查自奉令後迄今已逾半載如何核辦無案可稽相應具文咨請貴總局請煩查照希將奉令以後辦理此案情形詳細見覆此咨等因准此查接管卷內此案於民國三年十一月三十日奉鈞署一千二百五十六號令前墾務總局查核辦理在

案至前總局奉令之後如何辦理無案可稽茲准前因查該民人等私聚各地既據稱係在陸軍部牧場界內則此案地畝糾葛似應歸陸軍部兩翼牧政公所核奪辦理至南文明等所存銀兩查接管卷內前右司呈報接收前推廣墾務局移交另存南文明口平銀一千兩及前右司實存荒價銀一萬三千三百四十二兩零五分均在協聚生商號存儲於三年六月二十四日十點鐘後被叛兵搶劫當經都統批示據右司呈據協聚生報告存儲銀錢及官欸均被搶劫呈悉查庫欸理應存庫設官分職所以典守既不典守設官謂何查官欸交商存儲及發商生息例須立案該司此項存儲協聚生一萬五六千兩官欸既無案可稽本都統向來亦概未之聞來呈遽謂早經面稟在案殊屬飾詞荒謬該司既係以個人名義外存公欸該司卽應個人負完全責任與該號交涉且漫不加察遽存鉅欸其中情節不問可知事後毫無辦法欲以一紙呈明了事殊屬糊塗自欺

欺人古有明戒該司供職多年檔案均熟仰卽深思並轉行墾務局同益糧局一併知照此批等因在案查此案嗣後如何辦理亦無案可稽除咨覆興和道尹外理合將此情形呈請都統鑒核謹呈

八旗生計會函陳正黃旗要求地畝並請令嚴防土豪私墾文

四年八月

一日

案查三翼馬廠餘剩地畝前經三翼協領遵奉都統令文議作十旗公產照繳押荒以裕國課而裨生計當經呈蒙批准並令墾務局在案旋經敝會成立准三翼協領查照會章將此項地畝案卷交會辦理前來當於本年三月四日呈報都統鑒核暨咨請貴局查照並文內聲明日後馬廠界內如查有未開荒地以及私墾情事再行咨請派員會同勘丈補交押荒旋奉都統批開仰候令行墾務局查照辦理可也此批等因奉此覆於三月十五日咨請貴局查照辦理並分咨興和道尹張北縣暨墾務局各在

案四月八日正黃旗總管來會聲稱馬廠官田內有本旗台地三十頃云云敝會以理答復卽經呈請都統派員會同澈查馬廠地界以清軫輻而免藉口復於四月三十日遵奉都統令文議復正黃旗總管爭領三翼馬廠界內地三十頃始末情形懇請澈查以昭公允各等情先後呈報在案旋於五月十九日准墾務局知會敝會長等到局有面議事件立趨晤談當場賀局長聲稱三翼馬廠地畝既經兩造交涉非從中解決無法辦理始則賀局長云給正黃旗五十頃繼則四十頃終則七十餘頃均各分半如不照辦定派員到地指分爾時誰能爭論莫若就此承認以免軼轍云云會長等答以該總管屢次無理要求三十頃之數尙未允許今既貴局從中解決須先擬一辦法俾昭公允亦不可如此壓制惟該總管始而要求三十頃除前已撥給二十頃五十畝外再由十佐馬廠界內七十餘頃中撥補九頃五十畝在該總管要求已足其數在十佐讓步得期和平賀

局長直言不允會長以此項官地係由三協十佐呈奉批准之案雖暫歸生計會經理究未敢擅自承認當答賀局長由會召集三協十佐開會後再行答復旋於五月二十日召集全體開議宣布上項理由多數極不認可正在三協十佐議具會呈尚未呈遞間是晚接奉都統批示呈悉仰候分令舉務局暨該會迅派專員前往會同該旗總管查勘辦理可也此批等因奉此遵卽特派鑲黃旗防禦文謙會同前往查勘當於五月二十三日呈報都統鑒核并咨行貴局查照在案旋准貴局咨復令派繩丈委員馬家輝會同前往查勘劃分等因當經轉知敝會文委員與馬委員商定啓行日期間旋准馬委員家輝麟科長偕先後轉傳都統諭以此項廠地給正黃旗五十頃給十佐二十頃不敷之數擇其好地撥補十佐云云敝會既奉都統傳諭自應遵照辦理無論曲直曷敢辯論復查舉務局前交敝會押荒單據開列七十六頃有餘此次雙方分撥七十頃所餘六頃餘

地又未言明經詢馬委員答以六頃餘地係有張萬福部照地五頃留給廟地一頃如此說法前賀局長卽不當開列單內致滋膠轕至於給十佐補地一節查新舊馬廠界內皆係私墾未升科之地是以三月十五日敝會咨行貴局文內聲明所有三翼馬廠地畝屆期勘丈時務請預爲知會以便敝會派員會同辦理將來界內如丈有已未開私墾地畝仍請交由敝會照章補繳押荒等因在案既奉都統傳諭補地之事自可將廠界以內之地丈出交會押荒非特生計前途有所依賴卽國家田賦亦可增收較諸任伊私墾私種而不納糧者裨益良多如能將丈出之地交會本會亦認原墾原種免致顧此失彼之虞以符共和之宗旨抑更有言者久聞口外知識稍通之民願早施繩清丈國課所納無幾悍徒罔敢欺凌何則此間如種私地卽曰黑地雖不交糧當秋收時附近惡棍以及原初放地戶總商人強去分禾莫敢阻遏更不敢赴法庭起訴祇可默受其苦甚至

惡棍等去分秋禾比交國家賦率奚啻倍蓰惟一班無知愚氓向受己取消而未滅盡之戶總商人暗爲煽惑已成習慣所以公家一舉清丈該戶總商人極力鼓吹阻力橫生往往難達目的然辦理清丈雖係於國於民均有裨益究屬戶總商人無此中飽難免此輩不別生異心所以清丈馬廠界內之地擬請嚴拿暗中煽惑之徒出示曉諭安分之民進行之策全在於此倘邀鑒納斯言他處亦可仿辦久諗貴總辦熱心公益諸事認真是以敢貢蕝蕘敬祈鑒核除將正黃旗總管無理要求三翼廠地前後案情抄粘奉閱外相應函達貴總辦請煩查照見覆以便遵照是所企禱此致

舉務總局呈財政部請轉令金海迅帶原圖冊來局隨同出口指界

請鑒核文

四年八月五日

案奉鈞部令開據正黃旗滿洲寶山佐領下人金海以祖遺荒地界限未

清懇請令旗查核原圖劃清地址等情繪圖具稟到部除批示外合亟鈔稟附圖發交該總辦查勘該地究有若干畝數是否金海祖遺產業務將確情呈覆核奪此令等因奉此遵卽鈔稟附圖令發張北縣知事暨張北墾務局局長迅速查明該地畝數確係若干及是否金海祖遺據實呈覆以憑覆部等情去後茲據覆稱查金海祖遺荒地一段幅幘遼闊劃界非易且僅有草圖一紙並無各地戶姓名原冊應令金海攜帶原冊來局接洽隨同出口指明地界再由該局詳細調查方可劃清界址等情前來理合呈請總長鑒核俯賜轉令金海迅帶原冊來局接洽隨同出口指界以便詳細查勘實爲公便謹呈

都統令據八旗生計會呈正黃旗要求地畝各節令局詳查辦理文
四年八月五日

據籌辦八旗生計會呈稱竊職會前准三翼協領交奉鈞批三翼馬廠餘

剩地畝歸作十佐公產照繳押荒以裕國課而裨生計等因曾經呈報鑒核嗣蒙批定押荒數目各等因遵奉在案卽經先後措繳押荒銀幣三千七百五十元正在墾務總局發領部照之際突有正黃旗總管來會無理要求馬廠界內之地據情呈報並奉鈞令議覆前後案情呈蒙批令迅派專員前往會同查勘等因奉此遵卽派委鑲黃旗防禦文燾前往會同秉公辦理旋准墾務總局派來繩丈委員馬家輝覆經蒙旗科科長麟岱前後面傳鈞諭以馬廠界內丈出已墾未墾地畝給正黃旗五十頃給十旗二十頃所有墾務總局餘收生計會代繳十佐押荒銀幣或由馬廠界內餘有之地補給或另擇好地補給俾免轆轤等諭奉此自應遵照辦理惟查前墾務局賀局長前次開來催繳押荒地畝單內列有七十六頃七十六畝九分八釐此次分給正黃旗五十頃分給十佐二十頃共計七十頃尙多六頃七十六畝餘當據馬委員家輝聲稱單內多開六頃有餘係有

張萬福部照地五頃留給廟地一頃餘前者敝委員丈竣報局時業已叙明此次單內所列難免誤筆等語既經聲明毋庸置議自應依照七十頃之數分給承領旋經委員文燾聲請另委勘查復經改委驍騎校莫爾根前往會同馬委員家輝查勘除丈交正黃旗外淨丈給十佐回子溝地二十頃四十畝并丈出牧馬十佐官房左右荒地九十一畝六分官房并沙石在內未除復丈出西界以內私墾地一頃二十七畝又丈出界內大洪溝私墾地四十五畝惟查此兩項私墾地畝雖然爲數無幾究竟均在界內應如何辦理請會核奪等情查復報告前來查該委員會同查收回子溝二十頃四十畝及牧馬官房左右荒地九十一畝六分官房沙石在內未除計官房十五間并沙石一段約除地五畝前後共計二十一頃二十六畝六分自應照繳押荒至於丈出兩處私墾地共一頃七十二畝究竟何人令伊私墾以及有何憑照必須澈查明確再將此地仍歸職會押荒

地歸原墾承種以示體恤至於短給十佐之地職等再三討論懇請都統令下墾務總局迅將三翼新舊馬廠界內之地通盤清丈餘出之數如何撥給十佐應由墾務總局呈請都統核示如此辦理匪特十佐生計有所補助卽公家正賦亦免隱漏抑更有請者如辦理清丈顯係杜絕土豪惡棍之常年餘利亟須嚴加防範免其橫生枝節每丈一地須將部照加蓋已丈戳記以防藉此抵彼之流弊除函墾務總局查照外理合將新舊馬廠四至另繕清單呈請鑒核示遵等情據此除批示外合亟照抄原單令仰該局詳查辦理具復候核此令

墾務總局令張北縣知事本局派員前往四臺調驗及丈量餘荒仰

該知事傳令該臺鄉約先行開導各民戶文

四年八月十日

案據四台章京朝克圖驍騎校得勒克穆隆筆帖式孟克特木爾等稟稱該台四圍俱有空閑餘荒約有十七八頃蒙恩批示詢及四至因此地四

面皆有空閑餘荒與諸多民地接壤四至碍難枚舉職等爲與民地相連罔利之輩任意侵佔致起交涉累及本台再職等俱住本台深知此荒無關游牧尤爲輻輳與其強徒私佔莫若預爲開墾一益於國再便於民爲此具呈請委勘丈周圍四至自有水落石出爲此叩懇總辦派委勘丈承領押荒各等情前來據此除批示外由本總局派委科員易薩圖前往該台調驗附近各民戶有無部照凡該台空閑餘荒及無照私墾各地均須核實丈量繪圖填表並隨帶通知書分發原墾民戶令卽迅速繳價領照俾資管業並取具該台官兵印結送局存案查四台地屬該縣管轄現在派員清丈餘荒並辦理各節深恐民戶不明事理或滋疑竇合亟令仰該知事傳飭四台鄉約先行開導各民戶人等一俟該委員到地凡有照者呈驗部照無照者遵章繳價毋許玩延阻抗並令該台鄉約隨時聽受指揮勿得推諉延誤是爲至要切切此令

舉務總局令涼城縣知事檢查潘玉龍等地畝膠轕案卷據實呈覆

並將前存荒價暨續催之欸一併解送文

四年八月十日

查該知事前呈遵令查照地戶花名單傳繳荒價除收到二十八戶荒價照費銀一千九百二十五元二角七分暫存縣庫彙解並趕催欠戶外惟內有潘玉龍公和堂二戶各領下則地一頃查得此項地畝本係學堂公地乃蒙古鑲紅旗十一蘇木官兵等不知有何依據將此項地賣與潘玉龍公和堂二戶作價二百兩刻下該二戶非特不繳荒價卽欲向該十一蘇木索取地價究應如何辦理之處伏候鈞裁等情前來當經本總局指令該旗官兵私賣地畝實干例禁仰卽傳訊潘玉龍公和堂二戶有無該旗私賣約據並檢查案卷此地是否實係學堂公地一並據實呈覆以憑核辦至所收荒價照費仍暫存縣庫其未繳之戶嚴行催繳一併存庫另候令遵此令復由都統令知該知事會同鑲紅旗總管迅速檢齊學堂公

地案據送局查核並查明該十一蘇木官兵等何時私賣有無憑證據實呈覆以憑核辦勿延各在案迄今日久尙未呈覆合再令知該知事迅卽查照前項批令將潘玉龍等承領荒地內轆轤事件據實呈覆毋得再延至該縣庫所存之欸荒價部照銀一千九百二十五元二角七分連同續催之欸一併解交本口交通銀行收儲掣取收據繳局備核所需解費准予核實報銷卽卽遵照此令

舉務總局呈

內務部 財政部 農商部

統部擬分令各縣知事局長委員等

通告各戶凡已未升科及已承糧之紅契各戶官地一律登記請

鑒核立案文

四年八月十六日

本總局自改組以來對於舉務進行籌畫不遺餘力惟是從前放舉積弊甚深所有承領舉戶非存心朦混卽希圖隱匿若不正本清源從事整理不足以重舉政而除宿弊查整理之法首重登記現時青苗在地應先舉

辦登記暫緩清丈以示體恤如有人民自行呈請清丈或經各知事各局長認爲必要清丈者仍照章實地勘丈候至秋收以後則清丈與登記一律並進所有察屬官地無論已升科未升科凡有部照及已承糧之紅契者由各該知事會同該墾務局長及委員等先行出示曉諭一面嚴令所屬汛官鄉約村正轉知各戶從速赴局呈驗按照本總局所頒墾荒執照登記簿逐一登記不得含混此事關係墾務前途最爲重要除分令各該知事暨該局長委員等切實進行並分呈外理合備文呈請

總長
都統

鑒核立案施行謹呈

墾務總局呈都統據張北墾務局局長函稱辦理馬羣張秉鑑王喜等地畝鞦韆等情業由道局令縣並派員會審請察核施行文

年四

八月十七日

本年七月二十日據張北墾務局局長吳恩溥函稱案查大馬羣商都牧

羣界內荒地經商人張玉高、清風先後由都署暨前墾務總局稟請招民承墾，每畝交地價銀三四錢不等，補助蒙員官項。該地戶羅宏武、喜等均已備價墾種多年。邇時王喜情託小學堂堂長張儒，由前墾務總局朦朧報領，並未備過地價。遽領部照，致起爭端。此次局長遵奉都統面諭實地清查，照約重複。案如亂絲，王喜雖有部照，未備地價。若令其部照無效，恐於墾務進行稍有窒礙。若令其按照撥地界址與各地戶毗連爭端，恐無了期。局長再四籌維，計無所出，不得已函陳都統，劃撥牛羣荒地補給王喜。蒙批該局長所陳各節，自爲息爭解紛起見，應准照辦等因。遵奉都統批示，當將王喜地戶已墾熟中則地十頃，上則十六頃，張秉鑑地戶已墾熟上地十九頃，均按墾務定章原墾原種。此外王喜在前墾務總局所領地五十頃，張秉鑑地十九頃，均按部照撥赴牛羣一秉大公，以昭公允。該王喜暨衆地戶均已遵斷，具結完案。惟查小學堂堂長張儒本無地畝。

可爭因王喜在前墾務總局領地時託張儒向王友才說項應得酬謝地八頃今將局長將王喜地畝撥補牛羣似與該堂長張儒毫無情面伊就從中唆使以致己了之案風潮復起至王喜所陳郭士恒與局長食宿與共一節彼時從中調解非僅郭士恒一人曾經王喜邀請張秉鑑之弟張秉銳張志英戈佑國等兩相說合卽請轉令張北縣票傳郭士恒張秉銳張志英戈佑國並張儒等到案當堂質訊究竟有無賄通情弊務期水落石出實究虛坐以懲刁狡而儆將來等情並開摺繪圖函送核辦前來查放荒繳價易啓爭端惟賴總其事者辦理持平方足以昭折服此案張儒恃充堂長又與王喜至親故將羅宏等前領已墾及未墾之地畝勾結局員朦請部照倚勢霸佔以致羣起爭執前墾務總局不清界限是爲召訟原因之一王喜朦領皆係上地雖然執有部照並無約據全恃張儒勢力毫強傾陷幾至界限淆混曲直不分是爲興訟原因之一王喜與劉元本

無嫌怨祇以張儒包攬舉務垂涎勝訴卽得報酬如樹欲甯而風不息累年纏訟迄無了期比經周覽地圖核對清摺又將該縣全卷悉心研究卽就該王喜等前後所稟矛盾已多該局長對於此案親臨勘丈始悉真情又復勸導再三按照原舉原領章程支配撥換辦理尙屬公平至所稱王喜誣讎該局長一節非傳訊質明實究虛坐不足以杜刁頑而孚輿論張儒身充視學兼任堂長乃竟藉舉招搖不知自愛應卽取消職務以儆將來仍應由該縣將總局令傳集訊之案趕速訊取確供分報核奪除業由道尹令行張北縣並由總局委任分發知事吳天澈爲會審員會同該縣知事秉公審理實究虛坐呈覆核奪外理合會呈都統察核施行謹呈

舉務總局呈都統爲加令易科員迅赴該羣會勘並照會該羣總管

請鑒核備案交

四年八月十九日

案奉鈞令據商都牧羣總管呈稱前准察哈爾舉務總局照會開案據張

北縣屬民人王富等稟請勘丈商都牧羣烏呢諾爾一帶地畝令派科員易薩圖前往該處查丈劃分等因奉此當由本處令派委翼長色楞德勒格爾俟科員易薩圖到本羣游牧時卽行會同易薩圖將烏呢諾爾一帶地畝按照原呈地圖勘丈劃分等因在案惟現在各地戶編造謠言喧傳各處均要開墾理合呈報都統伏乞轉令墾務總局迅派科員易薩圖卽速出口會同委翼長色楞德勒格爾丈量烏呢諾爾荒地以便創挖壕塹而免奸詐地戶等私越墾地等情據此除批示外合亟令仰該局迅卽委派該科員前往會勘辦理可也此令等因奉此查此案前據民人王富等稟請勘丈前來當經令委本總局科員易薩圖前往會同該羣派員按圖劃勘嗣因該科員四臺公幹未畢迄未前往茲奉前因除加令該科員迅赴該羣會勘辦理並照會該羣總管外理合備文呈請都統鑒核備案謹

呈

墾務總局指令豐鎮墾務局呈涼城縣夾荒餘荒應由何處暫行兼

辦文

四年八月二十四日

呈悉該民人張不成等既隸屬涼城而出價所認領廂紅旗頭蘇木之地又在涼城境內仰候令行涼城縣知事派委勘丈催繳荒價以清界限並轉知該民人遵照此令

墾務總局呈都統遵令轉令沽源墾務局查辦呂學端盜賣業禧敦

魯布倉地文

四年八月二十五日

案奉鈞令內開案據阿嘉呼岡克圖倉商卓特巴綽爾濟業禧敦魯布稟稱竊本倉牧場地界當左右翼未分界以前已被呂砲手卽呂學端將本倉之牧場與左右翼毗連地界盜賣與曹張王三姓各一段墾種數年已成熟地曾經稟陳都統令禁等情當蒙出示曉諭在案詎該民等不惟全不認可益加越墾無已膽敢抗違不遵祇以本倉僧徒衆多別無產業所

賴此地養贍生活似此強頑墾佔僧衆何以爲生只得仍懇都統垂憐俯賜令行清丈局隨帶本倉人員將此地按照原案地圖清丈並將各該民墾種之地各立界限按照界限咨請發給本倉部照持此永爲憑據以杜侵佔則本倉願將所開熟地照交押荒銀兩爲國家納租而民等俾得遵照方可永遠爲業再毓公府著牧長額凌沁綽札普等圖佔本倉牧地恣意壟斷嗣因分界之後該府竟將與本倉毗連交界之碑模糊砸毀等情亦經屢報鑲白旗有案合再稟陳前由仰請鈞鑒禁約該府遵照原案底圖所立界限勿得再行越佔實爲公便等情據此除批示外合亟令仰該局即便查照文內情事詳核辦理此令等因奉此業由本總局令行沽源縣知事暨該局局長查照前因妥爲辦理並將辦理情形具覆核奪除俟該知事局長呈覆到局再行核轉外理合呈請都統鑒核謹呈

墾務總局呈都統奉令轉行豐鎮墾務局辦理松年牧廠一案請鑒

核備案文

四年八月二十六日

案奉鈞令案據正黃旗滿洲潤芳佐領下世襲一等雄勇公松年稟稱竊本府祖遺馬廠一處坐落在察哈爾豐鎮縣正黃旗頭至三十五十六十七各佐領界內并正紅旗二佐領界內於民國三年七月間曾經稟請內務部查照轉行鈞署核辦等因嗣與華裕林舉公司訂約合辦已於上年冬間會同來轅聲請查照轉令豐鎮縣及正黃正紅兩旗按原圖指界以便開墾等情各在案其時正值冬令嚴寒清丈難施今值夏日天氣和暖丈放較易且仍舊荒蕪久恐易招外人覬覦爲此趕速會同公司人員張輔勳赴轅合詞稟懇都統俯准查案援照令行豐鎮縣暨該管各旗署按圖指定界限以便清丈而免爭端實爲公德兩便謹陳緣由恭呈鈞鑒伏候批令祇遵附圖四張馬廠全案一份等因據此查該襲公等稟請勘丈及訂約合辦各節似與該局前次呈擬批准辦理各旗王公等職牧廠馬

廠原案不符未便卽行照准除批候令該總局查核辦理外合亟令仰該局查核前案地圖等項轉令該局遵辦此令計發原案一紙地圖四張均仍繳回等因奉此業由本總局抄粘前案並地圖四張令行豐鎮墾務局遵照辦理迅將辦理情形呈覆核奪并轉行各該旗總管查照除俟該局呈覆到局再行核奪呈覆外理合呈請鑒核備案施行謹呈

墾務總局呈都統請令右翼總管將關於人民控告該牧羣總管各案暨劃界地圖發交本總局籌擬辦法以維墾政而恤商民文

年四

八月二十六日

案奉財政部令開據華興墾牧有限公司總理黃玉協理孫世勳以價買馬廠荒地被右翼牧羣總管擅行圈入乞維持保護等情具稟到部查兩翼牧場劃界圈地究係如何情形本部無案可稽據稱價買荒地悉被圈入是否屬實除咨行察哈爾都統飭查外合亟抄錄原稟令仰該總辦切

實查明詳細復奪可也此令附抄稟一件等因奉此查民國三年兩翼牧場劃界係經右翼牧羣總管會同陸軍部派員辦理立樁爲記計其圈入民地竟達萬數千頃而現在養馬實尙不足二千匹之數地廣而荒名不副實界外民地多有被其圈入一半以致地照不符無論於墾務進行諸多窒礙卽各縣正賦無從徵繳亦與國課相妨茲奉前因除由本總局令知多倫縣知事查明該公司被圈價買荒地各節是否屬實以便覆部核奪外應請都統令下蒙旗科及該總管將關於民人控告該牧羣全案暨該牧廠劃界全分地圖發交本總局俾便籌擬辦法以維墾政而恤商民理合備文呈請都統鑒核施行謹呈

墾務總局咨興和道道尹本總局已令縣并委員等會同理結張秉

鑑地畝糾葛請查照文

四年八月三十一日

案准貴道尹咨開本道貴局會呈張北墾務局辦理馬羣張秉鑑王喜等

地畝膠轕業由道局令縣並派員會審請察核施行一案奉都統指令呈悉仍仰該道尹總辦督令張北縣暨會審吳委員秉公審理迅速清結並將呈覆清結情形具報備查此令等因奉此除抄錄指令令行張北縣會同吳委員遵令速審具報核轉外相應錄令咨明貴總辦請煩查照希卽徑令該員吳天澈會縣迅速審理仍令將清結情形分報核轉毋任遲延足紱公誼望切施行此咨等因准此除令該員吳天澈會同該縣知事迅速審理仍令將清結情形分報核轉毋任遲延外理合咨復貴道尹請煩查照此咨

墾務總局呈都統請令牛羊羣總管遵照前案撥給王喜空閑地段

以清膠轕文

四年九月一日

案准管理三旗達哩崗崖牛羊羣總管咨稱據正黃羊羣協領德爾沁保等呈稱適奉令開准張北墾務局局長吳恩溥函開敝局長奉鈞令親臨

大青溝調查張秉鑑等地畝轆轤一案業將親往該地并丈放日期呈報在案查大青溝係大馬羣商都牧羣界址前於光緒三十三年間商人張玉稟請都統承辦商都牧羣空閑地設立地局招民承領名曰張福堂地局立有約據每畝作爲地價三四錢不等除貼補該馬羣應領官項外其餘供給該地局用費當立局之初有王喜約會劉源等幫助一切款項已經商人張玉聲明若王喜等款項能籌補至三千兩者出給空閑地八十頃作爲酬謝金等語近因王喜不能幫助多數嗣於民國元年該商人張玉虧累甚深且力量不及近於墾務總局成立之際有高清風等招商承辦稟請墾務總局立案名曰慎德局當委員奇車布勘丈共計四百九十二頃七十畝先備地價商人由局領有約據復往墾務總局補交押荒領給部照該王喜等以前商人張玉有言原無約據可憑逕赴墾務總局報墾該總局并不詳查亦不派員調查勘丈分明四至卽照王喜等所具地

圖貼說收納押荒發給部照以致轆轤不清訴訟不息茲將實地丈清擬添別處荒地集成零星多在百餘頃均係與衆地戶連界之地多不五頃不意該王喜與各地戶經年起訴尋釁若在暗中彼此接連地畝恐將來不免爭競理應劃清四至兩不相妨方爲妥善惟王喜等領有部照四十張計有百頃遽然令其繳銷部照則於墾務進行恐有窒礙儻若徧袒衆地戶難以息事局長再四籌思惟查馬羣東界之牛羣界內空閑地一段約計有一百餘頃似與王喜部照地相合其地則在牛羣界內非局長所敢擅專可否之處理合稟請都統鑒核示遵並懇令知牛羊羣總管查照見覆方可實行除令該局長遵辦萬勿再起轆轤並呈都統備案外理合照會貴總管查明界內搜濟養固索空閑地合計實數係上則或中則或下則一併具覆以憑核辦而便轉呈等因轉令前來遵查正黃牛羣現有游牧極爲狹窄且搜濟等處牧地係本羣蒙古村鄰接連居住牧放官牲

之地非是丈放空閑之地此內若丈出一百餘頃實於牧羣游牧有碍且民人王喜將別旗緊要牧地故意專私報爲空閑稱與部照相合請領顯見其私因取便利逕行呈報伏乞分別轉行呈咨請將窄小牧羣牧地免其丈量開墾實爲恩便等情前來相應照該協領德爾沁保等所呈咨行察哈爾全區墾務總局請將該羣狹窄牧地免其丈量開墾施行此咨等因准此查大青溝張秉鑑等地畝鞦韆一案前派張北墾務局局長吳恩溥前往辦理據呈以牛羣界內空閑地段約計一百餘頃撥給王喜以與原領部照相符業經該局長與該總管議妥照辦在案原爲清釐積案藉息爭端起見今該牛羣於已結之案復圖翻異殊屬不識大體且謂王喜將別旗牧地私報空閑尤爲誤會理合備文呈請都統令行牛羊羣總管轉令該管協領等遵照前案辦理毋得堅執致違原案伏祈鑒核施行實爲公便謹呈

舉務總局批許英華稟稱秦滿貴倚勢霸產乞查驗文

日四年九月三

稟悉前據民人秦滿貴稟控許英華指官詐騙各節已由本總局令行張北舉務局查核辦理在案茲據稟稱秦滿貴強霸民產阻撓清丈究竟孰實孰虛候由本總局令行張北縣知事暨張北舉務局局長併案審理仰赴該縣聽候傳訊可也此批

舉務總局令張北縣

局知事

會同詳訊許英華秦滿貴互控各節持平

辦理文

四年九月四日

據和親王府莊園處許英華稟稱竊緣張北縣紅山子有清室和親王府牧廠前光緒二十九年鎮國公毓咨報墾荒二千餘頃統歸王府養贍各在案公爵爲謀生計委派英華經理莊園處租地事宜屢囑英華墾戶租戶各守畛域毋得侵佔不料莊稼人貪心過甚至一年之中興訟數次月前英華入都面呈一切公爵令英華回張呈請貴局派委履勘清丈急分

界址俾獲遵照種地優待王公載在條約毋得覬覦莊園租地致礙公府生計等因遵此呈請局長會同張北縣派員勘丈劃分界址丈出餘地墾戶界內報墾升科租戶界內收作養贍庶墾戶租戶相安於無事之大伏乞賞准施行等情又據稟稱竊英華去歲五月十八號繩丈委員前往紅山子灘將地局安置妥適卽商議委員約來該處鄉約妥籌清丈方法當被聯莊會從中阻撓無效回口曾稟明貴局轉稟都統行知張北縣親往調查並派馬巡隊官盧君躬臨該處復查先後回覆均稱實係聚衆抗違英華素知該處農民曩皆不貧此事祇因首事人等受人朦朧隨聲附和卒至糾合各村無理違抗英華恐有不測保護委員回口該處首事人秦滿貴等率領人等聚衆抗違及時清丈與農無礙敢請局長查照前卷行知興和道尹兼署張北縣劉公派委員諭知首事秦滿貴等毋得再行爲難接得答覆兩方面各派委員出口務使清丈辦理有效若蒙恩准田賦

幸甚莊園幸甚而秦滿貴有墾照三頃種地十數餘頃屢次霸佔現袁朋
林有照無地秦某霸佔種地袁某交納官糧數十餘年袁某病故多年子
孫貧弱刻下將部照找出現尋莊園處鄰家要地今有民戶秦滿貴連界
霸種多年由去歲串通口外四十八牌聯莊抗違清丈聞英華於袁某找
地而秦某自行呈報交納押荒將袁某部照置放何處屢年交納國課若
干反使有糧無地袁某家中寡妻孤子食用維難亟宜嚴除惡霸免生禍
端所有秦某倚仗勢力強霸民產阻撓清丈藐視官長各情形伏乞貴局
查明核辦各等情前來據此查此案前據民人秦滿貴稟控許英華指官
詐騙各節已由本總局令行該縣墾務局查核辦理在案迄今未據呈覆
據稟前情兩造情詞各執自非傳案質訊不足以分涇渭除批示外合亟
令仰該局知事會同該局知事傳集兩造到案詳訊確情持平辦理並調驗秦
滿貴及袁姓民戶部照內載地畝各若干現所種地畝實數各若干如有

餘荒限令繳價領照勿任藉口遷延切切此令

墾務總局呈都統遵覆馬羣請發官弁盤費請轉知俟劃界差竣由

恤蒙項下核實支付文

四年九月六日

案奉鈞令據商都牧羣總管呈稱查會同勘丈荒地委員等劃分界址本案派出官弁人等均係自備資斧若不發給盤費難以應差自應籌給盤費官員每日擬給四錢筆帖式弁長每日三錢跟隨人等每日二錢此項銀兩一俟勘丈劃分差竣開具清單在於卹蒙八分項下由察哈爾墾務總局承領可否之處理合稟請指示遵辦等情據此除指令候飭核奪外合亟令仰該局知照核辦此令等因奉此查派員劃界自應籌給川資該羣總管呈稱官員每日擬給四錢筆帖式弁長每日三錢跟隨人等每日二錢自由由八分卹蒙項下開支應請鈞署令知該羣總管轉令所派官弁樽節開支俟劃界差竣開具詳細清單由本總局核實審查卽於該羣

應領恤蒙項下支付並請都統令行該羣總管率領所派官弁會同繩丈委員劉鳳林等遵照鈞署前令取一直綫迅速劃清界址勿稍延宕勿稍隱匿用符原案理合呈請都統鑒核示遵謹呈

墾務總局令涼城縣知事查明侯同嚴等稟稱康貴才阻撓勘丈各

節文

四年九月七日

據涼城縣民人侯同嚴賈二順李國棟張西元高日昇稟稱緣民等於民國三年間籌集資本向綏遠墾務局認墾到鑲紅旗頭蘇本大東灘荒地一段東至正紅旗四七蘇木界南至涼城學田西至涼城縣屬吉慶莊民地北至本蘇木界四至明晰繪圖粘呈時於本年三月間該區於涼城設局令派王委員與民等出地勘丈間因被地棍康貴才恃強阻攔並因奉文右翼四旗墾政歸察區辦理該委員遂即中止返局該地棍等乘隙出牛私墾民人正擬來察具稟適都統巡閱至涼當於行署據情懇請派員

查勘奉批稟悉是否屬實仰候令知墾務局派員會縣查勘辦理可也此批等因竊維鈞批煌煌理宜靜候曷敢瑣瀆惟查口外氣候時值墾荒之際民等奉批之下至今鵠候月餘未蒙委員勘丈令領無奈只得遵批匍匐投局具稟懇請鈞局俯念等候年餘籌集資本及東西奔馳之苦衷趁此墾荒之時恩准迅速批示派委勘丈令領則民等踴躍押荒而感德無既矣等情據此除由本總局批示稟悉據稱籌集資本稟由綏遠墾務局派員勘丈康貴才何得恃強阻攔乘隙私墾其中顯有別情究竟該民人等所稟各節是否屬實仰候令行涼城縣知事查明勘丈照章處理該民人等卽赴該縣聽候辦理可也此批掛發並照會該旗總管知照外合亟令仰該知事查明該地有無別項輻輳迅將已墾未墾各地據實勘丈清楚列表呈覆催令該民人等照章繳納荒價以便發給部照俾資管業並准於地價之內每百元中提出五元以作辦公解費等費如有抗違及阻

撓情事按律懲辦仰卽查照辦理切切勿延此令

羣務總局呈都統爲呈覆馬羣租銀准其開單核明支發并請令該

羣迅速劃界文

四年九月八日

案奉前都統令開據商都牧羣總管普爾布札普呈稱竊查羣務總局派出委員前來本羣勘丈新墾荒地所有需用車馬帳房鍋柴等項牧長們都魯塔預備委翼長額勒博格巴雅爾牧長永利等會同劃分除已於八月八日各令前往外擬俟差竣以後將此項預備物件租銀開單向墾務總局請領等情據此除指令外合亟令仰該局查照辦理此令等因奉此查總局派員丈地均係按章發給川資公費所需車馬帳房鍋柴等件既由該羣總管令知牧長預備除車馬費用應由勘丈員等川資項下自行撥給外所有租銀爲數當亦有限自應准其核實開單送局查核支發再據勘丈員報告近來該羣總管迭次遷延不爲劃界致礙勘丈等情查該

羣荒地係該總管以印文呈請開放已由本總局稟承前都統咨部轉呈請獎在案乃延及半年尙未劃清界址自應按照原圖由該總管迅赴荒地會同勘丈員劉鳳林等勘劃早清界址庶墾政可以進行不得故事遷延坐耗國帑理合呈請都統併案批令遵行謹呈

墾務總局令委易薩圖爲劃界委員文

四年九月十二日

照得本總局開放羊羣大馬羣生荒業經陸續加班勘丈羊羣現已勘竣請領者甚爲繁夥惟界址查與原報不符亟應核實劃清馬羣正在從事勘丈尤應積極進行以期早日蒞事茲特加派前科員易薩圖爲劃界丈地指地正委員馳赴羣地會同該羣總管所派翼長牧長務將所有界址按照原圖劃清勿任稍有隱匿凡各民戶向本總局請領地畝俟荒價繳足後卽由該員驗明部照按照號數隨時指撥其大馬羣生荒迄今日久尙未丈竣坐耗國帑厥咎難辭應由該員督率繩丈員張永旭畢耀先王

械齡王丙甲常誠來張廷棟等六員趕速進行毋稍延緩該繩數員等凡關於劃界丈地指地事項均應聽其指揮調遣如有違抗情事卽由該正委員呈報本總局除撤差外定行追繳薪水川資以示懲儆而重要公該委員亦不得瞻徇情面代人受過其各懷遵勿違此令

墾務總局批永壽堂稟請緩派委員清丈餘荒文

四年九月十六日

稟悉查此案前據該民戶王世均等先後控告八旗生計會假公濟私擾害墾務繩丈委員馬家輝放荒滋擾等情當由本總局一再批示仰該民戶等將原有部照送局呈驗聽候核辦乃遲至兩月之久未將部照送局復據該生計會迭請派員實行清丈已經都統特派調察任用知事王丙彝帶同前委員馬家輝前往該廠調驗就近民戶有無部照切實查明認真清理暨令該旗總管並牌示該生計會暨該地戶等各在案茲據稟稱現在農功未竟請令該委員暫緩出口俟田禾收穫到場再行丈量等情

查現時田禾業將下地仰該民人等仍遵照都統牌示俟王知事到廠卽將部照呈驗聽候遵章秉公清丈可也此批

舉務總局令張北縣

知事

會同訊究延秀稟稱鄉約保長等反抗勘

丈文

四年九月十七日

案據世襲一等順義侯延秀稟稱竊有祖遺馬廠在口外鑲黃旗界內稟請開放已奉都統批准行知總局轉令張北縣知事暨張北舉務局定期會領查勘在案旋於八月初十日十七日兩次奉到張北縣知事會同舉務局長發來勸諭頃據管事來口聲稱凡在界內各地戶聞之均安然聽從毫無異議查有七里河子鄭明德綽號四花狗胡油房子胡玉後河子富貴村鄉約崔進寶保長劉進三紅果圖左三子等爲首勾誘各小地戶任意煽惑聚衆反抗鄉約崔進寶保長劉進三竟將告示公然繳回情迹尤爲顯著爲此據實稟報除稟明張北舉務局查照辦理外理合將繳回

告示二張附呈稟懇鈞局鑒核施行計呈告示二張等情前來查據稱各地戶安然聽從毫無異議何以該鄉約保長等復任意煽惑聚眾反抗究竟該順義侯所稟各節是否屬實其中有無別情除由本總局批示外合將布告二紙隨文發縣令知該局知事會同該局知事查明遵章辦理將辦理情形具覆以便轉呈此令

豐鎮墾務局呈擬凡蒙民私賣地畝在禁令以後者卽作無效文

年四

九月十九日

竊案蒙旗荒地向爲蒙民游牧之場自前清中葉南境一帶漸見開墾至光緒末年復任貽穀爲蒙旗墾務督辦大臣廣招認墾其平原地土質較好者固已丈放無遺而夾山帶水土性稍劣暨近北天寒人烟漸稀之地未經丈放今日所謂餘荒夾荒尙復不少而與經貽大臣撥給蒙人之隨缺地因蒙人不習耕種均屬依舊荒蕪近年以來開墾日衆遂致蒙民私

相買賣民人交納地價蒙人書立契約蒙官則書立印約蒙民則書立白契簽畫押記又往往指一地而彼此重複盜賣致起轆轤各旗卽指爲民人霸佔隨缺或呈控都轅或咨縣究辦查知事接管此等舊案未經辦結者卽有一二十起之多一經咨傳蒙人延不到案究竟所買所賣是否隨缺無原撥圖冊可查前經職等呈請轉咨各旗總管據實造冊移交迄今未奉轉令遇案如聽各該旗任意指報未可確信無憑稽考辦理爲難總之無論爲隨缺也爲夾荒餘荒也蒙古官民俱不准私行盜賣業奉

大總統批令禁例森嚴以後再有私賣情事發生當然一體視爲無效惟在禁令以前者民人實交納地價銀兩亦確執有蒙古官民書立約據若亦作爲無效則民人枉受詐欺蒙人旣不當得利在情理上論之一方固可向收受之一方追償然均事隔數年價銀又往往爲多數人所分使分使細數證明甚難一問蒙官非指爲親丁作弊卽兵校私賣而親丁兵校

又關傳不到且凡此私相買賣之地已概由各該原買民戶開墾成熟若遽加追奪變更給與則斯民受害實甚而原價又無可追償似非國家政取平允之道也况蒙人隨缺地據職等調查當撥給之初均係指出一地之四至約計爲若干頃畝並未逐細勘丈若按其缺地額數無不浮餘甚多微論私相買賣者十九不在隨缺地點以內卽有一二在隨缺地點以內者亦係隨缺之餘地絕非隨缺之額地不過蒙人吝賣遇有參差以斯爲藉口耳現在五族一家同是國民對於民蒙不敢妄分絲毫畛域惟是此種盜賣情事枝節叢生頭緒雜亂若無一定辦法於職等縣局兩方困難滋甚將何以清舊案而利墾政進行也擬凡民蒙私賣不問是否隨缺事在 大總統批令禁止以前者統作有效卽行文給原買民戶押荒升科在禁令以後私賣者卽爲無效併由各縣局出示告誡以後更不得私相買賣以清現在膠轕而息永久爭端之處可否由鈞局呈請大部都

統立案並令知各旗一體知照辦理如蒙批准卽乞查明
大總統禁
止之期令下縣局以便遵行謹呈

墾務總局公函致正黃旗總管派員會同馬羣總管與本總局委員

劃清界址文

四年九月二十二日

案准管理商都達普遜諾爾馬駝羣總管咨稱查本羣與正黃旗巴爾呼
佐游牧連界一帶前已呈報都統令行墾務總局當由察哈爾墾務總局
派員會同本羣官員劃分勘丈相應咨報察哈爾全區墾務總局懇請轉
令察哈爾正黃旗總管俟勘丈委員到界時將游牧界址會同與原圖冊
對正妥爲劃分以免日後糾葛等因准此相應函致貴總管希卽派委妥
員會同商都牧羣總管暨本總局所派易委員薩圖迅將馬羣與正黃旗
巴爾呼佐游牧毗連一帶界址按照原圖劃分清晰以免日後糾葛是爲
至要此致

墾務總局令委員李廷基施仁壽據稱速將該蘇木隨缺牧場切實

指報等情仰候該旗圖冊送到再行復勘文

四年九月二十四日

據該委員等函稱查勘正紅旗各蘇木地畝先勘十一蘇木地界該蘇木毗連三七八十各蘇木該佐領所指之隨缺地已墾未墾情形不一生荒地段又復零星聽其任意指報難免餘荒不隱瞞在內若爲之一一拉丈不能不多費時日已會同正副參領囑令各佐領速將本蘇木隨缺牧場究竟應有若干坐落何處從實指報出具切結以免含混所餘空閒草荒尙有若干再行從事清理方好着手至民戶墾熟之地是否全行交過押荒雖無從查悉然無一家不有餘荒除非令其呈驗部照按戶一一爲之清丈不能指出確數等情前來據此查前據豐鎮墾務局呈請照會各旗總管將所有隨缺地段繪圖造冊咨送本總局轉令分局俾有依據以資進行當由都統通令各該旗總管遵照辦理迄今日久尙未據該總管等

將前項圖冊咨送前來茲復由木總局函致各該旗總管遵照前次堂令迅將所有隨缺地畝坐落四至繪圖造冊並將一切印據咨送過局以憑核轉一俟咨送到局再行轉令知照該委員等所擬先令各佐領速將本蘇木隨缺牧場究竟若干坐落何處從實指報出具切結事尙可行仍俟該旗總管將地圖送到再行復勘至民戶墾熟之地餘荒自是不少應令一一呈驗部照按照總局所頒驗照戳記及登記簿式實行清查以昭核實而杜朦混該委員等仍應從速進行幸勿久稽時日切切此令

墾務總局公函正黃旗總管該旗第九佐十三佐夾荒核實丈量催

繳押荒并調查北佐夾荒閑荒一並會縣勘丈文

四年九月二十日

案據貴總管呈稱茲據本旗鄂勒特第九佐領報稱奉令遵查前清墾務局開放本佐地時將南北可耕之地均給民人升科中間因係一段沙坡民人不肯承領無人耕種夾有一段地留與本佐近年雨水調勻零星開

墾耕種兩年一熟今既查私墾夾荒何敢含混惟此項夾留之地實係沙土瘠惡伏乞鑒核准將沙地作爲蒙人生產而可種者約有五十頃情願以自力押荒等情前來查本旗鄂勒特第九佐游牧有夾荒地五六十頃而巴爾呼第十三佐游牧約查亦有五六十頃空閑夾荒又查本旗北佐游牧稍有夾荒閑荒惟此次正值馬匪闖入旗佐游牧擾亂之際是以本調查員未能調查理合呈報總局俟回旗後再行查明另報合併聲明等情查據稱該旗第九第十三佐游牧均有空閑夾荒五六十頃又該旗北佐游牧稍有夾荒亟應清理以重墾務相應函致貴總管會同興和縣墾務局長將該旗第九第十三佐游牧空閑夾荒核實丈量催繳押荒並將北佐游牧夾荒閑荒切實調查一併清丈請卽查照辦理可也此致

都統令據佐領榮貴稟稱白文明僞造字據欺佔馬廠仰局查明具

覆文

四年十月七日

據京鑲黃旗蒙古世管佐領榮貴稟稱竊職有祖遺前清恩賞馬廠坐落
在獨石口外平頭梁長梁一帶前因呈請於民國二年由內務部行知察
哈爾墾務總局復於本年春間呈由沽源縣據情轉呈前都統令交墾務
局查核嗣經議覆蒙前都統批示呈悉准如所擬辦理候令沽源縣知事
轉令該佐領等遵照此批職等遵於七月二十七日接到沽源縣札以奉
到都統令知俟清丈收欸後分赴該局署承領恤蒙銀兩私租等因各在
案是職等馬廠歷經都統署總局縣署查明批准之案自應敬謹守候領
欸乃突於本月有白文明者來沽偕同委員聲言亦係清丈職等馬廠者
職等聞之不勝駭異當卽趨往縣局稟詢據云白文明原係價買職等馬
廠暨德公府馬廠今呈由總局派委來沽清丈者職等現已在該局呈遞
親供甘結懇求呈請查辦伏查白文明本熱河豐甯縣一流氓也前經訛
詐鑲黃旗蒙古世管佐領奎俊保和熱河之馬廠曾有訟案未結茲復敢

捏造字據朦混總局以一人而買數府之馬廠而總局爲其所愚以已經核准職等之案又復准予白文明派委是一地而二主也且德公府近年亦在呈請清丈恐亦不能甘受強詐該白文明之所以敢於如此者恃有著名棍騙胡郁生廉紹先等爲之主謀此數人者現在包攬魁公府延侯府各府馬廠以辦地爲衣食計遂同謀合計僞立字據又欲欺詐職等及德公府馬廠若不嚴行懲辦恐察屬墾務胥爲彼等所把持尤可異者職等與白文明現正糾葛無論係何方面均須暫行停止聽候查辦乃總局所派之委員王某現仍復公然偕同白文明出口查界畫圖意欲清丈並聞墾務局長准予領欸情事似此受賄串通情弊如見職等伏思祖遺馬廠原係世管世產前清例不准私相買賣誰肯拋擲金錢而買此犯法之地况白文明所呈字據既無官府立案之明證復無職等印記之確據顯係設紙撞騙致令職等稟准有案之馬廠爲此痞黨所詐奪爲此情急

先爲稟述屈抑郵達鈞署敢乞都統仁恩速令知沽源縣將白文明押解來張嚴行審辦職等亦卽趨赴台轅聽候質訊所有地痞僞造字據欺佔馬廠緣由謹先叩稟伏候電奪施行等情據此除批候令查復核辦外合亟令仰該總局迅卽秉公密速澈底查明具擬覆奪切切此令

墾務總局咨興和道道尹據涼城兩等小學校稟鄧紹禹垂涎學田捏詞上訴一案已令涼城墾務局局長迅卽秉公勘丈呈覆以憑

轉咨文

四年十月八日

案准貴道尹咨開案據涼城縣轉呈兩等學校稟鄧紹禹垂涎學田捏詞上訴一案查此案鄧紹禹施田十頃其對於學校補助經費自無可訾議之處惟當時未將地段交清致成今日之糾葛此案關鍵在驗明鄧紹禹所施學田當日繪具圖說大板橈溝四頃是否包括在內楊維舟張耀廷收領學田備案時以及該校所領部照有無大板橈溝字樣最爲緊要今

該知事呈稱孔督溝僅有六頃餘是官荒至大板欖溝當初並未指出是該校不得以未經指出之地強行霸種鄧紹禹又於宣統元年六月稟請查照十頃之數驗收地若不敷願以別處膏腴補足該校儘可就地丈量如果頃數不足自應稟縣令其照數撥補但審判處曾委韓委員志霄前往丈量畝數而鄧紹禹一意阻撓不准丈量顯有情弊須知該地一日不丈量清楚則該案一日不能判結除呈暨批示外相應鈔呈咨請貴總局查照派令局員就近秉公勘丈妥議呈覆核辦再行令遵此咨等因准此除令知該縣知縣派員秉公勘丈妥議呈復再行咨會外相應咨復貴道尹查照此咨

墾務總局呈都統爲正黃旗八旗生計會地畝糾葛一案已由前都

統示定辦法飭員辦理請鑒核示遵文

四年十月八日

案查正黃旗博羅柴濟台與三翼馬廠地畝膠轕一案懸積幾及一年尙

未清理前都統何疊據該總管該生計會等先後呈報到署各執一詞纏訟不休亟應劃分界限永息爭端等因奉此當由本總局稟承前都統何飭派勘丈委員馬家輝前赴該廠會同該旗總管暨該生計會查勘劃分並飭該委員遵照面奉前都統何諭定辦法劃分界限旋據該委員馬家輝稟稱三翼馬廠暨博羅柴濟之地共丈得五十六頃零一畝除內有張萬富有部照地五頃不計外淨地五十一頃零一畝應由該正黃旗巴總管承領又三翼馬廠暨回子溝之地共丈得二十頃零五十畝零六分除去沙石十畝零六分淨地二十頃零四十畝又原牧馬官房荒地一段計淨地八十六畝六分應由該生計會承領等情前來本總辦會辦等自到差以來深知墾務積弊多端尤以盜墾冒領侵佔等弊爲最甚曾經規定辦法各處承領地畝均須取中保人保結送局存查所以杜冒領而便進行現查該正黃旗總管先以印文承領復取具中保人甘結送局存案白

應按其應領之地發給部照俾資管業如有冒領及侵佔情弊仍由該旗總管完全負責至該生計會所領之地迭據民人王世均等連名稟控業經前都統何令委調察任用縣知事王丙彝妥爲查辦并牌示該生計會各在案應俟該知事將此案查清呈覆再行核辦除由本總局照會該旗總管并令該知事王丙彝知照外理合呈請都統鑒核備案謹呈

墾務總局令豐鎮縣

知事

據正紅旗孀婦公計嗎桃圪彌的等稟稱

地畝被人奪賣仰卽會同查辦具覆文

四年十月九日

案據正紅旗七蘇木孀婦公計嗎桃圪彌的等遣報蒙兵烏爾八燕稟稱緣氏故夫生時坐任本旗六蘇木章蓋於光緒三十年間蒙墾務大臣貽駕臨本蘇木勘查荒地故夫花過銀四百餘兩將門前荒地一段東至圪臭壩西至鑲紅旗南至四蘇木北至批水之地自行認領當經墾務委員勘明繪圖有案其後因無墾務致未交納押荒不意去年冬間被本旗總

管與大二甲喇某竟將此地盜賣與教民董義前經氏在豐鎮墾務局屢次稟請勘丈雖蒙批准概未派委往丈今突有委員到地言此荒地係屬董義認墾率役出繩拉丈維時氏往前攔阻該局人員置若罔聞至迫無奈只得遣抱告赴鈞局稟請伏乞恩准諭令該局速賜丈地以便交納押荒施行等情前來除批稟悉已令豐鎮縣知事會同墾務局長認真查辦矣仰卽赴該縣聽候查辦可也此批掛發外合亟錄批令仰該局會同迅將該孀婦所稟各節認真查辦該旗總管等是否將該孀婦任領之地復經盜賣并將委員到地率役出繩拉丈等情一併據實呈覆切切勿延此令

墾務總局公函致北京正紅旗漢軍副都統世襲義烈公查明代表

劉雲漢有無假冒迅速見復文

四年十月九日

案據貴府特遣劉雲漢呈稱竊職父德監承襲牧廠坐落察哈爾獨石口

外正白旗黑土窪地面職父故後歸職承襲計廠地方圓二百四十餘里原執印圖業於上年呈明大局附存卷內職廠之地除山溝薄城不堪墾種外餘地約有三千數百頃前咨准開墾地八百餘頃均各領有部照此項已墾有照熟地清丈餘荒自應遵照定章辦理不敢稍事抗違其有豪戶暗通蒙人私墾各地既無憑照應照大局章程與盜賣同科准職澈究進價押荒至有未放之地擬卽招佃一律開墾既裕國課而實邊廠去歲呈准派辦因事中止嗣於今年五月託職至戚來局兩次代爲呈懇當奉批開據稱請准派員接續辦理並未放荒廠招佃開墾等情事屬可行仰具稟人親身來局接洽以便咨詢核辦此批等因奉此當由職親抄批到京捧誦之下殊深欽感本擬卽日來口親聆訓詞惟職現在兼任北京正紅旗蒙古副都統任務因念個人之事似未便擅離職守伏思職廠之地前經咨准開墾劃界均係派由劉雲漢父子先後承辦一切手續劉雲漢

儘知其詳職遂將劉雲漢函招到京並職府發給諭委用作憑證令行代職承辦並囑其親造大局稟請派員接續辦理旋經劉雲漢稟奉批開稟悉查此案前據世襲義烈公希璋先後具稟業由本總局一再批示並仰具稟人親身來局接洽以便咨詢核辦在案遲至三月之久並未親身來局茲復據該民人劉雲漢等稟稱各節是否屬實仰候令行沽源縣知事墾務局局長會同查明具覆以憑照章接續核辦此批等因復由劉雲漢抄錄來京敬誦之餘仰見大局慎重墾政欽佩莫名緣職所以遲延不能遵批親身來局稟見者實因現任職務之故也其實此事去歲稟准辦理時劉雲漢當亦在事劉雲漢確係職府委派實非假冒自有職府交其印諭足可證明况職府廠地印圖尙存大局在卷職雖不能到局稟見劉雲漢頗能辦事實爲職府所倚任卽使行查沽源諒無異言敢請鈞局俯准仍照前批派員會同劉雲漢接辦以全前功所有令行沽源縣會查具覆

一層擬請收回成命免致耽延不然若候行查路遠山遙往返文牘必稽時日轉瞬冬令寒凍之時今歲又難入手致令有照者不能及時清丈而私墾盜賣者勝得其利且荒廠未放之地尙居多數仍不能招佃開墾國課私租同受損失當此清查官產之際國庫困難尤宜亟爲清查庶免隱瞞惟有仰懇總辦格外成全職職務在身不便遠離准卽派員會同職府委託之劉雲漢前赴職廠清丈有照熟地餘地照章押荒無照私墾者准予澈究進價押荒并准招佃開墾未放地畝既重優待條例尤與定章不相違背上裕國賦下便民生誠爲恩公兩裨儻有不明事件卽請就近傳劉雲漢到局諮詢保無舛誤如實非職到口不能派辦職則無法再行請假前往爲此特再遣令劉雲漢代爲呈懇伏乞總辦鑒核俯准免予飭查卽予派員接辦感德無既等情前來除批稟悉查此案業由本總局令行沽源縣知事墾務局局長查覆在案既據稱劉雲漢係該府委派該廠開

墾劃界一切手續劉雲漢儘知其詳應由劉雲漢先將該府發給印諭送局驗明再令沽源縣知事墾務局局長暨委員王毓麟會同從速清理劉雲漢呈驗印諭後卽赴沽源聽候核辦可也此批掛發並據劉雲漢將貴府印諭送局驗明外相應函達台端希卽查照究竟有無假冒情弊希卽迅速見覆實紉公誼此致

墾務總局呈都統爲催各旗總管迅將隨缺地畝圖冊送局核驗廓

清積案而利進行文

四年十月九日

竊查本總局前據豐鎮墾務局局長賀澎坐辦許銘彝呈稱各旗隨缺地畝以該縣無案可稽難以劃清四至免價劃留請令查前來當以各旗各縣類此之事甚多已經前任都統於本年七月十五日分令左右兩翼八旗總管遵照舊章限定該官兵等地段總分各數坐落四至繪圖造冊送由本總局轉令各分局查照辦理等因在案迄今兩月有餘尙未准各該

總管送交到局此項缺地當前墾務大臣貽穀奏准之後但予指撥某旗某地段若干約合應給之數而止並未派員前往勘丈以致各旗所佔之地無不過於原額近年控訐盜賣缺地之案各縣甚多無旗不有若以盜賣缺地自屬有干例禁然據本總局調查所得則所控有爲隨缺地者亦有非隨缺地者且有係隨缺之餘地而非隨缺之額地各縣既無圖冊可稽關傳人證又均延不到案以故無從判結其界址既不明晰卽墾務亦有礙進行勢非澈底根究不能正當解決惟是此舉既係爲優待蒙旗一勞永逸起見亟應調查明確以歸核實查各該旗原撥地畝每旗究係若干每缺究係若干自未便遽以各該旗所送圖冊遽作憑證應請一面令催各該總管迅速造送前項圖冊並令將前清欽差大臣暨各將軍都統總督發給印文冊據限期從速送局核驗再一面令查前右司衙門原案暨咨鈔綏遠原卷一併發交本總局以憑核對明確卽行遵照前任都統

呈准辦法按其應得之數免繳地價勘定劃留缺地勘劃以後則界外之地自不能再以隨缺論各縣此項積案即可一律廓清而墾務進行亦不致發生窒礙是否有當理合備文呈請鑒核施行謹呈

墾務總局指令豐鎮墾務局呈擬凡蒙民私賣地畝在禁令以後者

卽作無效文

四年十月十一日

呈悉該知事於漢蒙地畝糾葛情形言之如繪具見留心民事深堪嘉許惟查各旗隨缺地畝稟控盜賣積案甚多應候呈請都統令催各旗總管按實造冊並一面飭查各司原案暨咨抄綏遠原案核對明確再行依據前任都統呈准辦法按其應得之數勘定劃留劃定以後界外自不能再以隨缺論庶爲根本解決之法至該縣此項控案既據稱所賣絕非隨缺額地儘可由該局查照清丈章程第二章第五條參酌辦理查此條規定卽係原墾原領之意其執有蒙古官民書立契約而無重複盜賣情形確

係原種民戶者應卽不究既往作爲有效丈給該戶押荒升科如有民國四年八月以前承糧紅契者並准從寬免其繳價準情酌理差得其平再所擬以奉到 大總統批令之日作爲禁止私賣之期以前均作有效一節查私賣之禁自上年早經迭次布告在案如加此等規定卽係將前禁取消易生民人誤會之心而於清理舊案反使有所藉口窒礙轉多所擬應無庸議仰卽知照此令

墾務總局令豐鎮縣知事會同王委員秉公理結趙老七一案文

年四

十月十四日

案據王委員中秀呈稱竊委員奉令查辦豐鎮墾務局員王子昂呈報前赴四蘇木調查王義認墾地段天主教徒趙老七率領趙老五等十餘人騎馬荷鎗開鎗抵抗等情一案委員遵於九月十九號輕騎前往該蘇木調查據正紅旗四佐領兵丁台裴音阿聲稱於民國四年七月八號小的

正在王義地內鋤田聽說墾務委員與民人王義拉丈地畝當時小的諾爾布亦向民人索討羊肉錢項未聞趙老五趙老七開鎗情事等語復據七佐領弓溝朝克土甯報沉格爾三皮等聲稱彼時土匪成羣搶劫人民行走不斷至趙老五趙老七開鎗攔擋委員情事概不知情各等語隨卽令取各結委員竊思此案關係重大尤恐詞屬一面復至公和莊傳集鄉約等詢問趙老五趙老七於初八日在家與否據鄉約屈志善面稱趙老五於初八日以前已往西口討賬未歸趙老七在豐涉訟早已候案委員盤問該莊民戶其所稱均屬相同卽令具結備呈旋接紅旗四七兩佐領呈同前因委員竊查七月間土匪猖獗搶劫開鎗時有所聞詳譯兩佐領印狀內開土匪成羣在於界近鑲紅旗頭蘇木殺害人命滋鬧事端等語參閱墾務委員王原呈內稱拉丈將畢忽聞鎗聲等語當時趙老五趙老七曾否在場有無率衆情事均出自地戶馳報一語該委員概未親見其

開鎗拔標之事難保非土匪作爲況王委員原呈係初七日午抵該蘇木傳集地戶問明情節然後開繩拉丈計地五十餘頃之多拉丈後尤復繪圖貼說費許多手續約計事畢時刻亦在黃昏之候其神疲力倦急思返寓可想而知卽據地戶馳報而該委員聞有鎗聲不免模糊影響加之晚間回寓蒙人與之爲難其言語既屬不通當時辯別亦難免互有疑異以致此案疑團固結莫解委員揣情度理徵諸各據故敢妄加末議總之委員呈報事出有因地戶馳報恐有誤會謹將委員查辦情形並兩蘇木繙譯印文暨蒙漢人民各結先行呈覆至如何辦理之處事體較重非委員所敢擅擬仍候總辦察核情形批示祇遵等情前來除指令呈悉仰卽會同該縣知事秉公理結從速呈覆以便核轉外合亟令仰該知事迅卽會同該委員秉公理結呈覆核奪以憑轉呈勿延此令

墾務總局呈都統奉令查明該佐領榮貴稟控白文明地畝轉贖一

案先將稟控各節及本總局清理情形呈請鑒核文

四年十月十七日

案奉鈞署令開據京鑲黃旗蒙古世管佐領榮貴稟稱各節合亟令仰該總局迅卽秉公密速澈底查明具擬覆奪切切此令等因奉此查榮貴稟稱捏造字據朦混總局而總局爲其所愚等語本總局開放白文明牧廠係由白文明稟准內務部咨行前都統何將部文交局查勘開放有卷可查非本總局但據白文明一面之稟令委查勘本總局歷次令知該縣知事局長查辦此案文件疊於文內一再聲明應由該縣知事局長調驗文據傳集證人如果文證確實別無轆轤其應得四釐私租暨照章劈給欸項方准支給本總局令縣查辦文件並未確定爲白文明現正糾葛無論係何方面均須暫時停止等語查白文明所指各廠均係已經墾熟之地亟宜清查墾戶四至如有餘荒夾荒令卽繳價領照俾資管業現奉明令辦理清

丈豈該廠地畝獨應停止且清查墾戶四至飭令繳價領照升科爲一事
 調驗王公文契是否眞僞再分劈四成地價又爲一事本總局現今沽源
 縣知事局長並加派委員王毓麟會同查勘係先辦清查墾戶四至註冊
 發照升科之事榮貴稟稱暫行停止碍難照准再榮貴稟稱聞墾務局局
 長准予領款似此受賄串通情弊如見等語查此地現未丈竣民戶未繳
 地價無款可領本總局亦未據該墾務局局長在總會辦未到任以前已
 由前都統何委任復取有保證書在局存案至委員王毓麟亦取有簡任
 官階保證書該佐領稟稱受賄串通情事應由該佐領先行指明確據一
 面派員查辦如果屬實卽應按律究辦如所控不實亦應按律返坐以儆
 刁風總之榮貴一面之詞亦未可憑信現據該縣知事局長委員將此案
 鞫鞫情形並取具甘結會呈到局除俟該縣局將此案查清呈覆再由本
 總局具擬呈報外理合先將查明該佐領榮貴稟控各節及本總局清理

情形呈請都統鑒核備案施行謹呈

墾務總局公函致西蘇呢特王正黃旗總管牛羊羣總管曉諭該旗

蒙民不准移拔木總局安設木誌文

四年十月十八日

案准管理商都達普遜諾爾馬駝羣總管普爾布札普咨開准貴局函開本總局沿界按號安設木誌作爲界址記號理應曉諭界內蒙民不准移拔如有私自移拔者以損害公物論應盡法嚴懲以重墾政等因准此除將轉行曉諭該羣衆人之處咨覆外惟連界之察哈爾正黃旗暨牛羊羣並西蘇呢特等各處請逕行各予曉諭也此咨等因准此查本總局沿界安設木誌原爲劃分界址易於辨認記號起見若不嚴禁移拔深恐無知之徒乘隙破壞有害於公物無利於蒙貴

西蘇呢特王總管

有管轄各旗之

責應請迅卽曉諭所屬各蒙民不准移拔本總局安設木誌以重公物如有私自移拔者以損害公物論應盡法嚴懲以重墾政除分致外相應

函達卽希查照見覆實叙公誼此致

墾務總局令沽源縣

局知事

詳查劉雲漢有無假冒代表情形迅卽呈

覆文

四年十月十八日

卷查世襲一等義烈公希璋特遣劉雲漢稟請派員清理祖遺牧廠並招佃未放荒地一案業經本總局批示并令行該縣知事局長查明具覆並將劉雲漢特遣情形有無假冒情弊函知義烈公希璋迅卽見復各在案惟是事隔多日該義烈公希璋尙未函復究竟劉雲漢有無假冒情弊若不詳查確實深恐受其欺朦或藉端招搖有碍墾政除令該縣局長委員知事詳查外合亟令仰該局長委員知事迅卽嚴密調查如係假冒卽行驅逐無任在外招搖致碍墾政仰卽查照辦理具覆勿延切切此令

墾務總局公函正黃旗總管所領三翼馬廠之地應發給部照俾資

管業並令委員王丙彝迅將王世均等控告生計會一案查明呈

覆以憑核辦文

四年十月十九日

案奉都統令開案查正黃旗博羅柴濟台與三翼馬廠地畝轉轄一案疊據該總管該生計會等先後呈報到署各執一詞纏訟不休亟應劃分界限永息爭端等因奉此當由本總局稟承前都統何令派繩丈委員馬家輝前赴該廠會同該旗總管暨生計會所派之人查勘劃分並令該委員遵照面奉前都統何諭定辦法劃分界限旋據該委員馬家輝稟稱三翼馬廠暨博羅柴濟之地共丈得五十六頃零一畝除內有張萬富有部照地五頃不計外淨地五十一頃零一畝該正黃旗巴總管業經領訖又三翼馬廠暨回子溝之地共丈得二十頃零五十畝零六分除去沙石十畝零六分淨地二十頃零四十畝又原牧馬官房荒地一段計淨地八十六畝六分該生計會業經領訖等情前來迭據該旗總管面稱所領之地尙無糾葛並有該旗總管取具中保人甘結送局存案自應發給部照俾資

管業如有冒領及侵佔情弊仍由

該管

總管完全負責至該生計會所領

之地迭據民人王世均等連名稟控業經前都統何令委

調查員王丙

查辦在案應俟查明呈覆再行核辦除由本總局呈請都統鑒核外

合相取

函致該委員即行知照迅即查明呈覆以憑核辦此令

墾務總局呈都統加派調查員張興留澈查佐領榮貴稟控各節據

實呈覆實究虛坐以維墾政文

西曆年十月二十四日

案奉鈞令內開據京鑲黃旗蒙古世管佐領榮貴稟稱竊職有祖遺前清
恩賞馬廠坐落在獨石口外平頭梁長梁一帶前因呈請於民國二年由
內務部行知察哈爾墾務總局復於本年春間呈由沽源縣據情轉呈前
都統令交墾務局查核嗣經議覆蒙前都統批示呈悉准如所擬辦理候
令沽源縣知事轉令該佐領等遵照此批職等遵於七月二十七日接到
沽源縣札已奉到鈞令俟清丈收欸後分赴該局署承領恤蒙銀兩私租

等因各在案是職等馬廠歷經都署墾務總局查明批准之案自應敬謹
守候領款乃突於本月有白文明者來沽偕同委員聲言亦係清丈職等
馬廠者聞之不勝駭異當卽趨往縣局稟詢據云白文明原係價買職等
馬廠暨德公府馬廠今呈由總局派委來沽清丈者職等現已在該墾務
局呈遞親供甘結懇求呈請查辦伏查白文明本熱河豐甯縣一流氓也
前經訛詐鑲黃旗蒙古世管佐領奎俊保和熱河之馬廠曾有訟案未結
茲復敢捏造字據朦混總局以一人而買數府之馬廠而總局爲其所愚
以已經核准職等之案又復准予白文明派委是一地而二主也且德公
府近年亦在呈請清丈恐亦不能甘受強詐該白文明之所以敢於如此
者恃有著名棍騙胡郁生廉紹先等爲之主謀此數人現在包攬魁公府
延侯府各府馬廠以辨地爲衣食計遂同謀合計僞立字據又欲欺詐職
等及德公府馬廠若不嚴行懲辦恐察屬墾務胥爲彼等所把持尤可異

者職等與白文明現正糾葛無論係何方面均須暫時停止聽候查辦乃總局所派之委員王某現仍復公然偕同白文明出口查界畫圖意欲清丈並聞墾務局長准予領欸似此受賄串通情弊如見職等伏思祖遺馬廠原係世官世產前清例不准私相買賣誰肯拋擲金錢而買此犯法之地况白文明所呈字據既無官府立案之明證復無職等印記之確據顯係設紙撞騙致令職等稟准有案之馬廠爲此痞黨所詐奪冤憤之中不勝痛泣爲此情急先爲稟述屈抑郵達鈞座敢乞都統仁恩速令沽源縣將白文明押解來張嚴行審辦職等亦卽趨赴台轅聽候質訊所有地痞僞造字據欺佔馬廠緣由謹先叩稟伏候電奪施行等情據此除批候飭查復核辦外合亟令仰該總局迅卽秉公澈底查明具擬覆奪切切此令等因當由本總局令知該縣局調驗文據傳集證人秉公審斷並先將查明該佐領榮貴稟控各節及現在清理情形呈請都統鑒核備案並於

文內聲明至該佐領稟稱受賄串通情事應由該佐領先行指明確據一面派員查辦如果屬實卽應按律究辦如所控不實亦應按律反坐以儆刁風等因各在案茲由本總局加派調查員張興留馳赴沽源將該佐領榮貴稟控各節秉公澈底查明並傳榮貴指明確據究竟該局長委員等有無受賄串通情事據實呈覆實究虛坐以維墾政而儆刁風除派該調查員遵照秉公澈查呈覆外理合呈請都統鑒核備案謹呈

墾務總局公函馬羣總管代僱車輛等費應遵前令由勘丈員核發至帳棚鍋勺各費具領送由本總局核發文

四年十月二十一日

頃准貴總管咨開據牧長們都魯塔呈稱奉令代僱墾務總局委員等大車三輛并帳房等自八月八日起大車一輛三十二日回去一輛三十六日一輛四十日回去每車每日洋各二元共一百零八日車價洋二百一十六元又賃用帳房鍋勺洋十五元共二百三十一元懇乞發給等因據

此相應咨呈貴局請將此項僱賃銀洋由應出之處辦給施行等因查本年八月曾由貴總管呈請前都統令由本總局核發車馬帳房各費等情到局當經本總局呈復僱用車馬銀兩應由繩丈員自行撥給帳房租銀准核實開單送局核發並奉令遵辦在案茲准前因除僱用車馬費由本總局令勘丈員等就近向該牧長結算核給外所有賃用鍋勺洋十五元請由貴總管出具印領飭派委員來局領取此致

墾務總局令張北縣知事據吳局長呈稱各節請將延秀馬廠升科紅册令縣送閱并函知該主教嗣後教民不得藉詞干涉飭傳吳

勇到案訊辦各節文

四年十月二十四日

據張北墾務局局長吳恩溥呈稱局長前奉鈞令以秋禾登場天氣和暖正當積極進行隨即遵令於九月十九日親率員役人等出口馳抵什巴爾台租賃劉姓民房爲辦公地點後又移白廟灘深恐頑民無知妄生疑

忌致起風潮先行出示布告並傳集各鄉約地戶剴切開導免生阻擾而曠日期局長連日調查得悉順義侯延秀馬廠一案失業已久四至不符惟有光緒二十八年經溥都統飭撥牛羣空閑荒地一段約計三百餘頃係在博洛素廟地方至白廟灘等處已於光緒六七年間經三等男爵榮奎并寶公報墾在案由直督奏請招民墾種均有部照可憑至延侯案呈圖冊四至是否屬實非調查張北縣升科紅冊難別真僞此調查延侯牧廠之實在情形也至包公後裔冠軍使俊璋牧廠轆轤雖屬無多惟土性瘠礮半多荒蕪無人耕種又兼該處重山疊嶂道路狹窄時爲盜賊出沒之藪該處附近一帶居民稀少又無大戶卽丈出餘荒恐無人認領此調查俊璋牧廠之困難情形也復查紅山子地戶吳勇自恃教民抗傳不到查墾務清丈第一章第七條凡教民抗違墾務者須由地方官先行函知該主教不得藉詞干涉再飭差役協同警汛票傳該地戶吳勇到案免致

煽惑愚氓復蹈上年五月十八日聚衆前轍而阻清丈除咨會張北縣票傳吳勇並調查升科紅冊外所有調查延秀俊璋兩牧廠情形並教民吳勇抗違緣由理合呈請鑒核等情前來除由本總局指令呈悉延秀馬廠升科紅冊已令縣差送俊璋牧廠應按其四至核實丈量再出示招領其餘所呈各節已據呈令知張北縣知事照辦矣仰卽知照此令外合亟令仰該知事迅將延秀馬廠升科紅冊差送該局長詳細查閱以辨真僞又該局長所呈吳勇阻抗各節并仰該知事遵照 大總統批准察哈爾墾務清丈章程第一章第五第六第七各條之規定暨前次都統示諭分別確遵辦理以重墾政切切勿延此令

墾務總局指令沽源縣知事呈奉令查辦呂學端自墾情形並調查

和親王府所報花名圖冊文

四年十月二十六日

呈悉查此案前據該縣墾務局長呈覆業由本總局指令查此案既據派

委查勘兩造情詞各執未便聽其空言狡展仍仰該縣局傳令兩造原主暨一干人證攜帶圖冊印據到縣候審不准遣人代表並不准以圖冊現存某處爲言含糊搪塞一俟審訊明確卽行呈報核奪毋致積案久懸是爲切要此令在案仰卽遵照辦理并速具覆勿延圖存此令

墾務總局批令阿加呼圖克圖稟繳納押荒請領部照應俟該縣局

訊明呈覆再行照章辦理文

四年十月二十六日

稟悉查此案前據沽源縣知事墾務局局長呈覆委派丁莊汎排長劉登元委員翟春山前往查勘兩造各以空言狡展業由本總局指令呈悉查此案既據派委查勘兩造情詞各執自未便聽其空言狡展仍仰該縣局傳飭兩造原主暨一干人証攜帶圖冊印據到縣候審不准遣人代表并不准以圖冊現存某處爲言含糊搪塞一俟審訊明確卽行呈報核奪毋致積案久懸是爲切要此令並呈覆都統鑒核在案據稟交納押荒請領

部照等情應俟該縣局審訊明確呈覆到局再由本總局令知該縣局照章辦理如有流弊已經指有確據本總局卽分呈大部依法究辦如所指不實亦應按律反坐仰速赴該縣聽候傳訊可也此批

墾務總局令張北縣知事查該縣承糧戶冊究竟榆樹溝西南梁荒

地有無業戶已否升科文

四年十月二十九日

案據本總局調查委員王丙彝報告查得博羅柴濟迤南榆樹溝西南梁地方有生荒一片約地數頃至該地有無業主已否承糧無從查悉各等語現在本總局實行清丈凡有荒段均應一律清理以昭核實合亟令仰該縣迅卽查明縣署承糧戶冊究竟該榆樹溝西南梁荒地有無業戶已否升科尅日呈復以憑核奪切切此令

義烈公覆函劉雲漢確係假冒並聲明特請張堯卿等爲代表文

四年

十月三十一日

逕覆者昨接貴局公函質問劉雲漢持諭到局聲稱本府所派辦理清丈牧廠一切事宜究竟有無假冒情弊等情職捧讀之下仰見辦事認真格外詳審欽佩莫名職由去歲陰歷五月親身前來貴局遵章呈請清丈等情並呈圖相驗附卷存案當蒙批准職隨約請莊棟臣代辦彼時不知有劉雲漢其人嗣經貴局派員前往係莊棟臣遂同到廠清丈迺開丈無幾因事中止延至今夏五月間有劉雲漢來京自投職處聲稱去歲赴沽源縣辦理牧廠一事其中情形頗知底蘊并云伊與職之牧丁等均屬相識一再求職給伊一諭伊能竭力給辦等語職因言及伊與牧丁相熟所說又多近情職隨書印諭二紙一給劉雲漢又給牧丁一諭亦交劉雲漢帶回轉交囑伊二人先行調查一切手續應若何辦理查明來稟以便職卽派員前去接洽開辦乃至今並未接劉雲漢與牧丁來稟聲明如何辦法伊等屢次遞稟請示均恃印諭爲護符職查劉雲漢所遞之稟均非職處

令伊代遞內有兩端足可證明一係職父名惠鑑誤書德鑑二係職之現任京都正紅旗漢軍副都統誤寫蒙古若職令伊代遞焉能有此兩宗錯誤且開放廠地事關重大職處先發給小照然後赴局再領大照方不至稍有錯誤豈有冒昧從事前僅給伊印諭一紙並未發給小照乃劉雲漢藉印諭前來貴局一再瀆請隨自命爲總辦之人殊失職給印諭之本意仰懇貴局將劉雲漢呈驗諭帖以後再來貴局請示併與分局接洽辦事均作無效伏思職司官守不能因私事自行遠離今既蒙貴局垂詢特請至契張堯卿培曉峯趙子常三人爲代表人仍會同莊棟臣總辦清丈開放一切事宜前來貴局稟請批示其應如何辦理之處卽與代表人會商與職親到無異至若劉雲漢祈無追究以後辦理一切手續令伊等均歸代表人任使此次職亦不忍置伊等於事外忘伊等奔走之勞日後如果再有自專行爲職絕不認可據情呈覆統希查照此致

墾務總局令各縣

局長事

奉令准陸軍部咨兩翼牧場呈准試辦清丈

文

(原呈暨章程細則編制附) 四年十一月一日

案奉都署令開准陸軍部咨開本部具呈兩翼牧場試辦清丈情形祈鑒核一案奉 大總統批令准其暫行試辦卽由該部轉行遵照並交內務財政兩部查照摺表並發此批等因奉此除分行外相應刷印原呈摺表咨行查照可也附原呈一本等因准此除備案外合將部送原呈一本抄發該局卽便知照此令等因奉此除將原呈刷印通令外合亟將原呈一份令發該縣知事局長籌備員一體知照此令

附原呈

竊查兩翼地址糾葛有年以致私墾侵佔官放盜賣者流均藉口於界限不清輾轉舞弊加以前清王公動多異議教民土棍橫生阻撓既禁止之無從復整理之乏術本部一再籌議設法清釐曾派員勘劃場界

立碑爲誌並將始末情形呈報在案嗣因兩翼場長到差首以清查場地作改良牧政之準備曾令該場長安速籌畫督促進行惟求根本辦法非從實行清丈入手不足以昭大公而資整頓至清丈所需旅費暫由部墊發將來由墾地租稅項下歸還一俟辦有成效卽如種馬之添購經費之補充并可資地租以爲挹注殊於牧政前途裨益匪淺茲據所擬清丈章程細則暨編制業經詳細核定擬請准其試辦是否有當理合一併呈請 大總統鑒核示遵謹呈

附核擬兩翼牧場試辦清丈章程

第一條 兩翼界內近年屢有私墾越墾各項情弊今擬凡屬墾地及已領未墾之地一律清丈以清糾葛

第二條 兩翼界址卽以上年陸軍部所劃界址爲根據

第三條 兩翼界內凡有私墾已成熟地者一律准其繳價承領永遠

爲業如不遵章繳價將地歸公不究既往用示寬典

第四條 兩翼界內領有正式照據

如部照或國家各機關所發執照查無別情認爲有效者 墾種

之地如丈出越墾若干准原墾戶繳價承領如不遵章繳價卽將越墾之地盡數歸公另招墾戶倘無正式照據或有他項情弊者一律認爲私墾

第五條 凡私墾暨越墾各地應按上中下等則計畝追繳荒價上則每畝銀七錢中則五錢下則三錢每兩按大洋一元五角收納其他火耗註冊清丈等費概行免收以示體恤

第六條 界內私墾越墾之地俟清丈後熟地准由民國五年升科每畝每年折中均納銀一分四釐除已由各縣升科各地暫仍舊辦理外所有此次丈出之私墾越墾地畝升科銀兩暫歸陸軍部管理作牧場補助之經費俟將來口北各縣縣治劃定後再行酌核辦理

第七條 凡私墾越墾各地由典繩員認真勘查分上中下三則不得稍涉含混地勢平坦土地肥沃爲上則地勢雖平土性礮薄爲中則地勢低窪帶有沙城爲下則

第八條 承墾地內遇有河灘山石沙城得酌量折扣畝數以昭公允
第九條 凡私墾暨越墾各地繳價承領者均給陸軍部照其有原領正式照據清丈地數與原照相符暫可不換

第十條 收納地欸儘數繳部所有清丈經費隨時另案請領
第十一條 清丈時如有糾葛及他項情事各地應註記簿冊樹立記號另候解決

第十二條 清丈以畝爲單數確定三百六十弓爲一畝百畝爲一頃
第十三條 清丈墾地應繪圖以備考查但爲迅速竣事起見得隨時

略具草圖

第十四條 清丈前由牧場出示通諭各墾戶以便周知

第十五條 私墾越墾者如有阻撓情事由場長隨時呈部核准

第十六條 以上各條係屬試辦其有未盡事宜隨時呈部辦理

附核訂兩翼牧場試辦清丈細則

第一條 墾戶須先期將各該地四至到堆立標以憑丈量而清界限

第二條 按兩翼界內各旗羣順次清丈不得一處清丈未完同時又

復清丈他處

第三條 預定清丈日期某月某日清丈某旗羣由某方面開弓傳知

該旗各墾戶眼同清丈

第四條 清丈之日各墾戶務將新舊部照暨本場驗照期內所發收

據或有未經報驗各執照檢齊作爲承墾執據屆時携帶到各該地

以備清丈員查驗如該戶託故不到或延不交出執據者顯係無憑

私墾不願價領卽行扣地歸公

第五條 清丈後隨由本處發給丈單載明私墾越墾押荒應繳銀數限期照繳欸時須將丈單並前次本場收據一併繳回換給部照第六條 各旗協領對於清丈事宜應實力輔助由場長核定功過以策進行異常出力之員優予獎勵其或輔助不力分別懲處

第七條 清丈員定名爲典繩員計設五員先從左翼著手左翼丈訖再丈右翼兩翼計共十旗羣以天干十字別之左翼按甲乙丙丁戊右翼按己庚辛壬癸定名以便編號註冊

第八條 某典繩員丈某旗羣必始終貫徹不得中途易人以專責成第九條 典繩員各帶表紙所丈各地勘查地質分上中下三則計地若干註明表內附繪略圖編號註冊

第十條 典繩員所報地則暨地數由場長隨時抽查以昭慎重如有

勾串賄賣舞弊情事立即查實從重懲辦

第十一條 關於清丈兵夫及在事鄉約牌頭悉聽典繩員指揮皆由本場發給火食津貼（惟鄉約牌頭限辦事日給津）不准向墾戶需索分文如有需索情事准由該墾戶到處指控究辦

第十二條 在清丈以前發出布告摘抄章程由各協領傳集該旗鄉約牌頭傳知各墾戶一體遵照務使曉然此次清丈實為體恤各該墾戶永斷糾葛各安生業起見俾免誤會

第十三條 典繩員出丈須酌帶馬巡隊數名藉資保護

第十四條 以上各條如有未盡事宜隨時增訂

附核訂兩翼牧場清丈處官兵編制暨津貼一覽表

職稱

員名津

額數每月名月津數月津共數每月名年津數年津共數

貼

職

務

處長

一不領津

由兩翼牧場場長兼充稟承陸軍部督理兩翼牧場清丈處一切事宜有指揮全處人員之權

副處長	一	四〇元	四〇元	四八〇元	四八〇元	由兩翼牧場副官兼充承處長之命辦理兩翼清丈四清理各項糾葛等事
助理員	二	二〇	四〇	二四〇	四八〇	由兩翼總管兼充承處長之命商同副處長辦理兩翼清丈事務
調查員	一	二〇	二〇	二四〇	二四〇	由兩翼牧場教練官兼充承上官之命調查兩翼清丈事務
書記員	一	六〇	六〇	七二〇	七二〇	由兩翼牧場臨時僱充承上官之命辦理清丈文牘案件冊籍等事
會計	一	二〇	二〇	二四〇	二四〇	由兩翼牧場會計員兼充承上官之命掌管清丈銀錢之出納核計地冊等事
錄事	二	二六	三二	一九二	三八四	專司繕錄並保管卷冊
典繩員	五	二〇	一〇〇	二四〇	一二〇〇	承上官之指揮專司清丈查勘地則核計地數
丈量手	十	〇	〇〇	一二〇	一二〇〇	承典繩員之指揮專司樹標拉繩丈量等事
護兵	四					遞送文件兼供雜差
夫役	四					
合計	三三		四一二		四九四四	

一關於清丈處所需筆墨紙張燈油煤炭及清丈應用之標杆麻

附

繩地段椿樑等費每月需洋五十元每年共需洋六百元

一拉運行李及米麵菜蔬等項用單套馬車五輛係由場內借用但每月每馬須加麩料洋三元按五匹計算每月共需洋十五元每年共需洋一百八十元

一隨供差役傳喚地戶之鄉約牌頭擬每日各給火食大洋一角按三名計算每月需洋九元每年共需洋一百零八元

一清丈時須帶馬巡隊五名藉資保護每名月給津貼洋三元每月需洋十五元全年共需洋一百八十元

一表內暨附記全年應需各欸共計洋六千零十二元每月應需洋五百零一元

一典繩員丈量手非專門墾務之資格不能辦理須另僱用

一書記員錄事因場內人員不敷須另僱用

記

一護兵夫役由場內分配撥用勿須另僱

墾務總局呈都統據沽源墾務局局長委員函稱辦理榮貴馬廠被

誣情形乞轉呈備案文

四年十一月三日

據沽源墾務局局長高縉三委員王毓麟函稱竊局長委員頃聞榮貴有稟控賄通情事業蒙派員詳查確實仰見總辦體恤下僚無微不至本應靜候辦理曷敢冒瀆然其中有不能已於言者查榮貴所控之原因係由白文明隨同勘丈員赴段勘丈殊不知白文明隨同赴段因奉鈞局令知恐其中私墾甚多隨令白文明當段指實局長委員既奉鈞示何敢不遵至於恤蒙銀兩彼時辦理手續尙未清楚無論何人請領局長委員斷不敢准其領取即使清理已有頭緒仍須呈明總辦核准俟奉到指令之日方能發給今榮貴請領恤蒙未遂所欲竟以臆度之心指爲賄通實據輒行稟控恐難逃洞鑒之中如果局長委員其中有絲毫情弊不必數至五

百元倘有一元至十元者均請總辦處以死刑以爲貪得者戒若榮貴有心妄控亦乞從嚴懲辦虛坐實究俾將來從事墾務人員不至再受誣控之累總之局長委員受總辦特別知遇凡屬應辦之事率皆竭力進行此次受人控告皆由不避嫌怨而來豈知名譽爲第二生命名譽一壞生命何存務懇總辦澈底根究俾局長委員得以恢復名譽則感戴大德無既矣倘榮貴仍有遁飾之詞卽祈總辦將局長委員送交法庭并籤傳白文明到案質對則眞僞不難立分妄控亦可自儆至於白文明稟請開放牧廠馬廠現已清理完竣除另文呈覆外爲此瀝陳下情伏乞鑒核從嚴查辦等情前來除候調查員張興留報告到局再行續呈外理合呈請鑒核備案謹呈

墾務總局指令科員易薩圖呈報劃界應用車馬帳棚川資文

十四年

月三日

呈及附件均悉該委員所陳各節均已分別令辦但查報銷清摺關於帳棚車輛等費照勘丈定章應由該委員在川資項下自行支配不得開單支給惟此次出口係清查界址既經特准報銷自未便與普通委員視同一律所開川資工食及劃界車輛帳棚脚租等費准照一百元支銷嗣後出差不得援以爲例仍應按章支領至馬羣總管支用銀幣一百元及三營營長支用銀幣六十元俟該處報銷到局仰仍由該委員接洽核算可也此令

墾務總局指令多倫縣

知事局長

據呈鄉紳朱天朗等稟請清丈餘荒請

予變通援例減免二成荒價乞鑒核示遵文

四年十一月三日

呈悉查清丈章程第一章第五條內載清丈墾務局開辦出示後如有地戶自行呈報餘地若干毫不隱瞞勘丈無異者准將補交餘地之價減免二成用示優異等語是必須地戶自行呈報餘地若干毫不隱瞞勘丈無

異者方准援引此條減免地價且開辦之後亦應酌定限期出示曉諭如逾限不報或雖在限內呈報並不指明餘地若干或雖指明而意圖隱匿勘丈不符者均不得援引此條致生弊端據稱鄉紳朱大朗未將餘地若干一一指出民人邢爾壽雖經指出尙未派員勘丈應否適用此條尙難懸斷應由該局派員迅赴該民戶等稟報各地核實丈量俟丈量完竣再由該坐辦局長體察情形酌量辦理至減免地價辦法應於上中下等則之中酌量減免不得於下則地每畝三錢之外再行核減仰卽遵照此令

墾務總局指令沽源縣

局知事

呈覆劉雲漢脫逃印諭一紙不能認爲

確據文

四年十一月四日

呈悉據稱希璋稟請開放之地卽白文明稟稱清理德公之馬廠目下行將丈竣自應分別清理希璋代表劉雲漢尋覓無蹤想係情虛脫逃其一紙印諭不能認爲確據等情應將白文明暨希璋所稟該廠界內之地詳

細查勘無論已墾未墾一律核實丈量不准稍有出入一面照章放墾收
欸發照不必再候希璋函復至應給私租暨優待欸項暫行扣留俟轉轄
清楚再行照章給領可也此令

墾務總局令興和縣

知事

迅傳冀占魁到縣令將應撥張世魁之地

具結照撥文

四年十一月六日

查該縣屬民戶張世魁曾向羊羣西界達賴圖承領荒地三十四頃東至
察汗爾西至六台南至冀姓北至草荒業經繳價給照前由本總局令委
科員易薩圖前往勘查按數撥地去後茲據易科員呈稱前往羊羣交撥
張世魁所領三十四頃之地即將四鄰傳到同具切結以免爭奪惟關於
此地之最有關係鄰戶郭振禮冀占魁等藉口支吾抗不見面以致撥地
之舉終爾延擱嗣後由地戶史萬明引到羊羣冀占魁地大概估計連有
照地四十餘頃約有百頃上下之譜此地全然墾熟按張世魁已領三十

四頃之地四至在冀占魁地內被其私墾而張世魁又指鹿爲馬在六台東邊越界墾植非將冀占魁郭振禮等令縣差傳到口並將羊羣六台之地一律清丈不能了結此案等情查冀占魁素性刁狡不安本分此次將應撥張世魁之地把持盜佔有意抗違殊屬可惡仰該知事會同墾務局長差傳該民戶冀占魁及郭振禮二人到縣令其具結認撥並將轆轤釐清不得稍延如再抗違着卽究辦以儆刁奸此令

驛傳道函復長樑馬廠當初伊父並未價賣於白文明等情文

十四年

月七日

前准貴局公函內開白文明與佐領榮貴等爲長樑馬廠地畝糾葛一案本道故父雅爾堅當初並未價賣於白文明詳細檢查亦並無此項地畝買賣字據特此聲覆并希轉致該管知事核辦此覆

墾務總局令各縣

知事局長

遇有民人聚衆抗丈情事迅卽親赴場所嚴

拿首犯勸散盲從如恃衆強悍再行會銜呈請酌派軍隊彈壓文

四年十一月八日

案據張北縣坐辦高崇祐局長吳恩溥呈稱奉令勘丈延秀俊璋兩處牧廠丈至柳河灣地方竟有地痞吳勇蘇老三等糾集地戶五六百名持長槍揪鎗阻撓清丈會銜呈請轉呈都統酌派軍隊保護以資鎮懾而速進行一案業由本總局指令據呈已悉查柳河灣刁民吳勇等聚衆各持長槍揪鎗阻撓清丈等情實屬藐視法紀阻抗功令自應嚴拘首事凶徒訊實懲儆惟愚民多屬無知既據呈稱係屬吳勇等二三地痞從中鼓惑不難懲一儆百設法勸解迅事消弭茲經本會辦詳加討論面陳都統應由張北縣知事舉務局長一同馳赴柳河灣速拘吳勇等到案訊實從嚴懲辦其餘盲從愚民卽行切實開導從速解散並親督各該勘丈員等妥慎進行不得稍懈倘再有土豪地棍不畏法紀梟張聚衆該知事等卽速據

實電稟回口再派軍隊前往彈壓分別查拿仰卽知照此令並由本總局

分呈

大都統

各在案查清丈章程第一章第十條內載局中員司出口清丈

時須酌帶軍隊俾資鎮懾倘有土棍地痞聚眾抗拒等事卽行送交就近
地方官從重處治等語土棍地痞聚眾抗拒自應遵章從嚴處治惟兵屬
凶器未可輕易派遣且愚民多屬無知凡聚眾抗拒等事大都皆係二三
地痞從中鼓惑不難懲一儆百設法勸解該處民氣如此囂張誠恐各縣
亦在所不免亟應通行辦法寬猛兼施以挽澆風而維墾政爲此令仰各
該縣局凡遇聚眾抗拒情事由該縣知事懍遵都統訓令親赴場所嚴拘
首犯訊實懲儆其餘盲從愚民切實開導從速解散如盲從之徒悍不畏
法仍敢恃眾違抗再由該知事局長會銜呈請酌派軍隊前往彈壓以昭
慎重除通令外合亟令仰該局知事卽行遵照此令

墾務總局呈都統據調查員張興留查復該佐領榮貴稟控受賄串

通各節毫無實據文

四年十一月九日

案奉鈞令查覆京廂黃旗蒙古世管佐領榮貴稟控與白文明地畝糾葛一案據該佐領稟稱該縣局受賄串通各節當由本總局加派調查員張興留前往該縣秉公澈查並傳榮貴指明確據究竟該局長委員等有無受賄串通情事據實呈覆實究虛坐以維墾政而儆刁風業經呈報鑒核備案並由本總局批飭該佐領親身攜帶圖冊迅赴沽源縣候審各在案茲據該調查員呈稱竊奉令開以蒙古世管佐領榮貴因請領沽源縣境之平頭樑等處馬廠恤蒙私租銀兩稟控局長委員等有受賄串通情事已准白文明領欵飭將稟控各節秉公澈底查明並傳榮貴指明確據據實呈覆實究虛坐以維墾政而儆刁風等因委員遵卽起程於十一月二十四日馳抵沽源始知榮貴有事已赴張家口此間僅留伊族侄世管佐領延吉在此代表一切當卽傳訊據供白文明爲人善於運動傳言伊與

局長等有串通情事並無確實證據可以指明等情遂卽取據甘結以防異日再有遁飾詢諸高局長云平頭樑一帶馬廠正在清丈尙未丈竣斷無遽予白文明恤蒙銀兩之理似此情節均與原控不符委員復查該佐領竟以傳言之誤指爲事實輒行稟控一再詳訊毫無實據殊屬荒謬不倫榮貴現在張埠應請鈞局就近傳訊自不難水落石出無所用其隱匿矣除辦理馬廠清丈事宜由黃知事高局長王委員另案呈請核示外所有榮貴稟控各節理合查明據實陳復伏乞鑒核施行附呈甘結一紙等情前來除查明該佐領是否在口暨俟該縣將此案判結再行呈報外理合先將該調查員查覆情形連同取具甘結呈請鑒核施行謹呈

墾務總局指令沽源縣墾務坐辦局長榮貴與白文明地畝轆轤一案仍由該知事局長迅速秉公判結具復無庸規避文

四十年十二月一日

呈悉查此案迭據該佐領榮貴越級上訴當由本總局呈奉都統指令仍

應由該佐領榮貴親赴沽源縣質訊明確以資清結毋得委託代表致滋紛擾仰該縣局判結具覆轉報備查業經令知該知事局長迅卽判結具覆并牌示該佐領榮貴迅速遵照赴縣候審各在案查歷來地畝爭訟無論新制舊制均應先由地方官吏就地審判以期核實前據呈稱白文明所呈冊約顯係偽造茲復據稱蒙古鑲黃旗佐領榮貴圖內均係正白旗鑲白旗之地既有縣署糧冊可稽又有該各牌土人爲證則此案何難水落石出且查榮貴此案業經該縣前任袁知事奉令查覆并經現任知事黃呈請將已墾放長梁等地租改歸私租各在案則此地是否該佐領祖遺馬廠該縣應卽切實查明仰將此令轉行該知事遵照迅速秉公判結無庸規避并將判結情形會同該局長迅速具覆以便轉呈切切勿延此令

墾務總局呈

財政部

據張北縣

知事

會呈報告口外地戶阻撓勘丈

情形文 四年十一月十二日

案據張北縣知事兼墾務局坐辦高崇祐張北墾務局局長吳恩溥呈稱
案查職局勘丈延秀俊璋兩處牧廠地畝業已將開繩日期呈報在案詎
料局長回口後各地戶頓起風潮阻撓勘丈茲據口外勘丈員周傳綸單
仲武等聯名函開職員等前丈地數業經函報在案詎料丈至柳河灣地
方竟有地痞吳勇父子蘇老三父子等爲首糾集衆地戶五六百名之多
各持長槍掀鎗等械將柳河灣委員駐紮地點圍住聲言墾務局妄加一
成丈費並勒逼已丈地畝弓口帳目撤銷不准押荒令委員等具結否則
欲將房屋用火焚燒並有尋毆委員等事幸委員等用婉言商說始得脫
禍夤夜奔至白廟灘警察公所躲避職員等計無所出特請委員王者民
專馬回口面稟各地戶阻撓情形並請局長尅日出口設法懲辦以便進
行並據測繪員王者民面稱與各委員等函詞相同查辦理墾務爲國家

開闢利源一成丈費係奉照部章征收吳勇蘇老三父子等藐視法令藉口加收丈費竟敢糾衆阻撓勘丈實屬行同土匪非嚴加懲辦何足以寒痞膽而儆效尤查墾務清丈章程第十條內載局中員司出口清丈時須酌帶軍隊俾資鎮攝倘有土棍地痞聚衆抗拒等事卽行送交就近地方官從重處治等因該柳河灣各地戶屢起風潮經局長苦口開導始行開繩今又聚衆抗違若再以和平對待衆心愈覺囂張再三籌思惟有照章呈請酌派軍隊保護稍足以資鎮攝除由職縣先行派警速拘吳勇蘇老三父子等從嚴懲辦外理合將柳河灣各地戶阻撓情形會呈總局請予據情轉呈都統酌派軍隊保護以資鎮攝而速進行實爲公便等情前來據此除指令據呈已悉查柳河灣刁民吳勇等聚衆各持長槍掀鏟阻抗清丈等項實屬藐視法紀有意阻撓自應嚴拘首事兇徒訊實懲儆惟愚民多屬無知既據呈稱係屬吳勇等二三地痞從中鼓惑不難懲一儆百

設法勸解迅事消弭茲經本會辦詳加討論面陳都統應由張北縣知事
墾務局長一同馳赴柳河灣速拘吳勇等到案訊實從嚴懲辦其餘盲從
愚民卽行切實開導從速解散並親督各該勘丈員等妥慎進行不得稍
懈倘再有土豪地棍不畏法紀囂張聚衆該知事等卽速據實電稟回口
再派軍隊前往彈壓分別查拿訊辦仰卽知照此令印發外理合將該坐
辦局長等呈報各節暨本總局指令辦理情形具文呈請都統鑒核令遵
謹呈

墾務總局指令豐鎮墾務局呈擬請給予保護勘丈員書兵隊津貼

文

四年十一月十三日

呈悉據稱無底溝口爲匪衆巢穴現在派員清丈已由警備隊借撥馬兵
四十名排長二人隨往保護擬每名馬兵每月津貼銀二兩排長二人每
人每月津貼銀四兩等情應准照辦惟須酌量情形加派員書速行丈竣

免延時日多耗國帑此令

墾務總局指令豐鎮墾務局據呈委員李廷基等函報清理正紅旗

頭蘇木濠沁蘇木及總管署外草荒文

四年十一月十三日

呈暨圖結均悉查該委員等所報頭蘇木濠沁蘇木以及該旗總管衙門地界空閑草荒核與本總局調查員報告該旗各蘇木荒地頃畝數目不符究竟該委員等報告是否屬實難以懸揣仰該局長坐辦查照本總局令發該旗各蘇木草餘各荒地數坐落表核實查明並遵照定章暨本總局迭次令批招領可也此令圖結存

墾務總局令沽源縣

知事局長

嚴密查訪該民人張堯卿等有無舞弊招

搖情事文

四年十一月十三日

案據希公府委任丈放黑土窪荒熟地代表張堯卿等稟稱竊身等奉北京正紅旗漢軍副都統世襲一等義烈公希璋委任共同接辦丈放各項

地畝事宜內有培曉峯趙子常因事尙未出京事竣再行來口今先委身
會同莊棟臣同赴貴局代呈覆函並呈驗委任狀一紙遵照前案請速批
示以便遵行並求通知沽源縣墾務局接洽辦理一切手續身等前赴沽
源路途遙遠關卡驛站手無執據恐生事端務祈仍照去歲舊章發護照
一紙寫身等二人以防阻滯而生枝節俟回口卽速呈繳取銷爲此具稟
懇請恩施批示 爲公便等情前來除批稟悉查黑土窪地畝業經本總
局令行該縣局遵照 大總統批准章程派員丈放如有地痞土棍朦
混舞弊藉端招搖情事卽由該縣局嚴密查訪依法懲治該民人等所呈
希璋函件查非印文礙難憑信現據該縣局呈報該地業經丈竣所請發
給護照前往該局接洽辦理之處應無庸議此批掛發外合亟錄批令知
該縣知事局長嚴密查訪無任該民人等前往該縣有舞弊招搖情事仰
卽遵照勿違此令

墾務總局呈都統據沽源縣呈准和親王府查辦黑山子馬廠情形

請查照舊案辦理文

四年十一月十三日

案據沽源縣知事呈稱案准和親王府今奉恩鎮國公毓璋門文內開竊
敝府前派三等護衛德麟往黑山子馬廠查辦事件茲據來府稟稱阿嘉
呼圖克圖倉商卓特巴綽爾濟業禧敦魯布在察哈爾都署稟稱呂學端
盜賣伊牧場荒地請發部照持爲永久憑據以杜侵濫等情由都署令下
墾務局轉令沽源縣查辦卽由貴知事派劉排長傳集各造當面證明呂
學端係奉准前都統誠頒發告示代和親王府招墾委非盜賣等情據此
敝府詳查從前阿嘉呼圖克圖避暑無所敝府始祖和碩恭親王以與相
善之故於乾隆年間將黑山子馬廠東北隅內之地暫行借給其地仍爲
敝府所有光緒二十九年敝府將黑山子報請開墾該阿嘉呼圖克圖遂
爾生心希冀霸佔至光緒三十三年竟向察哈爾都署稟控與敝府交涉

後由察哈爾都署判斷令鑲白旗總管同左翼太僕寺總管暨阿嘉呼圖克圖徒衆敝府委員等指定地界劃分由豆爾格山東大道靠石門子溝之南右翼太僕寺牧羣北界將道北之地指與格根徒衆道南之地指與毓公牧廠經委員太僕寺總管取具該徒弟呢爾巴噶賴及牧廠達魯漢看守指給牧界永不爭競各具甘結以免將來兩造互相爭悔併據察哈爾鑲白旗署參領等依照前情出具鈐蓋關防保結統計該阿嘉呼圖克圖此次劃分之地東西十五里南北二十里今呂學端招墾之地曰弓溝曰彥布拉克曰水泉子溝曰小泉子溝以上四處均在石門子溝迤西偏南與該阿嘉呼圖克圖西南界尙隔五六里之遙何得冒認爲該佛牧廠光緒三十四年察哈爾都署斷結原委各案件具存相應出具門文派出三等護衛德麟呈請俯賜允准依據前情轉呈察哈爾都統署調查舊案以憑核辦等因准此知事查此案前奉鈞局令查業將辦理情形呈覆在

案茲准前因理合具文呈請總辦查核據情轉呈實爲公便等因前來除指令候轉呈都統飭科檢發外理合備文呈請都統鑒核飭科檢發舊案以便令遵謹呈

舉務總局呈都統奉令核擬正紅旗總管呈請轉行四子王旗派員

會同劃分界址應請照准並令該縣局派員前往監視文

一四年十一月十日

九日

案奉都署令開據正紅旗總管呈稱請轉行四子王旗派員定期會同劃分界址等情合亟令仰該局核擬覆奪此令等因奉此查該總管轉呈各節係爲劃定界址以備丈舉而免爭執起見自可照准應請都統俯如所請轉行四子札薩克旗定期派員攜帶圖冊會同該旗人員妥爲辦理並一面令行該總管知照除由本總局令知豐鎮縣知事暨舉務局於各該旗劃界日派員監視外所有奉令核擬緣由理合備文呈請都統鑒核施

行謹呈

舉務總局指令豐鎮舉務局據函稱王義董義等地畝糾葛一案緣

由仰仍遵章辦理迅速判結文

四年十一月十九日

來函閱悉據稱民人王義與董義等因正紅旗四七兩蘇木地畝糾葛一案既據該縣集訊其糾葛之緣起係因兩造俱向各該佐領收受銀兩各存私見遂因互爭界限致起訟端查開放蒙荒嚴禁私放盜賣業奉

大總統批令頒行在案該旗佐私受人財已屬不合干涉放荒尤爲非是仰仍遵照定章辦理迅速秉公判結勿任把持並轉行該縣知事遵照至張起武地畝一案着卽仍遵前令照章辦理並卽知照此令

舉務總局令豐鎮縣

知事局長

奉都統令據正紅旗總管呈請轉行四子

王旗派員會同劃分界址等情核擬具覆並令該縣局派員前往

監視文

四年十一月十九日

案奉都統令開據正紅旗總管呈稱案據參領兼公中佐領多普沁署副參領事務公中佐領福凌阿呈稱據本旗巴爾呼佐領格喀勒圖報稱爲請由各該旗派員將各該旗佐界址按照舊圖冊劃分辦理事竊查屢奉都署經界局內務部 大總統批國家以錢糧爲重應將各旗空閒荒

地開墾押荒按年升科飭派委員將各佐游牧空閒地畝查明繪圖取結聽候丈墾查本佐東界與正黃旗第十一佐新田地民界及第十二第十三佐連界東北與四子札薩克旗連界西北與鑲紅旗第十佐連界應於委員未到以前先將彼此界址援引原立王大臣例按照鄂博基誌劃分辦理俾免將來爭執轆轤理合呈報懇祈轉咨各該旗定期派員公同齊集交界地方彼此劃分旗佐界址辦理從新立起堆誌以免日後轆轤等情具呈前來查本旗第六佐空閒牧地東北係與四子札薩克旗連界理合呈報都署懇祈轉行四子王旗由該旗刻卽派員定期前來交界地方

會同該六佐公中佐領格喀勒圖等員將彼此界址按照原定舊圖冊劃分將舊鄂博基誌從新堆立以免日後輻輳而免有悞丈墾事宜合併聲請等情據此除指令外合亟令仰該局長核擬覆奪此令等因奉此查該總管轉呈各節係爲劃定界址以備丈墾而免爭執起見自可照准除呈請都統轉行四子札薩克旗定期派員攜帶圖冊會同該旗人員辦理一面飭行該總管知照外合亟令仰該縣局於各該旗劃界之日派員前往認真監視並將辦理情形呈報備查切切此令

墾務總局批榮貴代表稟白文明欺佔馬廠一案文

十四年十一月二日

稟悉查此案前據該職等稟訴各節當經批示該佐領親身攜帶圖冊迅赴沽源縣聽候傳訊並加令該縣知事暨墾務局長遵照前令迅速秉公辦理在案該佐領等理應迅赴該縣聽候傳訊辦理乃批墨未乾輒又來局請提殊屬不合本總局總轄全區墾務稟承大部都統實行整理遇有

土地糾葛處理悉秉至公如該縣局辦理不當再行上訴自當提區覆審據案糾正本總局對於該知事局長等亦應有相當之懲處今該佐領並未赴縣質訊徒以臆度之詞率行請提豈能照准且該知事局長等呈覆並未發給恤蒙銀欸於白文明世產正在調驗文契以備審理是此案未經審判該佐領何必越控不休查馬廠地段暨案內人證墾戶并承糧冊籍均在該縣斷不能以印祥一人在口輒行轉移審判如必須印祥證明該知事等自應隨時函知到案質證至所稱委員舞弊各節已由都統派員前往查辦應俟回口報告本總辦自有辦法該佐領亦無庸疑慮仰仍遵前批迅卽赴縣候質該代表劉丹池是否確係該佐領榮貴等委派有無證明文書着卽來局呈驗事關產業該佐領仍應親自赴縣靜候訊斷以昭慎重不得委派代表致起日後葛藤是爲至要既據上訴仍候都統批示仰卽知照此批

都統令各縣知事嗣後遇有人民阻抗清丈情事應仿照張北縣柳

河灣民戶阻丈辦法由縣知事親往開導文

（樂務總局承辦堂稿）
四年十一月二十四日

日

案據張北縣知事高崇祐回口面稱前因柳河灣地戶聚衆數百餘人阻撓勘丈勢甚囂張經知事與張北墾務局局長吳恩溥親身馳往柳河灣傳諭鄉約及各地戶齊集該村曉以利害苦口開導又復高擎牌示宣布德威殷殷告誡差幸感化無形咸有悔意就我範圍一律解散現已開繩清丈循序進行以後再無阻礙等情查清丈地畝本縣知事之專責此次柳河灣地戶聚衆阻抗經該縣知事親赴該村勸導多方無形解散自是正當辦法各縣舉行清丈難免鄉民誤會致生阻抗風潮若徒恃勘丈員辦理稍不得法則墾政之窒礙殊多自應仿照張北縣柳河灣阻丈之案辦理爲此通令各屬一體知照嗣後遇有人民阻撓清丈情事各該縣知

事應卽親身赴鄉開導俾民人感化消患無形不准畏難苟安巧爲規避
如果實有爲難情形方准由各該縣知事遵章以印文會同墾務局長呈
請派兵保護以昭慎重除分令外合亟令遵切切此令

墾務總局指令張北墾務局據報會同出口解散柳河灣各地戶阻

撓清丈情形請鑒核文

四年十二月四日

呈悉該知事局長勸懲兼施使該民人等甘心悅服情願清丈不再阻撓
辦事敏捷實堪嘉許仍仰該局長照章辦理循序進行始終罔懈並令行
該知事知照此令

墾務總局呈都統據豐鎮縣知事會同委員初審王建勳稟趙得功

霸地一案判結情形文

四年十二月七日

案准總務處函開現奉都統交下豐鎮縣初等小學校教員王建勳稟控
趙得功霸地稟一件令交墾務總局核辦等因奉此相應函送卽請查照

是荷附原稟一件等因准此當由本總局令知坐催舊欠委員王中秀會同豐鎮縣知事暨該墾務局長查核辦理茲據該知事委員會銜呈稱竊知事於本年十月一日奉察哈爾全區墾務總局第四百六十一號訓令除全文備案不復冗叙外令將抄附小學教員王建勳原稟一件核判具覆等因蒙此委員中秀奉委前來會審事同前因知事等遵卽轉咨墾務局酌擬審訊正在傳訊間旋據民人趙得功呈稱伊買混托胡蘇木東梁遺荒地四十大頃於民國二年經正紅旗蒙官指界開墾二三年之久並無人阻攔乃有王建勳者無端呈控等情呈訴前來復准正紅旗混托胡蘇木公中佐領永隆稟稱事同前因各等情據此

委員知事當卽將原被告人

等均傳到案開庭審訊據王建勳供稱伊故父王政前在綏遠墾務局報領地三十頃并在縣署呈明有案查縣卷僅有王政交過押荒條一分荒地一頃又荒條一分一頃七十畝未交荒條既未領荒條部照又未開墾

成熟且查押荒條係民國四年而趙得功價買到該混托胡蘇木空荒四十頃係民國二年成立契約業已招民開墾成熟十二三頃王建勳之一頃押荒條與趙得功四十頃之買契東北兩至又復相符且在民國四年交荒價一頃似乎重複報領委員知事等折衷核判王建勳雖無憑照但既交押荒一頃亦非毫無根據准從趙得功原買蒙荒四十頃內給伊生荒地五頃餘三十五頃均歸趙得功承領交價升科如墾務局清丈時趙得功准給足三十五頃如再有浮餘再准給王建勳承領趙得功已經具結惟建勳尙未遵斷委員知事謹將初審判斷情形合詞會呈是否有當請求批示遵行等情前來正核辦間復據該教員稟稱竊生父王政於前清光緒三十三年呈請綏遠將軍辦理正紅旗混托蘇木八凍花梁草荒地三十餘頃招民認墾蒙批准予承領隨於三十四年派希委員勘丈清楚繪圖指界生父卽行認領民國二年三年已經交過二頃七十畝押荒一則有荒

條再則有欠荒底冊此國家取信於民之確據也豈可弁髦視之歟所以六七年之久毫無異說奈人心險詐世界強梁今春生父病故突有趙得功視生失怙孤弱無依不講公理硬行霸種生自幼讀書本是學生性質與之鬪財則財不足與之鬪力則力不足又且趙得功素負豪惡之名生更生畏懼而不敢與之頡頏上下是以迫於無奈將伊控在豐鎮墾務局蒙局長派譚委員協同蒙員復行勘丈人心難昧仍照原文過頃數四至使生承領且諭趕速招戶呈繳押荒生不敢怠慢急速催墾戶交納押荒乃正在籌辦告成之際而趙得功將生控於豐鎮縣縣長案下蒙庭訊數次一味偏袒趙某生再三以押荒條欠荒冊針對殊不檢究而縣長反說荒條欠荒冊不足爲憑趙某有白約爲憑況趙某與蒙民私相買賣生由公司局承領有憑有據者不足爲憑豈無憑無據者反足爲憑乎是時代之黑暗使然乎抑運動之靈敏使然乎生莫得知其故矣現在衆墾戶與

生爲敵生無計可施惟有泣訴總辦恩准格外垂憐作主等情除由本總局批示稟悉查此案業經該縣知事暨本總局所派委員會同判斷呈覆該教員前次具稟業經本總局詳細批示各在案查據該縣呈稱王建勳所繳押荒條一頃係民國四年趙得功價買契約係民國二年王建勳之一頃押荒條與趙得功四十頃之買契東北兩至又復相符等情查民戶領地三十餘頃何以遲至民國四年僅繳價一頃至前墾務局所發押荒條據已由本總局呈請_{都統}撤銷凡未繳足荒價者一律作爲無效以杜拖欠而防流弊並通令遵辦在案該教員所執荒條應由該縣局追回註銷不得恃爲憑據又據稱衆墾戶與生爲敵等語查奉部核准察哈爾清丈章程第二章第二條內載僥徒託空言包攬荒段俟轉賣後再行繳價或支吾延宕不定交款日期者一概不准其有冒名頂領藉端漁利不按章程辦理者經局查出稟請究辦不貸該教員既不服判斷一再控訴姑

候本總局令行該縣局照章核辦可也此批掛發外理合呈請鑒核備案
謹呈

多倫墾務局呈請兩翼牧場劃歸職局辦理請示遵行文

四年十二月七日

案據華興墾牧有限公司稟稱奉頒清丈墾務局告示捧讀之餘無任欽
佩查敝公司於前清宣統三年七月稟准農工商部組織墾牧實業公司
在獨石口外多倫廳屬大梁底地方購買毓公府馬廠荒地五百頃當由
部咨行察哈爾都統令張獨多三廳查覆等情據經前多倫廳撫民同知
饒查覆該地確係毓公府馬廠並蒙令派書差眼同毓公府馬廠牧丁指
界丈量四五號溝糜子溝大小黃羊灘雙山子黑山頭城子窪九梁十八
窪大梁底沙井子河灘等處地段當卽繳欸領照於民國元年始經開辦
各在案惟該地西南界限係與太僕寺暨前北洋馬政局毗連當於宣統
三年稟請前馬政大臣崑札飭該總管持圖指界以清界限奉批稟悉已

札飭該翼總管等實圖前往會勘等因旋於民國二年夏季經太僕寺右翼總管薩會同白旗總管圖前來會勘據稱毓公府馬廠侵佔荒地八十頃擬由毓公府墾務局撥歸太僕寺八十頃荒價仍以敝公司所購界限爲憑敝公司曾在察哈爾都署備案存查查敝公司購墾之初係因西南界限不清恐有糾葛故先領二百一十餘頃地照已在縣署驗契外尙有二百八十頃丈單爲憑乃於民國三年夏季經陸軍右翼總管派委將毓公府馬廠全行圈入界內則敝公司所購之生熟荒地五百頃正在圈佔之內今春經陸軍兩翼牧廠廠長出示驗照並有清丈之傳至今雖未實行而仍有此說茲奉貴局告示一律清丈等因在敝公司商務性質無論地方國有無不贊成情願清丈惟荒無二價課不重徵倘貴局清丈後陸軍馬廠又復清丈其將何所適從故不揣冒昧謹將敝公司購墾情形詳細縷陳伏乞鑒核批示祇遵等因據此查毓公府牌係多倫縣所轄二十

一牌之一該公司所購地段係毓公府牌一部分去年夏季兩翼牧場派員劃界不惟將該公司地段圈入並將毓公府牌全行圈佔查該牌歸多倫縣管轄歷有年所其中升科地畝已有六百餘頃之多今忽歸兩翼牧廠清丈不免有淆觀聽而起糾紛合無仰懇總辦咨請兩翼牧廠仍將毓公府全牌劃歸職局辦理似爲正當辦法所有華興墾牧有限公司請示勘丈緣由除批示外理合據情呈請總辦鑒核指令祇遵謹呈

墾務總局呈都統據豐鎮縣知事局長會呈王義董義地畝轆轤一

案原委並會審情形文

四年十二月七日

案奉鈞令據正紅旗總管呈稱董義王義地畝轆轤一案飭局詳查核辦等因奉此當由本總局令行豐鎮縣知事暨墾務局長及坐催荒欠委員留察知事王中秀會同確切查明秉公判結據實呈覆並先將飭縣辦理情形呈請鑒核奉令呈悉此令各在案茲據該知事局長會同呈覆據稱

遵卽會同王委員中秀并知會正紅旗總管參領等來豐定期傳集兩造
 究心審理查核全卷王義於宣統二年用銀四百五十兩由正紅旗四佐
 孔督討和氣專達色克牙及瞞達等數人之手租得餘荒十八頃民國元
 年復由孔督指荒一段交王義開墾又使過王義大錢五百吊王義遂卽
 聚墾戶等築屋墾荒相安數年并無異說迨至民國三年三月間董義趙
 崇瑞等垂涎攬地向蒙官花銀二千兩具稟請領七佐荒地惟屢經稟請
 均批候派員查勘再行核奪并未准予給領何得視爲己產但蒙旗參佐
 等旣受伊錢遂亦藉口王義越佔七佐界址咨縣拘究以致董義等有所
 倚恃屢作違法行動此次會審專達色克牙聲稱董義等請承領七佐之
 荒係在那拉松河以北河南有長城一道王義墾熟地尙在長城以南四
 七兩佐舊以那拉松河爲界王義并未越佔七佐之地乃參領等不容色
 克牙等之答辨竟以王義越佔爲奪地之根據查官荒國有並非旗佐之

私產私賣私買曾由熱河都統姜呈奉 大總統明令禁止又凡未領

部照之荒無論生熟均由墾局派員核實丈量歸官放墾總管及以下等職不得擅違通令有案伏思放墾要政首在殖邊安民不專爲徵取少許押荒地價原開原種實爲安民至計是以鈞令諄諄迭次以此告諭姑無論王義董義爭訟之地爲七佐爲四佐要總屬國家之荒旣爲民戶十餘家分畔耕種聚落成村已經數年遽加驅逐奪原墾而給非原墾者原墾流離失所非原墾者承業熟荒於墾政方針似覺未合尤負鈞座告諭之至意卽就董義王義同係私買亦無必奪王義而給董義之理由况丈給王義等之地五十一頃零衆墾戶均於一月內交納押荒盡將部照領出而丈給董義之地七佐界內一百六十餘頃又四佐界內餘荒三十餘頃亦由董義併伊夥張登雲承領是董義已共領地二百頃猶貪不知止且經勘丈員將該地丈畢後董義自行來局面稱委員爲伊丈地減去沙石

太少要求覆勘亦不能領通知書至今兩月餘部照未領所交押欸按地數合計尙欠五六千元延抗不交意圖挾制若不認真取締任其串通旗佐並發照之地亦可變更他人必至效尤微特以後清丈難行卽已丈之地押荒亦不能依限催收從此墾務前途橫生阻力矣至趙洛七等放槍拔標各節知事前奉鈞令經王委員查係土匪所爲初會訊時已從權將趙洛七開釋在案其界址之爭王委員曾取總管參領等結當堂宣布由委員一人辦理以故不能了結謹將此案原委並會審情形呈覆鑒核並祈轉呈等情前來除俟王委員中秀呈覆到局再行呈報外理合先將該知事局長會呈此案原委並會審情形呈請鑒核備案謹呈

墾務總局呈都統奉發和碩禮親王門上函懇查辦張鴻翼等售放

盜賣本府石柱子等處水草牧廠文

四年十二月七日

案奉都署發交和碩禮親王門上公函內開緣本府有上賞獨石口外南

北石柱子牧廠一處內有馬王廟一座羊腸小河一道兩旁俱是水草之灘長約十五里寬五六里不等此間爲本府牧牲之所每年由蒙人交納皮張等供用適因前清光緒二十八年經墾務大臣貽穀會同前察哈爾都統奎順等題奏查王公馬廠以及各旗牧地鞦韆不清淆亂難勘應請諭令王公等一律報効開墾而興地利等因是以本府不以牧廠自愛首先報効開墾該大臣飭委總辦德克登額陳際唐等逐一查勘僅丈得本府牧廠共地五百十六頃三十畝六分內准撥留蒙人養贍地一百頃外留大敖包山一處蒙人義地半溝蒙人墳地一處馬王廟一座羊腸小河一道其兩旁草灘作爲本府牧牲之地下餘升科地四百十六頃三十畝六分王府按年應領四釐私租計銀一百六十六兩五錢二分二釐四毫均有墾務局印冊圖繪發給本府收執以昭信用而垂永遠曾於前清光緒三十一年秋本府派員前往該處查清按款接收歷有年所迨至今夏

官府派員清丈大糧地畝倘再勘得浮多時不惟國家增一正課卽本府亦隨得一私租此誠兩有裨益之舉不意有該地痞張鴻翼高繼欽等就中朦混勾串委員將本府水草灘牧牲之地私相售放盜賣查此項牧地爲蒙人身家性命攸關又經前舉務大臣奏准撥留有案可稽今竟被人鯨吞情難萬狀是以不惜跋涉進府據實稟報前來本府查所稟殊出意外雖不能信其或有亦不能決其必無再四籌思是以差派本府四品典衛德興持函赴署稟見面詢一切惟有仰懇都統澈究如果屬實請將張鴻翼高繼欽等傳拘案下飭將本府水草灘各地立卽退出以便蒙人在該地牧牲應差則感德無旣矣等情令局查辦等因奉此查函稱前清舉務大臣奏准撥留王府養贍及放牲之地本總局無案可稽應令該縣知事查明有無此項奏案呈覆核奪再函稱有該地痞張鴻翼高繼欽等就中朦混勾串委員將王府水草灘放牲之地私相售放盜賣等情是否屬

實業由本總局令行該縣知事暨墾務局局長會同確實查覆以憑核辦除俟該縣局查明呈覆外理合先將令行該縣局查辦情形呈請都統鑒核謹呈

墾務總局指令據張北墾務局局長呈必立土山荒地准其就近丈放并易薩圖所丈之貢吉溝等荒原册一併發交令卽開放文

四年

十二月七日

呈悉該局長請將必立土山荒地就近丈放應准照辦惟查鄰近該地之貢吉溝大喇嘛營圖固里克貢珠諾爾哈畢勒喀等處曾由本總局派委科員易薩圖前往清丈計地二百八十餘頃尙未開放應將原報地段表發交該局一併清查招戶給領所有一切辦理手續均應遵守開放生荒定章辦理專案具報前據劉元所繳洋二千五百元係領大青溝等處地價與王富祥絕不相涉合併知照此令

沽源墾務局呈爲黑河地畝轉轄業主抗丈並具稟要求條款及卯

正蒙旗地畝等情候示文

四年十二月七日

竊查黑河汛地畝向來情形原爲旗地絕無民地而居民皆爲租種之戶互相推佃蓋該旗將地租與民戶之時卽以二四計畝自淨吃租一分其旗地內亦有完大糧者當歸租戶代納若清丈按局章三六計畝與原地不符者有之與原地多餘者亦有之前以黑河卯正兩汛地多糾結情勢相似而獨莊王府之地自行吃租並無大糧故此三處之地已奉總辦面諭局長轉致縣署自行查報是以_{局坐辦}前於十月二十後令委繩丈員多起齊赴黑河汛一帶清丈地畝至則交涉多日無從下手不得已該員等找黑河汛官傳糾鄉約齊集民戶曉以墾務定章始有願丈者繼亦有不願丈者皆因管業主係在京八旗諸多牽制致令該租戶等每有半推半就之意更加汛官鄉約及該員多方勸諭乃強爲認可故當此之際有將

開弓者有未開弓者而突有鑲黃旗蒙古世管佐領榮貴之弟榮魁等糾聚多人號令各該租佃戶勁行抗丈立逐繩丈員出境故該員等無人收留方陸續回局共核計往來及在地點時光約有二十餘日工夫盡爲虛拋此時正當局長由張回局之候遂飭該繩丈員等先赴沿邊一帶丈量地畝卽擬親赴黑河汎地面詳爲勸導而黃知事乃於前數日因赴珍珠泉有相驗案情黑河爲必由之徑特爲曉諭一切只好俟黃知事回署再作計議值此而該旗榮貴等約在京住戶爲黑河汎地之管業主者十餘人聯名來局稟請會委前赴黑河清丈地畝並要求條件五款至於可否

坐辦局長

未敢擅自主斷謹錄原稟隨文附呈查卯正汎地畝情形亦與黑河

汎相同雖未經往丈將來必有交涉再蒙旗各王府多有養贍地畝係留以養牧丁者約有一牧丁給養贍地百畝之譜或有百十頃者或有數十頃者王大人廟牌無照地六十餘頃卽係養贍其地雖多寡不等若不訂

定規章將來清丈實難着手爲此謹將黑河地畝膠轕及管業主抗丈具稟要求條款並卯正蒙旗王府養贍等地各緣由理合備文呈請總辦鑒核批示遵行實爲公便謹呈

墾務總局令興和縣

知事局長

六臺荒地應一律清丈照開放新荒章程

招戶另放文

四年十二月七日

查該縣屬民戶張世魁稟請撥地一案曾於十一月三日及十一月八日令知遵辦在案惟是六台地畝原係新荒由前總局於去年十月派員丈放冀占魁郭振禮張世魁均係按照勘丈地段表指明四至來局請領同在本年四月以後迺冀占魁自領照後不按地數越界盜墾將前墾務局未放荒地悉行侵佔此等行爲實屬大干禁例查本總局開放新荒章程載有未放荒地聽憑民戶指領隣戶不得盜佔囤留此等規定原以杜絕刁風而祛流弊前據委員報告上項民戶均有越墾行爲而冀占魁除將

張世魁所領三十四頃之地被佔外其餘盜墾之地尙有數十頃之多若不重事清查不足以重墾政而息刁奸爲此再行鈔發清單令仰該知事局長查照開放新荒章程將六台所屬各地一律清丈除將有照地戶查明四至按數撥給外其餘均行招戶另放毋任把持除分令外合亟令遵此令

墾務總局函義烈公有無價賣與白文明馬廠情事希赴縣質證明

確應得欸項俟此案判結即無糾葛卽由縣局領取文

四年十二月九日

案准貴義烈公呈稱爲遵批詳陳分辨眞僞事等因准此查清丈章程第三條無論各王公牧場旗羣台站各地概行清丈凡王公牧場一經報局卽由本總局令行該縣知事局長派員丈量核實放墾本總局清理餘荒夾荒向以部照爲憑如無部照暨納糧紅契者均須繳價領照俾資管業來呈所云官私兩方各發執照等語與定章不符無此辦法本總局所擬

優待王公辦法按照所收地價除照章提出二成經費外下餘八成以四成歸公四成劈給王公以示優待如所收地價集有成數立行照額發給所餘隨時收入陸續補發以昭信用此外照章應領四釐私租一屆升科年限仍舊隨徵隨付業經呈准在案貴府呈報黑土窪地畝業由該縣局派員丈放至白文明稟稱同治六年置買德公府馬場一處坐落在沽源縣汪大人廟至口袋營子等處業經本總局令行該縣局詳查文證並未准其領欸無庸誤會總之丈地爲一事撥欸爲一事現因白文明與佐領榮貴地畝轉輻一案令由該縣知事局長傳集兩造會同審訊貴府是否有價賣與白文明馬場情事請迅赴該縣與白文明質證明確俟此案判結之後如確無別項轉輻貴府應得四成之欸暨屆升科年限應得四釐私租卽由該縣局照章領取可也此致

墾務總局令豐鎮縣知事局長委員等茲奉令據正紅旗總管呈稱

董義王義冒報霸佔地畝暨抄錄董義稟訴各節仰該知事等會

同詳查秉公判結文

四年十二月十日

案奉都統令開據正紅旗總管呈稱董義王義四七兩蘇木地畝轆轤一案合亟令仰該局詳查核辦此令等因奉此正核辦間旋據民人董義趙崇瑞稟訴買地被押冤慘難堪霸佔領照致案顛倒抄粘旗咨呈請查閱等情前來除一面呈復都統鑒核並批示稟悉查此案前據豐鎮縣墾務局呈報候傳案審訊秉公判結再行呈覆等因前來仰卽投案聽候訊結可也此批掛發外合亟抄發董義稟詞令仰該知事局長委員會同詳查原案務得確情秉公判結勿任纏訟仍將辦理情形呈報都統暨本總局查核切切此令

墾務總局令豐鎮縣

局知

事

暨全區調查員張調察任用知事王迅將

董義王義地畝糾葛一案會同秉公判結具覆文

(簽注辦法附) 四年十二月十日

案查都統令交據正紅旗總管呈稱董義王義地畝糾葛一案當由本總局令行豐鎮縣知事墾務局長並坐催荒欠委員王中秀會同詳查原案秉公判結並將該民人等先後稟詞令發該縣局逐項考核並呈覆都統在案茲據該知事局長會銜將此案原委並會辦情形呈覆到局復奉都署將委員王中秀呈稱一再審慎未敢冒昧判結等情連同圖結供詞令發到局復據該民人董義王義等先後稟控前來查前清舊例蒙旗放墾荒地須由該管札薩克出具印文呈請本省長官核准開辦是爲歷行成例查正紅旗各佐除執有印文隨缺牧廠外其餘空閑荒地均經前清欽差大臣收入公司該佐官兵等因不願放墾始行向官出價回贖作爲游牧之地前既不願放墾向官回贖何以四七各佐蒙官今又擅違禁例私自賣放縱該佐官兵仍願放墾亦應報明主管署局歸官丈放發照招戶按照該旗佐回贖原價由公家撥還方爲正當辦法乃該旗四佐孔督等

於宣統二年自行租給王義荒地十八頃得銀四百五十兩又於民國元年指給王義荒地一段得大錢五百吊七佐佐領等私賣給董義地畝得銀二千兩且均未立契約又復私自支用亟應從嚴治罪該旗總管有管理一旗之責明知故縱是該官員等暨該民人董義王義私賣私買均屬罪有應得查吾國關於不動產買賣慣例及法律規定各項契約必須呈由地方官廳查驗方生效力是一紙白契且不足憑今詳核所送供單董義王義私與四七各佐買租荒地均未立有契約豈能發生效力是董義王義私與四七各佐買租權利當然消滅仍應與違章私賣私租與之蒙員予受同科一律治罪又查呈准清丈章程第二章第二條內載倘徒託空言包攬荒段俟轉賣後再行繳價或支吾延宕不定交款日期者一概不准其有冒名頂領藉端漁利不按章程辦理者究辦不貸又第六條載冒詐重領者一經查出按照所執部照地價科罰十倍以杜混冒又財政

部頒發領照簡章第一條規定墾戶姓名住址須據實呈報如查有偽造代替等弊除將承領之地收回外所繳押荒銀概不發還各等語詳查全案所載王義墾戶十餘家耕種數年今地畝糾葛未清又復冒領部照董義已領之地二百頃尙欠地價五六千元延抗不交意圖挾制該民人等有無包攬漁利代替冒領支吾延宕情弊均須澈底究辦袁知事樹滋在沽在豐坐辦墾務多年於國家法令及察哈爾呈准單行清丈章程豈無聞見今據該縣呈送供單如所供屬實則四七兩佐蒙員及董義王義均在法律必懲之列何難遵章一語斷結而乃任其狡執一再延案不結致令該民人等紛紛上控不休成何事體賀局長澎身爲局長於糾葛未清地畝遽然發照殊屬失察今既疊起訟案自應遵照呈准清丈章程第二章第六條又部頒發照簡章第一條所規定商同坐辦勒追王義部照俟結案秉公另放方爲正辦所有該知事局長因循誤事有虧職守應候結

案稟承都統專案提付懲戒茲經本總局各科將該縣所送供單詳細簽註酌擬辦法二種於後特再嚴令該知事主審並會同詳核案情參酌總局各科所簽意見如前所呈並呈送供單內載各節屬實則四七各佐蒙員並王義董義等均在國法必懲之列應卽先行收管秉公從速結案以免久延特加派留察任用知事道署承審員王丙彝察哈爾全區舉務調查員前山東補用知縣張興留爲督審委員將此案前後案卷發交該員收執到縣督同從速審結現在察防各旗縣地畝積案業經呈奉 大總統批准專歸地方行政衙門辦理原所以清積案而安民生倘再稍涉因循延不判結定按考成條例將該知事局長從重嚴懲除呈報都署備查暨分令外合亟令仰該知事局長委員會同秉公從速審結迅卽具復以憑查核而便轉呈切切此令

附摘錄正紅旗四七兩佐及董義王義地畝糾葛一案各要點開列於

後

一查前清舊例蒙旗放墾荒地必須由該管札薩克出具印文呈請本

省行政長官核准開辦是爲歷行成例及建民國 大總統於鎮

安上將軍奉天巡按使張勳河都統姜察哈爾都統何歷次呈禁蒙

旗私放荒地又復重申禁令各在案此地既據稱係回贖地查當日

所以用銀回贖者因不欲放墾故用銀向官回贖今正紅旗四七各

佐蒙員擅將回贖不欲放墾之地私賣私租與民人前既請官留不

放墾今復私行放墾實屬有違國法且放荒事宜是否佐領各職擅

專之事又一佐公共牧廠是否佐領可以私賣私租與人私得銀錢

私自支用由以上數端觀之則私賣私租與人之蒙員爲有罪賣主

租主既有罪則買者及租墾者亦屬有罪是四七兩佐之蒙員及董

義主義均在法律懲辦之列今私賣者私租與者不以其所爲爲犯

法而反公然當堂出結各徧袒其買主租墾主此可異也

二董義所稱買得蒙古之地據袁知事樹滋王委員中秀賀局長澎會審供單據董義等自行供稱僅將銀子交了七佐領與合少上并無契據等語查吾國不動產買賣慣例及法律規定各項契約必經呈由地方官廳查驗方生效力是一紙白契且不足憑矧董義等所買并無契據乎且由第一條觀之各佐私放地畝爲犯法則私買者亦爲犯法縱有契據亦豈能發生效力今兩造供稱均無契據更無論矣

三王義所稱先租後買之地據袁知事王委員賀局長呈送供單王義雖呈豐鎮縣有契據可查然據孔督討合氣供稱並沒有文約甚可疑異且領墾荒地應向官廳認領豈可與蒙員勾結私領縱令持有文約亦屬私相授受不能發生效力矧蒙員供稱並未立文約耶總

之無論有無文約由第一條觀之私賣者私租與者私租與者犯國法則王義之先租後買無論真偽亦屬犯法也

四察區呈准墾章不准包攬轉賣查王義董義所領之部照並非本人自墾實轉賣於他人顯違墾章均在懲辦之列至王義所領部照一節此地糾葛未清實屬詐財冒領按照墾章第二章第六條所規定應卽十倍科罰以杜混冒仍勒追部照結案另放

查此案前後情形凡私賣者及私租與者並私買者及私租種者均屬違章犯法從嚴則將四七兩佐蒙員及董義王義一律依法治罪所爭地畝另招他人繳價承墾此一辦法也抑或念在蒙員及愚民無知從寬處理董義固屬私買之主然據供稱雖交銀二千兩於七佐領並未立有契約且中間歷隔數年從未墾種今此地既已墾闢成熟豈能一人佔有至王義雖墾種數年不無勞費然越墾未清之地膽敢冒領部

照亦豈能一人佔有應如何酌予息爭劃分領墾應由該知事等斟酌情形秉公判結不准稍涉偏袒此又一辦法也

墾務總局呈都統爲董義王義地畝糾葛一案已令委王知事內彝

張調查員興留前往會同縣局秉公理結乞鑒核文

二十四年十一月

案奉鈞署令交據正紅旗總管呈稱董義王義地畝糾葛一案遵卽令行豐鎮縣知事墾務局長并坐催荒欠委員王中秀會同詳查原案秉公判結并將該民人等先後稟詞令發該縣局逐項考核并呈覆鈞署各在案茲據該知事局長會銜將此案原委并會審情形呈覆到局旋奉鈞署令將委員王中秀呈稱一再審慎未敢冒昧判結等情連同圖結供詞令發到局復據該民人董義王義等先後稟訴前來查前清舊例蒙旗放墾荒地必須由該管札薩克出具印文呈請本省行政長官核准開辦是爲歷行成例查正紅旗各佐除執有印文隨缺牧廠外其餘空閑荒地均經前

清欽差大臣收入公司該佐官兵等因不願放墾始行向官出價回贖作爲游牧之地惟前既不願放墾向官回贖何以四七兩佐蒙官今又擅自私放縱該佐官兵仍願放墾亦應報明主管署局遵章辦理招戶承領給照管業按照該旗佐回贖原價由公家撥還方爲正當辦法現據供詞所載該旗四佐孔督等於宣統二年自行租給王義荒地十八頃得銀四百五十兩又於民國元年指給王義荒地一段得大錢五百吊七佐佐領等私賣董義地畝得銀二千兩且均未立契約所得銀錢又復私自支用實屬有違國法且放荒事宜是否佐領各職擅專之事又一佐公共牧廠是否佐領可以私賣私租與人由以上數端觀之則私賣私租與人之蒙員爲有罪賣主租主既有罪則買者及租墾者亦屬有罪是四七兩佐之蒙員及董義王義均在法律懲辦之列該旗總管有管理一旗之責不加糾察明知故縱是該旗總管亦有應得之咎今私賣者私租與者不以其所

爲爲犯法而反公然當堂出結各徧袒其買主租墾人弁髦國法殊堪痛恨據豐鎮縣知事局長王委員中秀呈送會審供單據董義等自行供稱僅將銀子交了七佐領並無契據等語查吾國不動產買賣慣例及法律規定各項契約必經呈由地方官廳查驗稅契方生效力是一紙白契且不足憑矧董義等私買並無契據乎私放地畝爲犯法則私買者亦爲犯法縱有契據且不能發生效力今兩造供稱均無契據更無論矣至王義所稱先租後買之地據該知事局長委員等詳送供單王義雖呈縣有契據可查然據孔督討合氣供稱並沒有文約甚可疑異且領墾荒地應向官廳認領豈可與蒙員勾結私領縱令持有文契亦屬私相授受不生效力矧蒙員供稱並未立有文契耶總之無論有無文約私賣者與私租與者既爲犯法則王義之先租後買無論眞僞亦屬犯法也况察區呈准墾章不准包攬轉賣查王義董義所爭之地既非本人自墾皆轉賣於他人

顯違墾章均在法律懲辦之列至王義所領部照一節此地糾葛未清實屬詐取冒領按照墾章第二章第六條所規定應卽十倍科罰以杜混冒仍追繳部照結案另放該縣知事袁樹滋在沽在豐坐辦墾務多年於國家法令及察哈爾呈准單行清丈章程亦當了然今據該縣詳送供單如所供是實則四七兩佐蒙員及董義王義均在法律必懲之列何難遵章一語斷結而乃任其狡執一再延案不結致令該民人等紛紛上控不休成何事體該縣墾務局局長賀澎身爲局長於糾葛未清地畝遽然發照殊屬失察今既疊起訟案自應遵照呈准清丈章程第二章第六條又部頒發照簡章第一條所規定商同勒追王義部照俟結案後秉公另放方爲正辦所有該知事局長因循誤事有虧職守應俟結案後呈請專案提付懲戒要之審查各方供詞默察此案情形如該縣知事委員等所送供單所供屬實則未立契約之私賣私買各方面均爲有罪亟應先行收管

從速判結以申國法而息爭端除將此案令委調察任用縣知事王丙彝
察哈爾全區墾務調查員前山東補用知縣張興留馳赴該縣會同該縣
知事局長秉公辦理妥爲審結一俟具覆到局再行呈請核奪外合將董
義王義地畝糾葛一案其中實在情形連同王委員中秀袁知事樹滋呈
送四七各佐董義王義等供詞暨本總局各科簽註意見及籌擬辦法並
委員前往督同審理各緣由具文呈請鑒核伏乞訓示遵行以便轉令謹
呈

墾務總局令豐鎮縣

知事

督審委員抄錄董義前案令發該縣局詳

細檢查判結文

四年十二月二十三日

案查董義王義地畝糾葛一案業由本總局加派督審委員將前後案卷
發交收執並分別令知該委員知事局長等秉公體察情形參酌總局各
科簽註意見從速審結並呈報都統備查各在案茲復檢閱前墾務總局

所存案卷該旗總管呈文暨董義等稟詞與該縣審訊供單六件多有自相矛盾之處茲特飭科復爲指明以備審判查正紅旗總管巴雅斯胡郎王前知事中秀及董義張登雲等於民國三年九月先後呈稟均係請求准予承領照章押荒字樣並未云已向蒙旗買就今據王委員中秀袁知事樹滋所送會審供單董義趙老七竟自供稱已於三十三年用銀二千兩經向七佐交買殊可駭異此自相矛盾者一也又查王委員中秀袁知事樹滋所送會審供單載董義等供稱買地在光緒三十三年交銀亦在光緒三十三年今查該旗總管暨董義呈稟文件均在民國三年縱使所供屬實已交二千餘兩然非私買私賣何以遲至數年始行具報若謂不奉上臺公事不敢開墾豈未經稟報長官核准獨可以私相授受銀兩買賣地畝乎此自相矛盾者二也又供單載董義趙老七供稱用銀二千兩交與七佐佐領查該旗呈文董義等所交銀兩未據聲明卽董義所具之

稟亦未自行聲明是否真偽均待查究且民國三年正式呈報文件均意圖隱匿而本年在縣當堂供稱已交銀子未立契據趙老七供稱係光緒三十三年交的銀子其意何居而猶以稟報有案藉口狡展意將誰欺此自相矛盾者三也至王義私租該旗地畝並無案可稽膽敢越墾官荒冒領部照實屬地棍一流更無論矣合亟抄錄前案發交該縣俾該縣知事墾務局局長督審員等彙齊在案詳細檢查以便秉公迅速判結仰卽知照此令

墾務總局令沽源縣

局知事

將白文明阿嘉佛地畝糾葛各案迅速判

結文

四年十二月十九日

查民人白文明與佐領榮貴互爭馬廠一案疊據該民人該佐領暨世襲義烈公希璋先後稟訴函告前來節經令行該縣知事局長詳查文證秉公判結在案又阿嘉呼圖倉商卓特巴綽爾濟業禧敦魯布稟控呂學端

盜賣牧廠各墾戶違抗越墾一案業經先後令批該縣知事局長傳集兩造原主暨一千人證詳訊確情驗明證據秉公斷結亦在案查以上兩案經年累月纏訟不休本總局疊次批示令行催促理結筆禿墨乾彙案幾於盈尺該知事局長並不上緊催傳訊斷辦理殊爲延緩查察哈爾旗羣台站暨各縣關於歷年地畝糾葛一切積案均歸各該地方行政衙門辦理無庸交由法庭審判以祛窒碍而免久懸業由都統呈奉 大總統批交內務財政農商部會同核議具復於本年十二月四日奉批令准如所擬辦理在案原爲慎重墾政清理積案起見是辦理地畝糾葛積案地方行政衙門負有完全之責乃該縣知事局長對於白文明阿嘉佛各案久不判結殊屬有虧職守本應卽行呈請議處姑再寬限一月仰卽迅將未了地畝糾葛各案依限傳集各方人證驗明證據從速斷結如再違延定卽呈請從嚴撤懲決不再事姑寬勿謂言之不預也除分令外合亟令

遵切切勿違此令

墾務總局指令沽源墾務局據呈黑河地畝糾葛業主抗丈並具稟

要求條款及卯正蒙旗地畝等情候示文

四年十二月二十一日

呈悉查此案業由都統令行該縣查案詳辦並由本總局簽註條件隨批發交該縣轉行該局長知照各在案仰該縣局迅速查明具覆以憑核辦至王府養贍之地仰該縣局遵照本總局前令查案具覆再行令遵原稟閱悉仍發還此令

墾務總局指令沽源縣知事呈據京鑲黃旗蒙古佐領吳榮耀等稟

請將地畝清丈并免地價文

(簽註條件附)四年十二月二十九日

呈悉查此案業奉都統令開僅據該世管佐領等稟稱祖遺產業歷年在縣完納旗糧民國報稅印契已成爲各人私產等語是否屬實未據該縣聲叙明晰有無朦混情弊尙難懸揣已批示該縣查明原案逕呈本總局

核辦並據該墾務局長呈報各在案茲由本總局簽註該佐領等聲明條
件隨令發交仰該知事局長迅速遵照查明具覆以憑核辦切切勿延並
轉行該局長知照此令

附簽註條件

第一條 據稱歷年在縣完納旗糧民國報稅印契已成爲各人已產
等語應由該縣局查明該處地畝是否上賞牧廠抑係該佐領等個
人私產據實呈覆並詳查縣署糧冊究竟升科納糧暨報稅印契之
地共若干頃畝連同地戶花名造冊呈報以憑核辦

第二條 據稱請按照三百六十弓開繩等語應詳查升科驗契原案
是否三六計畝呈覆核奪

第三條 據稱俾各佃戶按畝納賦援照民產一律按畝增加租項等
情是否可行有無窒礙應由該縣局核擬具覆

再丈費一項歸誰繳納未據聲明應明白規定

墾務總局指令沽源墾務局據呈黑河卯正兩汛地畝糾葛暫行停

丈酌留員書等情請示遵文

四年十二月三十日

呈悉據稱黑河卯正兩汛地畝糾葛不清姑准暫行停丈暨酌留繩丈員
二名書算二名繩夫四名以備抽丈調查等事繩丈員既老成可靠着以
二級發給薪水該兩汛地畝究竟如何糾葛仰該縣局迅速查明詳細具
覆以便令遵再該局解款所差甚鉅應會同該縣知事嚴催押迫從速解
繳以顧考成仰卽遵照辦理並轉咨該縣知事遵照此令

墾務總局令涼城墾務局奉都署令查覆彙祥寺地畝糾葛並委員

偏護一案仰卽查覆文

四年十二月三十日

案奉都統令開據署理鑲藍旗總管印信參領多普端呈稱案據兼署參
領關防副參領兼公中佐領阿凌阿呈稱據本旗派出劃分第十三佐與

廂紅旗彙祥寺互相爭界之驍騎校德楞鄂記名護軍校沙津達賚等報稱遵令前往本旗第十三佐游牧九霸溝與彙祥寺所爭之界地方會同鑲紅旗派出護軍校阿克東阿墾務局派出委員孫兆齡等兩方勘查據第十三佐官員等報稱本佐與胡珍元等民并無買賣一畝之地情事係由彙祥寺買領墾種已十餘年忽自去年將本佐官兵隨缺地任意越佔耕種當經行文該縣經該縣將地退回辦理取具保結等據彙祥寺喇嘛等聲稱本廟原將窩子溝之地已賣給民人崔治邦他將此地賣給胡珍元等其四至崔治邦知道我們不得而知等語兩相爭執當奉委員交諭民人崔治邦所領部照係六頃七十一畝二分之二數應先將伊地丈量如足原數則可倘不足數由第十三佐連界之地補給等諭遵由該佐派出拉丈二人隨同委員丈量後由兩方核計有七頃九十畝所丈之數脗合此內除六頃七十一畝二分外下餘有一頃二十餘畝第十佐官員等以

此地雖屬有餘本佐並不分領惟祈將官兵等隨缺地界址劃分等情我們請與委員商議按照旗下檔圖查辦委員卽赴界親臨切查商定劃分兩造爭界之地次日欲要指界劃分而委員云昨晚所丈之地長短折算尙欠地七畝此地由伊佐補給結案等語我等伏思買地有部照之民地數已足其官兵等隨缺田地事關極重豈能擅行補給是以各散旋回等情又據第十三佐報稱本佐隨缺田地南界與廂紅旗彙祥寺毗連耕種香火田地地戶胡珍元崔和聶二楊海馮有旺潘庚所子張三蘭子魏大有呂三疙疸等民九人越界霸佔節經行文該管涼城縣辦理在案適經該縣墾務局派出委員孫兆齡將地戶胡珍元承墾伊旗彙祥寺有部照六頃七十一畝二分之地丈量由本佐傳帶兵二名丈量共熟地七頃九十餘畝所丈之數相合除部照之數外餘出至一頃九十畝次日奉委員孫兆齡交諭此胡珍元有部照之地尙欠四十幾畝由汝佐補給如不遵

補轉報參處等諭逕往本旗第四佐查地去訖本佐領官員等由後追去不得已而出具情願補給此項地畝圖結旋由第四佐返回交諭昨晚復行計算胡珍元有部照之地實欠地七畝由汝佐界內所丈一頃二十二畝熟地內除七畝外再將三十畝地給胡珍元收納押荒下剩九十二畝交與該佐交納押荒令照此再由兩造出具漢字押結等諭當已遵諭具結收領次日委員孫兆齡前往九壩溝地方諭將本佐界內原丈一頃二十二畝南山陽一段熟地抵給民人胡珍元三十畝之地將北山不堪耕種山峯荒地丈量九十二畝令由本佐交納押荒等諭返回後本佐官員公同前去請示奉委員孫兆齡交諭此項地畝若不一定照我諭辦理立將伊等轉報參辦等諭愚思本佐界內有碍隨缺田地委員孫兆齡一意欲給佃戶胡珍元忽減忽增勒交照辦則窮窘兵丁等隨缺田地猝被奪失甚爲苦累理合據情懇祈轉呈查明辦理外並將委員孫兆齡所丈彙

祥寺佃戶胡珍元地畝細數暨本佐界內丈量熟地細數開具清單附後等情各具報前來伏思民國肇造興辦墾務振興財政之際理宜多方利導乃該委員孫兆齡竟自偏護一面既將已劃餘荒地畝令交押荒又令補給屢年爭執佃戶胡珍元如此辦理難保無含混嫌疑再起爭端則上延國荒欸項下致貽累糾葛懇請轉報另行派委清正委員辦理以期有裨墾務而資蒙人遵服理合呈報都統批示外並一體咨行涼城墾務局合併聲明等情據此除批示外合將原送委員孫兆齡所丈彙祥寺佃戶胡珍元地畝暨該佐界內丈量熟地細數清單一併令發該局仰卽查核呈內事理轉令涼城墾務局查照呈覆此令等因奉此查此案據稱該佐與民人胡珍元等並無買賣地畝情事係由彙祥寺賣給民人崔治邦崔治邦復賣給胡珍元等將該佐隨缺之地越佔耕種何以丈量之後地既有餘該佐並不分領而該委員孫兆齡復謂胡珍元部照之地尙不足數

必由該佐補給如不遵補卽轉報參處該佐官員等亦卽出具情願補給圖據並由兩造出具押結收領而補給地數又忽減忽增其中有無別情是否該旗呈報不實抑係該委員有偏護含混情事應由本總局遵令抄發丈量地畝數單轉令涼城墾務局按照文內情事詳細查覆以憑核轉合亟令仰該局迅速遵照辦理據實呈覆切切勿延此令

墾務總局指令沽源縣知事據呈佐領吳榮耀稟稱祖遺產業等情

請示遵文

五年一月二日

呈悉查此案業奉都統令開僅據該世管佐領等稟稱祖遺產業歷年在縣完納旗糧民國報稅印契已成爲各人私產等語是否屬實未據該縣聲叙明晰有無朦混情弊尙難懸揣批示該縣查明原案逕呈本總局核奪擬辦並據該墾務局長呈報各在案茲由本總局簽註該佐領等聲明條件隨令發交仰該知事局長迅速遵照查明具覆以憑核辦切切勿延

並轉行該局長知照此令

舉務總局呈都統張松年馬廠既據該縣局呈覆並無空閑似無庸

轉令劃界請鑿核施行文

五年一月八日

案奉鈞令據正黃旗滿洲潤芳佐領下世襲一等雄勇公等稟稱勘丈祖遺馬廠等情查該襲公等稟請勘丈及訂約合辦各節似與該局前次呈擬批准辦理各旗王公等職牧廠馬廠原案不符未便卽行照准除批候令該總局查核辦理外合亟令仰該局查核前案地圖等項轉令該縣舉務局遵辦此令等因當由本總局抄粘前案并摹繪地圖令行豐鎮縣知事暨舉務局長查覆核奪嗣該縣局呈覆到局當卽據情呈覆奉令等因奉此惟前據該管豐鎮縣局呈覆此地坐落在第一區界內光緒二十九年間貽欽差復行動丈業已收納荒價升科并無空閑等情又查鈞署令發原案所有內附咨飭文件均係光緒二十六年之事該馬廠至光緒二

十九年復行勘丈一節該襲公原稟未據聲明既據該縣局呈覆該地業已納價升科並無空閑是產權業已轉移馬廠已變民田似無庸轉令該縣局會咨各該旗派員前往會同劃界以免重複是否有當理合呈請都統鑒核施行謹呈

都統令據鑲藍旗總管呈稱十二佐領與民人楊八十一田畝界址

糾葛請令陶林縣知事劃分辦理文

五年一月六日

據鑲藍旗總管呈稱據兼署參領副參領阿凌阿呈稱案據本旗十二佐領報稱前清光緒二十九年經墾務局派出委員李光藻本旗原任副參領車登扎普等會同查辦本佐地事由本佐撥給陶林縣民人楊八十一田地坐落沙拉哈達地方自毗連鑲紅旗界起至那林西梁兩鄂博西往沙拉哈達大河至路土堡子之北烏拉三岔口角哈達至奎騰梁南沿南至頭佐界四至分明指給發給部照當經墾務局員等令本佐領出具圖

結並取其楊八十一等結存卷以憑將來考查斷辦在案今楊八十一之姪楊標貪多求幸勾結奸民等倚仗勢力於原定界外將本佐有碍牧場游牧二扎喀子固爾辦嘎普奇勒濟爾木台等數十頃地越界霸爭控告前來自應確查原給楊姓民人田地界址並劃明墾務局委員等從前斷辦舊案部照數目斷辦以期勿枉勿縱請咨行該縣外並請轉行呈報逕令該縣等因據此理合呈報伏乞批令陶林縣按照原給地戶楊姓八十一界址部照劃分斷辦勿使侵佔施行等情據此查越佔牧地殊干法禁果如該總管所陳情節自應由縣劃分辦理除批示並令陶林縣知事遵辦外合亟令仰該局即便知照此令

墾務總局指令沽源縣知事據呈覆盜賣阿加呼圖克圖地畝所有

案內人等現已遠離遽難訊結文

五年一月八日

呈悉查此案於本年八月奉都統令交當由本總局令知該知事局長妥

爲辦理具復嗣經迭次令催並呈請都統發交黑山子馬廠地界劃分舊案令發該知事查照舊案秉公訊斷各在案乃事隔數月之久並未傳集審訊復因遷延日久呈請提審意圖推諉殊屬非是查清丈地畝訴訟爲知事專責且該廠地畝現在該縣管轄境內并有劃分舊案則該民人呂學端有無盜賣情事何難詳細查明秉公斷結乃一再規避實屬有虧職守業由本總局知會阿加呼圖井和親王府迅速攜帶圖冊赴縣聽審仍仰該知事迅速秉公判結具復以便轉呈勿得再行延緩致干未便切切此令

墾務總局令興和縣

知事

抄錄張世奎陳訴原稟及批交由該知事

局長秉公判結文

五年一月十三日

查張世奎冀占魁等地畝鞦韆一案曾於四年十二月由本總局抄發清單令仰該縣局會同辦理嗣由該知事局長呈報各情會擬撥地辦法到

局比卽批令迅傳兩造到案卽爲了結迺張世奎近日具稟前來訴陳冤狀核與該知事局長所呈各節微有不符該民等所陳自難深信惟折獄必期平允始足折服人心相應抄發原稟及批交該縣局察酌實情秉公判結可也此令

墾務總局指令沽源墾務局據呈爲阿古廟等牌變通辦法及有必

要抽丈之處乞令遵行文

五年一月十三日

呈悉據稱待天氣少爲和煖卽行派員復丈抽丈事屬可行阿古廟等牌之地必須慎選妥員核實丈量不得再有朦混舞弊情事其他各牌應行抽丈復丈者亦應核實辦理並先期會同該縣知事出示明白曉諭免致愚民誤會再該縣境內未經清丈之地約計若干黑河卯正兩汛地畝亦應遵照內務財政農商三部呈奉批令核准察區清丈章程核辦仰卽會同該縣知事妥擬呈覆以憑核奪仰卽查照辦理並轉行該縣知事遵照

此令

墾務總局令各縣墾務局奉部令修正察哈爾清查餘荒夾荒條例

通令各縣墾務局一體遵照文 五年一月十六日

案查本總局擬訂察哈爾清查餘荒夾荒考成條例十三條業經都統奉咨井通行遵照在案嗣奉內務財政農商三部會同修正條文繕單呈請鑒定於民國四年十二月四日奉批令准如所擬辦理即由各該部分行遵照單存此批載政府公報除通令外合亟刷印修正條文令仰該縣知事局長遵照并轉令各勸丈員等一體遵照此令

墾務總局指令沽源縣知事據呈報吳榮耀等稟請清丈旗地文 年五

一月十八日

呈悉查此案前經本總局簽註該佐領等聲明條件隨令發交該知事會同該墾務局長查明具覆在案該處地畝既據該佐領等二十四人聯名

具稟請派委清丈亟應妥擬辦法以便進行未便因無案可稽卽置之不理既據呈稱該佐領所稟黑河汎一帶有祖遺地畝屬實應卽會同墾務局長傳訊該佐領等并詳細詢查該處租戶務將此案澈底查清按照本總局簽註條件逐條明白詳細具覆以憑核辦卽遵照辦理并轉行該墾務局長遵照此令

墾務總局令涼城墾務局民人崔治邦與廂藍旗地畝轆轤一案迅

速併案查復文

五年一月十九日

案奉都統令開據藍旗總管呈稱案據署參領關防副參領兼公中佐領阿凌阿呈稱本旗十三佐報稱遵奉旗飭本佐官員等赴西界丈量本佐領官兵隨缺田地於指界丈量時據委員聲稱將此地丈入民人崔治邦押荒地內當經據情稟告乃竟自不理並妄稱爾佐官兵均含混指給致生糾葛等語職等欲要查看民人崔治邦此地部照所載界址而委員不

管前清部照以何指給地戶則亦丈量職等欲與商議並無交詢情詞逕往三佐去訖愚思蒙人隨缺田地一竟丈入民人押荒地內顯係偏向農民理合據情呈請轉報請將官兵隨缺地丈給農民被奪被佔苦情鑒核辦理給予各窮兵丁等度命等情據此理合呈報指示施行等情據此除指令候令查明再行核辦外合亟令仰該總局迅卽查核明確呈覆察奪以憑令遵切切此令等因奉此查此案前奉都署令交當由本總局抄發丈量地畝數單一紙令行該局長按照文內情事詳細查覆茲復奉前因合亟令仰該局長并案詳查迅速據實呈復以憑核轉切切勿延此令

墾務總局呈都統據沽源墾務局呈據查覆局放官荒并無私售王

府撥留養贍及牧牲草廠地畝文

五年一月二十一日

民國四年十一月二十九日奉鈞署發交和碩禮親王門上公函一件令局查辦等因奉此當由本總局令行沽源縣知事暨墾務局長確實查覆

以憑轉呈核辦各在案茲據該知事局長呈覆竊自春間派侯委員文請清丈石柱子牌之時而張鴻翼張德明高繼欽等地毗連蒙地惟恐不能清白當經該員傳蒙人五六次而終未一至迨至秋間覆派翟委員前往抽丈張鴻翼等地時又招蒙人五六次面分疆界而仍然不至本來此地前已經侯委員稟稱距近張高二姓之地有水灘荒地三四頃乃既差傳蒙人十數次前來指界而概不到場顯係與蒙地不相干涉確是該二姓之餘荒無疑况秋間抽丈張高二姓之地並未連帶養贍以及牧場地畝而蒙人指界不到又復稟控殊屬非是茲當奉令之下坐辦局長遵卽復派翟委員春山再往確實查核據該員回報查禮親王撥留養贍地之畝數段落並羊腸小河子外所留水草灘之地勢界牌各詳細情形繪圖呈驗查圖內所繪養贍地五段共地百頃大敖包山一處蒙人義地半溝蒙人墳地一處馬王廟一座羊腸小河子一道俱各存在惟所稱小河兩旁

留有水草灘以備牧牲之地細察其地理界綫分明有形可據絕無沾染且前放與祥瑞堂張鴻翼水荒一頃地點在馬王廟之大南相距甚遠中隔一條東西大道放與高繼欽水荒一頃距南更遠北與馬王廟地界瞻望弗及西與小河牧場渺不相干并觀其大概馬王廟之南北均係牧場地勢極其寬闊俱有荒草可憑而獨所云小河子兩旁留有水草灘寬可五六里以作牧牲之所其說殊屬荒謬豈知小河子兩旁近臨河邊當有居民營子數處爲證然則該蒙人竟詐稱私放盜買其奸險刁賴顯而易見一面之詞尤不足以憑信况墾務重大部章皇皇在局中放地斷無有私售之理而他人承領更不擔盜買之名圖說具在堪以爲證至蒙飭稽查前清墾務大臣奏准撥留該王府養贍放牲各地情由惟有升科地四百十六頃三十畝六分備查在案餘無可稽爲此具覆所有局放官荒并無私售禮王府撥留養贍放牲草場地畝各緣由理合備文呈覆鑒核施

行等情到局查據稱該府撥留養贍及放牲牧場該縣無案可稽該局放與張鴻翼高繼欽等之地確是該二姓之餘荒與蒙地不相干涉該府所指養贍地一百頃及草灘放牲之地俱各存在絕無沾染則來函所稱張鴻翼等勾串盜買等情顯係蒙人等一面之詞不足憑信所有據該縣局查覆局放官荒并無私售禮王府養贍及草場地畝各緣由理合呈請都統鑒核施行謹呈

舉務總局呈都統請令催各旗總管迅速造送隨缺地畝圖說並檢送印文冊據以便查核分別轉發文

五年一月二十一日

案據豐鎮墾務局局長坐辦等呈稱竊查前經職局呈請咨各旗查覆隨缺地畝蒙令呈悉業經都統令行各該旗總管繪圖造冊送交本總局轉發矣仰候送到再行令發可也此令旋奉五百六十七號令發下正紅旗隨缺地圖說十五份各等因奉此查豐鎮地跨正紅正黃鑲藍三旗而正

紅正黃兩旗在豐屬轄境範圍較廣除正紅旗隨缺閑荒現經辦理清丈而正黃旗亦亟待着手進行所以該旗隨缺地冊關係清查根據理合呈請總辦速令發下以憑稽核如或此項地冊尙未據該旗專案造送可否由總辦轉請都統再行令催之處併乞鈞奪施行等情前來查民國四年七月十五日經前任都統何分令左右兩翼八旗總管遵照舊章限定該官兵隨缺地段畝數坐落四至繪圖造冊送由本總局轉令各墾務局查照辦理嗣於十月九日本總局呈請令催各旗總管迅將隨缺地畝圖冊送局核驗廓清積案而利進行一案於十月十四日奉鈞署令開呈悉查各旗缺地圖說除正紅鑲紅兩旗業經送署飭核不另令造謹予催送撥給該項缺地印文冊據外仰候分令各總管統限於十月三十日以前一律繪具清晰並檢齊冊據送驗核辦此令各在案今已逾限數月除正紅旗隨缺地畝圖說十五份鑲紅旗隨缺地畝圖說一本業奉鈞署令發并

由本總局飭員繕鈔轉發復於元年一月十二日奉鈞署令發鑲藍旗缺地圖說一册在案外其餘各旗隨缺地畝圖說暨該項缺地印文册據未奉令發亦未據各該旗總管咨送到局查清理旗地必須根據此項圖册今逾限已久各該旗總管尙未遵令造送殊屬玩忽茲據該局呈請令發以憑稽核應請都統令催各旗總管迅速遵令繪具圖說並檢齊印文册據送由本總局查核分別轉發各墾務局查照辦理以便廓清積案而利進行理合呈請都統鑒核施行謹呈

墾務總局批豐鎮縣民人王建勳不服判斷一再控訴仰候令行該

縣局照章辦理文

五年一月二十五日

稟悉此案業經該縣知事暨本總局所派委員會同判斷呈覆據稱王建勳所繳押荒條一頃係民國四年趙德功價買契約係民國二年王建勳之一頃押荒條與趙德功四十頃之買契東北兩至又復相符等情查民

戶領地必須繳價領照方能管業既據稟稱於前清光緒三十三年領地三十餘頃何以遲至民國四年僅繳價一頃至前墾務局所發押荒條據久經本總局呈請都統大部撤銷凡未繳足荒價者一律作爲無效以杜拖欠而防流弊久經通令遵辦在案該教員所執荒條應由該縣局追回註銷不得恃爲憑據又據稱衆墾戶與生爲敵等語查奉部核准察哈爾清丈章程第二章第二條內載倘徒託空言包攬荒段俟轉賣後再行繳價或支吾延宕不定交款日期者一概不准其有冒名頂領藉端漁利不按章程辦理者經局查出稟請究辦不貸該教員既不服判斷一再瀆控本難准理惟案關墾政姑候再行令知該縣局照章核辦可也此批

墾務總局指令豐鎮墾務局呈警備隊津貼是否停止並可否請派

巡防隊保護清丈等情文

五年一月二十五日

呈悉該局前次借撥馬兵原爲保護勘丈現屆天寒停丈自無庸借用兵

士所有津貼一項當然取銷嗣後該局需用兵士已由都統通令各該地方軍隊隨時由該知事局長以印文就近提請保護矣仰卽遵照本總局第九百四十四號通令辦理可也此令

墾務總局呈都統據豐鎮縣知事局長暨委員及涼城縣知事等會

銜呈覆王義董義地畝糾葛業經取結完案請鑒核銷案文

一五年
八月

二十五日

案奉鈞署令交豐鎮縣民人王義與董義地畝轆轤一案由本總局令委調察委任涼城縣知事王丙彝察哈爾全區墾務調查員張興留馳赴該縣會同該縣知事局長秉公理結具覆並呈報在案於民國四年十二月二十七日奉指令呈悉應候該知事調查員等前往會同該縣局秉公理結呈覆到局再行呈報備查此批在案茲據該委員張興留涼城縣知事王丙彝墾務局長賀澎代理豐鎮縣知事袁樹滋會銜呈稱委員丙彝

興留遵卽由口起程於元年一月二日抵豐會商知事樹滋委員興留當將抄件面交知事樹滋研究復經知事催集全案人等到案於十二日公開庭訊據王義董義趙老七卽趙崇瑞張秉興歐孔督色克牙格什得力格滿達等供稱伊等實不知私買私賣爲有罪今蒙明白申斥均知感悟悔過求恩寬念愚蒙免予坐罪各願和平了結又據王義供稱情願退地十三頃歸董義趙老七張秉興執業永息爭端質之趙老七則稱不坐私買之罪心已知足不敢再想領地情願都歸董義等承領伊不再爲干預又據董義張秉興供稱王義既願退地十三頃趙老七一畝不要伊等情願具結承領開墾歸伊等措交押荒以後再不爭執又據歐孔督供稱曾經使過王義地價錢五百吊其餘銀四百五十兩係兵丁們分使各等語質之兵丁滿達供相符合委員等會審此案申明條例曉以利害研究二時之久幾至唇焦舌敝兩造甫感悟悔過籲請和平了結伏思雙方私相

授受均有應得之咎惟既知悔過王義又願退地十三頃歸董義等承領不再爭執兩造均已允服咸求和平完結自應稍示變通姑念愚蒙不諳例章從寬概予免究當庭取結完案以省拖累而順輿情除由局長澎派員督同王義將退出地畝逐一丈明給照飭令董義等具領呈繳押荒銀兩外所有奉令會審董義地畝糾葛兩造悔悟自願和平了結緣由理合具文呈請鈞鑒核銷並請轉呈都統銷案實爲公便再委員丙彝結案後十六日赴涼接任委員興留卽於十五日起程進口銷差合併聲明等情到局既據該知事局長委員等會銜呈稱兩造悔悟自願和平了結從寬概予免究當庭取結完案應請都統鑒核銷案再查此案自前清光緒三十三年發生之後纏訟六七年之久兩造地戶共有六七十戶之多自奉鈞署令交迭由本總局令催該縣知事暨該舉務局長秉公理結乃遲至數月之久終未斷結該知事委員奉委到縣不過十餘日兩造悔悟取結

完案辦理適宜判斷敏捷不無微勞足錄應候遵照呈准修正察哈爾清查餘荒夾荒考成條例另案呈請分別獎勵合併聲明理合呈請都統鑒核批示遵行謹呈

都統指令據豐鎮縣知事局長暨委員及涼城縣知事等會銜呈覆

王義董義地畝糾葛業經取結完案請鑒核銷案文

十五年一月二十九日

呈悉既據該知事等訊明此案地畝膠轕秉公理結應准銷案至稱該縣局懸案數月該委員辦理適宜不無微勞足錄擬請援例分別獎懲一節仰卽妥擬呈候核辦此令

墾務總局指令豐鎮縣知事局長暨委員及涼城縣知事等會銜呈覆奉令會審豐鎮縣民人董義王義爭地糾葛自願和平了結呈

請核銷文

五年一月二十五日

呈悉查王義董義等地畝膠轕一案疊據稟控派員調查並令秉公審訊

在案連篇累牘情節糾紛各執一詞爭控不已此案一日不結該民等固因爭地興訟既無安業之期而墾務於此分析不清亦有礙進行之處本總辦對於此案疊次令催復經加派委員會審以期從速訊結茲據該知事局長委員等會同呈稱公開審訊王義既願退地十三頃歸董義等承領不再爭執兩造均已允服取結完案等情具見該知事局長等苟平日盡心民事訟牘雖繁自無不結之案此案既經訊結仰候據情轉呈都統核銷並仰該局長委員等一併知照至王義退出地畝應歸董義等承領繳荒卽由該局長妥速派員丈明催繳荒價勿再延玩此令

墾務總局令各縣

知事局長

通令各屬舉行清丈由縣先行布告遇有阻

抗情事由縣知事親往開導文

五年一月二十七日

照得察哈爾辦理墾務清丈地畝係奉特令舉辦前因隆冬酷冷風雪交厲各縣墾務局率多停丈原屬一時之權宜現時早交春令天氣和煦亟

宜遵章賡續辦理用期早竟全功清丈員定期出發勘丈某處應由各該縣局長坐辦先行布告俾所屬人民一體知悉倘有無知愚民不法地痞或藉端阻撓或聚眾抗拒應卽懷遵上年都署第七百三十三號暨本總局第八百五十六號訓令由各該知事兼坐辦親身赴鄉剴切開導拘懲首犯解散盲從務令曉然墾務關於國計民生至爲重大不致再生阻抗風潮各縣墾務局長趁此春融和暖迅卽會商坐辦督率員司切實進行按地清丈毋得觀望徘徊貽誤要公除分令外合亟令遵切切此令

墾務總局令各縣

局長

奉都統令准內務財政農商三部咨開核定

察區清查餘荒夾荒考成條例併將歷年積案歸地方行政官辦

理文

五年一月二十八日

案奉都統令開准內務財政農商三部咨開本部等會呈遵核察哈爾都統呈擬清查餘荒夾荒考成條例並請將歷年地畝積案歸地方行政衙

門辦理一案請予照辦奉批令准如所擬辦理卽由各該部分行遵照單存此批等因奉此除分咨外相應抄呈咨行查照等因准此除分行外合行照抄原呈暨條例令仰該局轉令各墾務局遵照辦理此令等因奉此除修正條文業經令知不再印發外合亟刷印原呈令仰該縣

知縣
務局
一

體遵照辦理此令

墾務總局指令阿嘉佛遣抱告傅善庭稟請判決越界盜墾一案文

五年二月一日

稟悉查此案於民國四年十一月間疊由本總局批示該商卓特巴綽而濟業禧敦魯布赴縣聽候訊斷於十二月間據該縣知事呈稱案內人等現已遠離遽難訊結等情當由本總局函知該倉暨和親王府迅速攜帶圖冊赴縣候審並令該知事迅速秉公判結具復各在案乃遲延兩月之久該商卓特巴綽而濟業禧敦魯布並不遵批到案查各縣關於地畝糾

葛案件歸該管地方行政衙門審理業經呈明批准並通令在案該倉地畝既在該縣管轄域內該地糾葛應歸該縣知事秉公審理仰迅速自行到縣候審勿再瑣瀆此批

舉務總局指令沽源舉務局據呈爲教堂地畝礙難清丈並沽境民

地與太僕寺界限不清如何辦理乞示遵行文

五年二月五日

呈悉各縣教民地畝均應一律清丈各神甫牧師等不得干涉業奉明令並前都統出示曉諭各在案據稱干地腦包有教堂一處清丈礙難著手等情查教民等同屬國民皆應遵守國家之法律該局長等果能剴切曉諭該教民未必不願服從各神甫牧師傳教中國爲日已久向以勸人爲善爲宗旨如教民不服丈量不獨有干法紀抑且與宗教本意相違仰該局長會同該縣知事預於事前與各神甫牧師妥爲接洽然後著手進行卽不致有所窒礙至太僕寺界限以外之地由該局派員核實丈量遵章

辦理如有窒礙隨時據實呈覆其界限以內地前奉都統令知在未劃區域以先遇有人民領墾牧地者暫行從緩不得准予丈放應俟呈准後通盤籌畫再行令遵在案仰卽遵照辦理並轉行該縣知事遵照此令

墾務總局批王建勳稟稱運動莫測曲直顛倒文

五年二月七日

稟悉該教員於前清光緒三十三年領地三十餘頃遲至民國四年僅繳地價一頃前由該縣知事委員會同審訊斷給荒地五頃該教員不服判斷一再來局控訴業由本總局令行該縣知事局長照章核辦具復並詳細批示各在案該教員理應遵批赴縣聽候乃批墨未乾輒復稟控殊屬非是查民戶領地必須繳價領照方能管業該教員於光緒三十三年所領之地拖欠至今未將地價繳清按照墾務定章應撤地另放雖有案卷荒條亦歸無效若係包攬漁利照章尤應稟請究辦民戶趙得功暨該旗蒙官如實係盜賣盜買及有運動朦朧情事亦應按律究辦業由本總局

令行該縣知事暨墾務局局長務將此案澈底查究秉公核辦仰該教員等遵批赴縣聽候審判至據稱地戶樊廷元所種菜籽被趙得功帶領多人全部收割等情案關民刑可逕赴該縣控訴無庸來局瑣瀆此批

墾務總局令沽源墾務局按照禮親王呈驗照票派員丈量據實呈

覆以憑核辦文

五年二月八日

案據和碩禮親王門上函稱本府有上賞獨石口外南北石柱子牧廠一處內有喇嘛馬王廟一座羊腸小河一道兩旁俱是水草之灘長有十五里寬五六里不等以此間牧牲前清光緒二十八年經墾務大臣貽穀題奏王公馬廠以及各旗牧地轆轤不清淆亂難勘請旨諭令王公等一律報効開墾而興地利等因本王不以牧廠自愛首先報効開墾該大臣派委查勘丈得本府牧廠共地五百十六頃三十畝六分內撥留蒙人養贍地一百頃外留大敖包山一處蒙人義地半溝蒙人墳地一處喇嘛馬王

廟一座羊腸小河一條兩旁草灘照舊仍作牧牲之地以表優待首先報効之至意下剩升科地四百十六頃三十畝六分王府按年應徵四釐私租銀一百六十六兩五錢二分二釐四毫曾於前清光緒三十一年秋本府派員前往獨石口會同墾務委員潘殿保查清按款接收該委員交到墾務局五個號頭撥地照票五張共一百頃令本府收存作執迨至今歲墾務局復丈大糧地畝並欲查勘養贍等地是以本府派員持據公函前往張家口墾務總局面會總辦懇請免丈養贍等地驗看五個號頭照票等據總辦言及須將照票五張隨備公函一件行局轉行沽源縣查核屬實更換部照以便永遠作執等語經去委回京稟覆後本王深爲贊成仍派四品典衛德興持據公函並五個號頭撥地照票五張赴墾務總局稟見貴總辦俯賜換照施行實緝公誼等情合將呈驗照票五張隨令抄發仰該局長按照所開坐落四至派員前往核實丈量其頃畝數目是否相

符據實呈覆以憑核奪至應否換給部照之處另候令遵仰卽遵照辦理此令

墾務總局令各縣

局知長事

奉令察區各屬地畝訴訟案件歸縣辦理文

五年二月八日

案奉都署令開照得察屬七縣地方多與旗羣毗連遇有民蒙訴訟案件往往各縣旗羣審判管轄非彼此爭執卽互相推諉以致司法前途諸多滯礙若不按照土地管轄明定權限不足以資遵守而利進行查民人墾種各旗羣土地凡屬押荒成熟者其田賦歲課既須由縣完納自在縣署行政管轄範圍以內嗣後關於土地案件及民蒙訴訟均應歸縣審理以清權限除通令各縣各旗羣總管審理員軍台參領一體遵照辦理并令興和道尹審判處外合亟令仰該局卽便遵照此令等因奉此除通令外合亟令仰該縣

樂知

樂務局

事一體遵照辦理此令

都統令准錫林果勒盟蘇呢特右翼札薩克親王咨與商都牧羣劃

分界址文

五年二月十日

准錫林果勒盟蘇呢特右翼札薩克親王咨稱竊前辦文咨行商都牧羣
總管普爾布札布處文開茲據本旗游牧南界卡倫章京台吉哩克楚克
前來報稱於八月間經商都牧羣總管印務處派出官兵等越過本旗游
牧界址堆誌以內二十里安插木標據情呈報等因准此本蒙旗從古至
今各有原定牧地界址堆誌繪明呈報彼此各有從前定章今貴印務處
派出官兵特越本旗游牧逕行安插木誌本處無憑查考相應據情聲明
咨行貴總管將此情逕向該官兵等查明見覆以憑查核等因咨行在案
旋於十一月十九日准總管普爾布札布咨開適准貴處咨開於原處游
牧界址越過二十里安插木誌等情前來查本商都牧羣游牧與貴旗毗
連舊名所設堆誌地方本游牧西北隅之準札勒與察哈爾正黃旗西蘇

呢特商都牧羣三處連界其自東向偶呼圖勒喀拉克奇婁愛拉克呼都克
 當申呼都克烏蘭諾爾等地方與貴旗連界至和爾博地方與鑲黃旗羊
 羣三面合界從古以來屢次查明上報彼此檔案載明請查便悉豈敢妄
 越游牧界址且此次開墾本商都牧羣游牧內所有空閒地一段係呈由
 察哈爾全區墾務總局派員會同總管親歷查明舊檔根據原定界址及
 各地方勘丈並無越過界址一步標記情事想係貴旗界址卡倫人等不
 曉事理含混具報相應咨復貴札薩克按照原定毗連界址查核施行等
 因前來當經本札薩克處咨覆內開適准貴處來文內開本總管查明照
 舊檔案與原定界址並無越過一步標記情事維思貴旗界卡倫人等不
 曉事理含混具報等情詳查本旗游牧原定之圖係自托克圖托洛蓋地
 方起向東與察哈爾正黃旗游牧西北界毗連兩旗設立堆誌地點係指
 明額欽烏蘇商都鄂博布洛圖烏素博爾和山當申呼都克多倫呼都克

拜魯勒呼圖勒烏合爾奇婁特固斯鄂博各地方並有堆誌可考今貴總管忽然親率兵丁逕行將正黃本兩旗游牧界址有堆誌之額欽烏素商都鄂博布洛圖烏素各地方肆行越至十里二十里將游牧內所有偶呼圖勒喀拉奇婁各地方勘丈標記顯而易見所稱並未越過界址一步實於公理不合相應聲明咨行貴處將此等肆行越界標記情形一一查明按照原定正黃本兩旗堆誌辦理倘或不理此情本處定行聲明呈報上署定奪辦理合併聲明等因旋准察哈爾全區墾務總局照會內開據管理商都達布遜諾爾馬駝羣總管普爾布札布來咨內開適准貴局照會內開本總局沿界按號安插木標以爲劃界標準理應曉諭界內蒙民不得移挪倘有私自移挪者照損壞官物論自應依法嚴懲以重墾政等因准此除轉通行曉諭該羣人等見復外惟有毗連之察哈爾正黃旗牛羊羣西蘇呢特等處均請逕行曉諭等因前來查本總局於沿界安插木誌

原本劃分界址易於辨認起見倘若不嚴禁移挪誠恐無知人等乘間損壞有損官物於蒙民不利貴右翼蘇呢特王有管理旗衆之責應卽迅速曉諭所屬各蒙古等毋得移挪本總局安插木誌以重官物如有私自移挪者照損壞官物論卽依法嚴懲以重墾務除照會察哈爾正黃旗總管牛羊羣總管知照外卽請查照辦理仍希見覆等因前來詳查本旗原定游牧之圖西北界之托克圖托洛蓋地方與烏蘭察布盟長四子王旗游牧察哈爾正黃旗游牧界址連界自此向東亦與察哈爾正黃旗連界有兩旗鄂博基誌可憑惟無與商都牧羣游牧連界堆立鄂博之處本處於去冬查報上署圖內業已載明據情呈報懇將肆行越佔正黃本兩旗原立鄂博基誌游牧界內所有偶呼圖喀拉奇婁呼等處標記此等惡習全行決斷辦理並按照正黃本兩旗游牧連界鄂博基誌存留定奪辦理實爲恩便等因准此查此案前據商都牧羣總管呈報到署當經令行該總

局轉令商都招墾設治局局長吳恩溥俟到差後卽行查核辦理在案茲准前因除照復並分令商都牧羣總管知照外合仍令仰該總局轉令該局長到差後併案核辦可也此令

墾務總局呈都統令駐陶林騎兵團酌派軍隊駐紮平頂山一帶藉

資保護文

五年二月十日

案據陶林墾務局局長王毓麟坐辦陶樹猷呈稱竊職局自成立以來積極進行所有各牌勘丈均未敢稍有遲滯職局收入計有一千五百餘元正在極力進行間忽於本月十二日據勘丈員侯毓文函稱員書等奉委清丈廂藍旗十二蘇木民旗各地十一日在文化村一帶勘丈完畢移赴興化村清丈午後五鐘抵村覓定民房行李甫經搬入突有北來鬪匪二十餘名將員書等堵在院內所帶警兵二名旗兵四名未及開鎗該匪已擁入東院僅隔一牆員書等見勢已迫兵力單弱衆寡懸殊遂帶兵越牆

跋山至十二蘇木捕盜官家暫避所有員書衣物兵警馬匹皆置不暇顧
 惟文件行時携出次日回查被掠去警馬兵馬各二匹衣物等件附呈失
 單請閱現在匪氛如此應否進行清丈并請示遵等情據此當經局長坐
 辦會帶警兵馳赴該處勘驗明確一面令警備隊排長馬振騏帶兵四出
 緝去後茲於十六日據該排長回稱匪已遠颺並未緝獲等情前來當
 經知事局長勒警嚴緝一面咨會隣封及駐防軍隊一體查拏並呈請上
 臺令屬通緝在案查陶地墾務現方萌芽若因遇匪患遽行停止清丈將
 來墾務必大受影響現已令該員稍備衣物加派警察保護仍赴該處勘
 丈定於一二日間知事局長等督同前往惟陶地多匪警察兵力單薄鎗
 械窳敗若不設法維持恐仍有意外之虞懇乞總辦呈請都統令知駐陶
 騎兵團酌派軍隊駐紮平頂山一帶藉資保護以維墾政而利進行除分
 呈外理合備文呈請鑒核示遵抄粘失單一紙等情前來查民國四年十

二月間本總局因各屬土匪充斥呈請通令各巡防軍隊隨時保護用維舉政一案於本年一月三日奉令已通令各軍隊就近保護等因當由本總局遵令轉行遵照各在案茲據該局長坐辦呈稱陶地多匪警察兵力單薄若不設法維持恐仍有意外之虞自係實在情形陶局設立伊始舉政正在進行清丈萬難中輟擬請都統准如所請令知駐陶騎兵團酌派軍隊駐紮平頂山一帶藉資保護而利進行是否有當理合呈請鑒核令遵以便轉令遵行謹呈

舉務總局令張北舉務局奉都統令據商都牧羣總管及西蘇呢土彼此呈稱界限不明仰轉令商都招舉設治局局長到差後劃分

文 五年二月十日

案奉都統令開據商都牧羣總管呈稱竊准右翼蘇呢特王旗咨開茲據本旗游牧南界卡倫章京台吉哩克楚克前來報稱本年八月間商都牧

羣總管派出官兵越入本旗游牧界址堆誌以內二十里安插木標等情具報前來維思蒙旗從古至今各有原定牧地章程並有交界堆誌曾經繪明具報係屬彼此前有定章之事乃貴處派出官兵等直將本旗牧地竟自安插木標本處無從查察相應據情咨行貴總管請將此情逕向該官兵等查明並希咨覆以憑查核等因前來旋經本總管咨復適准貴處咨文內開准咨稱由原定牧界越過二十里安插木標等情查本商都牧羣游牧地方與汝旗所設連界舊名界牌之地方係在本羣西北隅準扎勒與察哈爾正黃旗右翼蘇呢特商都牧羣三處連界自此向東鄂呼圖勒喀喇奇婁愛拉克胡都克當申胡都克烏蘭諾爾等處則與貴旗連界至和勒博地方與鑲黃旗羊羣三處之連界從古以來屢經查明上報彼此均有檔案可考請查便知何敢越過游牧界址况此次開墾本商都牧羣界內一帶空閑地畝係呈由墾務總局派員會同總管前往按照舊檔

冊由原定本游牧界址交界有名之地方丈量並未越過該界一步恐貴旗卡倫人等不知情由含混稟報相應咨復貴札薩克旗請將界址按照原定查核等因在案茲復准右翼蘇呢特旗咨開適准貴處咨文內開汝旗交界地方在本牧地西北隅準札勒與察哈爾正黃旗右翼蘇呢特商都牧羣三處連界自此向東鄂呼圖勒喀喇奇婁愛拉克呼都克當申呼都克烏蘭諾爾等處則與貴旗連界至和勒博地方與鑲黃羊羣三處之連界總管按照舊檔案詳查並未越過原定界址一步汝卡倫人等不知情由含混具報等情詳查本旗游牧於原定之圖係自托克托圖洛蓋地方起向東與察哈爾正黃旗游牧東北毗連其兩旗設立堆誌地點係在額欽烏蘇桑圖鄂博布魯克烏蘇博爾和山當申呼都克牌魯爾呼圖勒烏科爾奇婁特固斯鄂博等處指明註載並有堆誌可考貴總管親自持槍突帶兵丁逕行由正黃本二旗游牧交界堆誌之額欽烏蘇桑圖鄂博

布魯圖烏蘇等各地方肆越十里二十里將游牧界內鄂呼圖勒喀喇奇婁等處丈明標記乃云並未越過界址一步殊於公理不合相應據情聲明咨行貴處文到請將此等肆越游牧界址標記情形一一查明按照原定正黃本二旗堆誌辦理如果不理此情則由本處定行據實聲明呈報上署定奪辦理合併聲明等因准此卑署總管查該羣原定游牧地方圖冊本商都牧羣北界所立界牌準札勒之一處界牌係商都牧羣察哈爾正黃旗右翼蘇呢特三處連界喀喇奇婁愛拉克呼都克博爾和山之喀喇和秀當申呼都克固秀烏蘇布魯勒胡沁北烏蘭諾爾七處界牌係商都牧羣右翼蘇呢特二處連界記載明白且道光時右翼蘇呢特旗查勘游牧南界將舊堆誌展設咨送呈明該署蒙文底案亦曾記在本旗檔案理合呈報都統將上署所存旗羣游牧圖冊查明劃分並請將私行爭執游牧界址輻輳之處決斷辦理施行等情據此查本署此項游牧圖冊散

俟無從查考亟應派員劃分以清輻輳除批示外合亟令仰該局迅卽轉令該商都招舉設治局局長吳恩溥卽便遵照一俟到差後卽行據實查明秉公劃分可也切切此令等因奉此合亟令仰該局長遵照辦理此令

舉務總局令張北舉務局前舉務總局丈放張屬地段表册執照等

項統交該局遵章核辦文

五年二月十五日

查張屬荒地多由前舉務總局經放事權龐雜輻輳叢生甚非辦舉要策本總局爲正本清源起見特將前舉務總局清丈張屬地段表册及發出執照照根統行簽註開列清單令發該局遵章辦理卽查照點收毋違此令

舉務總局指令豐鎮縣

知事

據呈覆童一維等已領地具結及正紅

旗章蓋等出具印結完案文

五年二月十五日

呈悉此案既據該調查員與該總管章蓋等公同酌議將童一維等原開

腦包東梁成熟之地及草荒除留隨缺地外已撥淨地十四頃給童一維等承領完結並取有印結甘結送局應准銷案已據情呈覆都統查核矣至應充公錢一千四百六十五吊仰該知事按數追繳暫存該縣墾務局另候令遵並由該知事轉行該墾務局長知照此令

墾務總局呈都統據沽源縣

局知事

會同呈覆會審白文明清丈地畝

查明偽造契據缺席判斷等情文

五年二月十五日

案奉鈞署先後令交蒙古世管佐領榮貴等控告白文明偽造字據詐欺馬廠一案又據正紅旗漢軍副都統世襲一等義烈公希璋控告白文明詐欺假冒一案迭由本總局嚴令沽源縣知事暨該墾務局局長澈底查究秉公審判各在案茲據該知事局長呈稱竊查前據京鑲黃旗蒙古世管佐領榮貴等稟准清丈沽源縣屬口外祖遺馬廠餘荒夾荒嗣據鑲黃旗蒙古胡圖理佐領下白文明稟稱榮貴等清丈馬廠地內有長樑段木

樑平頭樑三處之地已由三佐領內保昌價賣於雅靜山而雅靜山轉賣於伊家爲業近聞榮貴等稟准清丈此地霸爲己有請傳集審訊又查白文明前經呈請核准清丈沽源縣屬汪大人廟並口袋營子兩處地畝餘荒夾荒嗣經義烈公希璋聞悉前情當經來函內稱白文明清丈汪大人廟並口袋營子兩處地畝係伊家祖遺上賞馬廠並未賣與白文明爲業實係冒充請傳集訊究各等情到縣知事查以上兩案地畝雖經稟准清丈而其中如何糾葛兩造均無確切證據究竟此地歸誰所有遽難憑空判斷當將兩案糾葛情形屢經呈蒙鈞局先後指令白文明既不到案實係情虛畏罪令卽傳集兩案人等到縣會同墾務局局長詳細審訊明確先行缺席判結仍將審辦情形具覆並發白文明原呈契據圖冊到縣以憑查閱各等因蒙此知事查白文明屢經差傳延不到案復經關傳咨復亦屬遠颺無蹤惟此案已延數月勢難久懸自應遵照缺席判結以杜訟

累一面先傳在沽候訊人等並查取圖冊到案會同局長高縉三詳細研
審據榮貴代表人劉丹池與恩綿榮耀延吉等四人供稱長樑段木樑平
頭樑三處地畝實係三佐領祖遺上賞馬廠有圖冊可憑並未賣於他人
爲業而白文明捏造契據假稱價買賣實屬不確如果所供不實情願四人
出具治罪甘結附卷又據希璋委託代理人張堯卿莊棟臣兩人供稱汪
大人廟並口袋營子兩處地畝係希璋祖遺上賞馬廠如謂早年賣與白
文明家爲業焉敢屢年赴縣取租現今清丈此地實係白文明偽造契據
如果所供不實情願出具切實甘結存查各等語知事凌雲局長縉三詳
細審查該佐領榮貴代表劉丹池所呈地冊係前清嘉慶年間由獨石口
廳開呈察哈爾右司衙門存案於光緒二十五年呈請開放馬廠經該佐
領榮貴在於該衙門照抄地冊並蓋佐領圖記內載地畝開列四至頗爲
明晰惟查此項地冊飭書檢查縣署檔案並無此卷宗諒係年湮代遠從

未檢查或者遺失亦未可知然該佐領榮貴等清丈其餘馬廠地畝均與該冊內載地段四至相符並無錯誤則長樑段木樑平頭樑三處之地其爲該佐領榮貴等所有似屬可信况呈驗地圖逐一審查亦屬明晰至白文明稟稱以謂三處地畝已由三佐領內經保昌之手賣與雅靜山而雅靜山轉賣與伊家爲業現經查詢雅靜山之子驛傳道印祥來函稱述此地並無價賣於白文明情事已屬可疑且查令發白文明原呈契據既係同治年間所立年分已久而紙色尙新姑且無論惟核對契約及圖冊內載地段既稱於同治四年由鑲黃旗蒙古世管佐領保昌之手價賣三佐領內之公中口外長樑地畝其地坐落當在沽源縣屬丁莊汛地面以期適合何以詳細審查地冊所載之地在於縣屬卯正汛之東西長樑但卯正汛之東西長樑地面卽現今縣屬之大糧地並非上賞三佐領之地而白文明所呈契約圖冊內載地段既不相符其爲僞造已足證明核與佐

領榮貴呈驗圖冊內載地畝四至既屬相符應以長樑段木樑平頭樑三處地畝歸爲該佐領榮貴等完全所有方足以昭公允而成信讞至汪大人廟並口袋營子兩處地畝雖謂白文明價買惟查閱呈驗契約內載以口袋營子卽謂俗名汪大人廟殊不知汪大人廟與口袋營子本係兩地各不相侔乃竟合而爲一所云價買豈能深信况汪大人廟與口袋營子兩處地畝確係德公府馬廠證之縣署歷年地糧紅冊亦係庫倫諾爾德公府摺取私租可憑如謂此地果係賣與白文明爲業而數十年收入之私租爲數亦屬不貲何以仍歸德公府收入揆之情理殊有不合卽此證明白文明所呈契約於同治六年價買德公府之地顯見臨時僞造毫無疑義以汪大人廟並口袋營子兩處地畝應歸希璋完全所有以杜紛爭所有判結兩案應給恤蒙銀兩亦歸榮貴等並希璋兩家請領以昭核實惟查白文明僞造兩案契約之所爲已犯刑律治罪專條現經潛逃無蹤

除再嚴密訪緝務獲歸案究辦外所有遵令會審訊明清丈地畝呈驗契據圖冊查係偽造卽應缺席判結緣由是否有當擬合檢同兩造出具甘結並圖冊具文呈請總辦查核俯賜令遵實爲公便再此呈由縣署主稿合并聲明計呈送佐領榮貴代表劉丹池并恩綿等甘結一紙地圖一張地冊一本希璋代理人張堯卿等甘結一紙白文明原呈地圖兩張地冊兩本契約兩張以上圖冊契據等件均請閱後令發下縣以便分別存繳等情前來除由本總局指令呈暨附件均悉據稱會同該局局長詳細研審長樑段木樑平頭樑三處地畝應歸該佐領榮貴等完全所有汪大人廟井口袋營子兩處地畝應歸希璋完全所有白文明屢經關傳遠颺無蹤業經缺席判結照章應給之款歸榮貴等並希璋兩家請領以昭核實等情候由本總局呈請都統鑒核備案至白文明偽造兩案契約干犯刑律應由該知事嚴緝務獲到案訊究按照刑律治罪專條另案辦理仰卽

查照辦理並轉行該墾務局局長知照所送甘結二紙地圖三張地冊三本契約二張均發還此令印發外理合呈請鑒核備案謹呈

墾務總局指令張北墾務局呈八旗生計會連界餘荒地畝應否照

章丈放准其民人承領請查核示遵文

五年二月十五日

呈悉據稱八旗生計會地畝應先劃清界址丈出該會應得之數餘歸民人承領所見甚是仍候據情呈請都統核定辦法再行令遵此令

墾務總局指令張北墾務局呈請沙石城灘地畝免予升科文

五年二月

十七日

呈悉查丈放餘荒夾荒均應遵守清丈章程認真辦理升科納糧原有定章不得因沙城之地稍事變更且承墾地畝悉以能否種植爲憑如能種植自應照章升科卽貽將軍所發執照免予升科者亦僅限於香火地畝此外並未寬免况此等辦法早已廢除何得援以爲例該縣人民如有此

項要求該局長卽應遵守定章切實開導以裕國課所請酌予變通之處應無庸議此令

墾務總局指令陶林墾務局呈報派員調查勘丈廂藍旗空閑荒地及各起勘丈員回局情形文

五年二月十八日

呈悉前據該局長坐辦呈請轉呈都統令知駐陶騎兵團酌派軍隊駐紮平頂山一帶藉資保護而利進行等情當由本總局據情轉呈業經都統通令嚴緝并令駐陶騎兵團酌派得力軍隊分駐平頂山一帶用資保護並奉指令在案仰卽知照並轉行該縣知照嗣後關於墾務有須用兵保護之時可由該縣局遵照都統前令會商辦理該縣境內未經勘丈之地趁此春融氣煖亟須加派勘丈員積極進行勿得延緩致誤要公仰卽遵照此令

墾務總局令七縣墾務局趁此春融加派員書分途勘丈文

五年二月十八日

查本年度墾務解款辦法曾經都統訓令遵照概算數目按月勻解業由本總局轉令遵辦在案惟是解款問題以收入爲主而收入概算爲數頗鉅若不趁此春融加派員書分途勘丈不惟解款無着亦恐概算難符爲此令仰該局長坐辦認真籌畫切實進行關於應行清丈各地迅派委員遵章清丈上裕國課下安民業並將赴地丈放各情形隨時具報此令

墾務總局令調查員張興留奉都統發交齊相呈控齊永山與張北

墾務局局長有密切關係一案迅卽查明具覆文

一五年二月二十日

案奉都統發交民人齊相呈控張北墾務局局長吳恩溥與延秀管事人齊永山有密切關係一案並奉令切實調查是否屬實等因當將原呈抄交張北墾務局局長切實查明具覆旋據該局長呈覆齊相挾嫌妄控無可查覆等情前來究竟該民人呈控各節是否屬實有無挾嫌妄控情事

合再抄發原呈令仰該調查員切實調查據實呈覆以憑核轉切切勿延此令

墾務總局令張北縣知事查明張世魁在口住址押送興和交縣核

辦文

五年二月二十一日

據興和縣知事高蘊杰墾務局局長郭成鈞會同呈稱興和縣屬民戶張世魁爭執地畝拖欠荒銀迄未了結現在逗遛張垣無法傳訊擬請鈞局飭令張北縣押令回縣以憑核辦等情查張世魁爭執地畝拖欠荒銀案懸日久迄無結束前經該民戶陳訴前來曾由本總局飭令興和知事局長迅爲理結在案茲據該知事等呈稱前情合亟令仰該知事迅卽派差嚴密查明該民戶在口住址押送到興交縣核辦切切此令

墾務總局令商都招墾設治局局長俟到差後卽行據實查明右翼

西蘇呢特界址併案核辦文

五年二月二十三日

案奉都統令開准錫林果勒盟蘇呢特右翼扎薩克親王咨稱竊前辦文咨行商都牧羣總管普爾布扎布處文開茲據本旗游牧南界卡倫章京台吉哩克楚克前來報稱於本年八月間經商都牧羣總管印務處派出官兵等越過本旗游牧界址堆誌以內二十里安插木標據情呈報等因准此本蒙旗從古至今各有原定牧地章程界址堆誌繪明呈報彼此各有從前定章今貴印務處派出官兵特越本旗游牧逕行安插木誌本處無憑查考相應據情聲明咨行貴總管請將此情逕向該官兵等查明見覆以憑查核等因咨行在案旋於十一月十九日准總管普爾布扎布咨開適准貴處咨開於原處游牧界址越過二十里安插木誌等情前來查本商都牧羣游牧與貴旗毗連舊名所設堆誌地方本游牧西北隅之準扎勒與察哈爾正黃旗西蘇呢特商都牧羣三處連界其自東向鄂呼圖勒喀拉奇婁愛拉克呼都克當申呼都克烏蘭諾爾等各地方與貴旗連

界至和爾博地方與鑲黃羊羣三面合界從古以來屢次查明上報彼此
檔案載明請查便悉豈敢妄越游牧界址且此次開墾本商都牧羣游牧
內所有空閑地一段係呈由察哈爾全區墾務總局派員會同總管親歷
查明舊檔根據原定界址有名地方勘丈並無越過界址一步標記情事
想係貴旗界址卡倫人等不曉事理含混具報相應咨復貴扎薩克按照
原定毗連界址查核施行等因前來當經本扎薩克處咨復內開適准貴
處來文內開與汝旗連界地方本總管查明照舊檔案與原定界址並無
越過一步標記情事貴旗界卡倫人等不曉事理含混具報等情詳查本
旗游牧原定之圖係自托克圖托洛蓋地方起向東與察哈爾正黃旗游
牧西北界址毗連兩旗設立堆誌地點係指明額欽烏蘇商都鄂博布洛
圖烏素博爾和山當申呼都克多倫呼都克拜魯勒呼圖勒烏合爾奇婁
特固斯鄂博各地方並有堆誌可考今貴總管忽然親率兵丁逕行將正

黃本兩旗游牧界址有堆誌之額欽烏蘇商都鄂博布洛圖烏素各地方肆行越至十里二十里將游牧內所有偶呼圖勒喀拉奇婁各地方勘丈標記顯而易見所稱並未越過界址一步標記實於公理不合相應聲明咨行貴處至日將此等肆行越佔游牧界址標記情形一一查明按照原定正黃本兩旗堆誌辦理倘或不理此情本處定行聲明呈報上署定奪辦理合併聲明等因旋准察哈爾全區墾務總局照會內開據管理商都達布遜諾爾馬駝羣總管普爾布扎布來咨內開適准貴局照會內開本總局沿界按號安插木標以爲劃界標準理應曉諭界內蒙民不得移挪倘有私自移挪者照損壞官物論自應依法嚴懲以重墾政等因准此除轉咨通行曉諭該羣人等見復外惟其毗連之察哈爾正黃旗牛羊羣西蘇呢特等處均請逕行曉諭等因前來查本總局於沿界安插木誌原本劃分界址易於辨認起見倘若不嚴禁移挪誠恐無知人等有乘間損壞

者損壞官物於蒙民不利貴右翼蘇呢特王有管理旗衆之責應卽迅速曉諭所屬各蒙古等毋得移挪本總局安插木誌以重官物如有私自移挪者照損壞官物論卽依法嚴懲以重墾務除照會察哈爾正黃旗總管牛羊羣總管知照外卽請查照辦理仍希見復等因詳查本旗原定游牧之圖西北界之托克圖托洛蓋地方與烏蘭察布監長四子王旗游牧察哈爾正黃旗游牧界址連界自此向東與察哈爾正黃旗連界有兩旗鄂博基誌可憑惟無與商都牧羣游牧連界堆立鄂博之處本處於去年查報上署圖內業已載明據情呈報懇將肆行越佔正黃本兩旗原立鄂博基誌游牧界內所有偶呼圖喀拉奇婁呼等處標記此等惡習全行決斷辦理並按照正黃本兩旗游牧連界鄂博基誌存留定奪辦理等因准此查此案前據商都牧羣總管呈報到署當經令行該總局轉令商都招墾設治局局長吳恩溥俟到差後卽行查核辦理在案茲准前因除照復並

分令商都牧羣總管知照外合仍令仰該總局轉令該局長到差後併案核辦可也此令等因奉此查此案業經本總局轉令該局長一俟到設治局差卽行查核辦理在案茲奉前因合亟令仰該局長到差後卽行遵照辦理此令

舉務總局呈都統遵覆華興舉牧公司廠地被圈一案先行查案具

復請鑒核轉咨施行文

五年二月二十五日

案奉鈞令開准財政部咨開據華興舉牧有限公司總理黃玉協理孫世勳以價買馬廠荒地被右翼牧羣總管擅行圈入乞維持保護等情具稟到部查兩翼牧場劃界圈地究係如何情形本部無案可稽據稱價買荒地悉被圈入是否屬實除令舉務總局查復外相應抄錄原稟咨行貴都統一體飭查見復可也此咨附抄原稟等因准此查上年八月間陸軍部派員會同左右兩翼總管等劃明兩翼地界立墩爲記一切詳細圖冊未

准咨送本署無憑飭查除已咨復請向陸軍部直接咨查辦理外所有該公司於前清宣統三年間價買馬廠荒地該局究竟有無此案仰卽查明先行呈復本署以便據情咨部再隨文有抄錄該公司原稟一件既准來咨聲叙逕令該局應已抄發本署毋庸再錄並仰知照此令等因奉此查本總局前奉財政部令同前因當以該公司被圈價買荒地各節是否屬實令知多倫縣知事查明呈覆以憑覆部並經呈請前都統何令下蒙旗科及該總管將關於民人控告該牧羣全案暨該牧廠劃界全分地圖發交本總局俾便籌擬辦法奉令呈悉查此案在本署接准部咨以後當以兩翼牧羣劃界一切卷圖並未准咨過署無憑飭查業於日前令知該局並經備文咨行及請向陸軍部咨查辦理在案該局此次所請飭發卷圖以便籌擬辦法一節仰卽逕呈財政部核示遵辦可也此令等因各在案茲奉前因查接管案卷內有鈞署發交前墾務總局關於該公司案卷一

宗於民國二年四月二十八日據該公司稟稱敝公司於辛亥年稟准前清農工商部組織墾牧實業公司購妥多倫諾爾廳屬毓公府馬廠四五號溝糜子溝大小黃羊灘雙山子黑山頭城子窪九梁十八窪大梁底沙井子河灘等處荒地共計五六百頃查係並無邊界毗連確爲毓公府馬廠之地當查該馬廠範圍之內尙有前清貽欽差經放該府各地內有領戶多家均有部照可憑又有該府蒙古牧丁看守多年可證曾經多倫諾爾廳出示曉諭在案敝公司已經丈收領訖惟尙有沙井子河之南張家口往多倫諾爾廳山西大道之西聞係與北洋馬廠毗連之界當於辛亥年十月十五日稟請北洋馬政大臣崑札飭該管鑲白旗界官持圖指明邊界而清界綫於十月二十二日當奉北洋馬政大臣崑批稟悉俟札飭該翼總管等資圖前往會勘此復等因旋於壬子年六月蒙太僕寺右翼總管薩會同鑲白旗署總管圖毓公府墾務局執事英順等公同查勘聞

係該府所賣地界內有侵佔游牧官地八十頃當領英順將九梁十八窪山西大道之西北府地劃補歸官百數十頃又領英順將八十頃地價照數呈繳右翼辦公聞該府執事英順均已認可彼時協商訂定然薩總管如此辦理一舉兩得而精明幹練公事認真已可概見當已指明以南界至沙井子河西界至山西大道確爲界限劃分清楚敝公司當卽遵照西南界限一律開墾成熟今屆春融正宜播種敝公司資本較鉅墾費攸關勢難久待公同刨挖界限該地既已墾熟今卽一律種植一俟毓公府墾務局與右翼總管會同挖清邊界並將稟准公事曉諭後再當續行領取地照算清欸目特此聲明仰懇備案又於是年五月六日據該公司稟請出示保護等情奉都統批開據稟均悉查現准國務院咨奉 大總統發下一等公爵倚公呈稱私有廠地一分坐落察哈爾轄境閃電河地方有該處地痞徐英將敝廠地盜賣有華興公司恃勢搶買懇求 大

總統電令察哈爾都統從速查辦並禁止華興公司搶買及嚴究地痞徐英以符私產一體保護條件之實等因咨行到察除令旗羣查明申復外查該公司購買毓公府廠地並未在本衙門立案今該公司所請一律種植之處本衙門未便預聞案查宣統三年十二月曾准前農工商部咨請擔任保護該公司當經本都統以其地既已歸墾已請由部咨由直隸飭屬保護等因咨覆前農工商部在案所請出示之處殊難照准再本第一師兵隊向無騷擾之事至兵隊在外駐紮係備剿辦蒙匪不能兼任保護他事仰卽遵照毋得再瀆此批等因復於是年十二月二十七日據毓公府副參領英順稟以招墾給該公司地畝爲太僕寺薩總管言其越界并該公司未領府照請予提催交價等情奉都統批開呈悉查該公府牧廠前經貽欽差奏明放墾時丈撥過該府牧丁養贍地二百二十一頃九十二畝六分據華興公司呈稱購妥該府荒地五六百頃前後兩情自相矛

盾顯係侵佔他人地畝似此情形屢准內務部咨稱倚公呈訴該府侵佔伊府牧廠情事不爲無因究竟該府侵賣與華興公司之荒地係誰原產俟派員查明俾得水落石出該副參領英順未便與太僕寺擅議所請提催之處礙難准行此批等因覆查該公司購買荒地雖屬確有其事然地畝膠轕是否已經了結及價款是否已經交清均不可知至稱其地爲牧廠圈入一節更屬無可查考除令多倫縣墾務局據實查覆再行妥籌清理辦法外理合具文呈請都統鑒核轉咨施行謹呈

墾務總局令張北墾務局准道咨仰卽派員清丈張北縣高等小學

校所有學產地畝文

五年十月二十九日

案准興和道道尹咨開案據張北縣暨道視學會呈周校長接收張北學堂地租一案當經本道尹指令此案周校長於接收學款地租乃云無從確查請祈由縣經理適與本道尹前令該校長遽稱接收清楚爲勢所迫

已相脗合該縣學款歷年不清原不能歸咎一人但既知弊混不卽收回自理則學款地租終無澈底澄清之日此案當以光緒三十年撥給五千畝作爲學堂經費張夔典與中汛千總管理之時收支數目爲一結束再以宣統三年至上年止張儒一手經理五年之內收支數目爲一結束何難按冊鈎稽今該知事等詳云每畝收租錢一百二十文何年所定何任有案租息之微得未曾有又云租戶有無拖欠無案可稽豈張儒收租無帳簿冊籍作爲憑證耶總之地畝墾熟若干頃畝可以另案令委清丈而前次收支關係不能待至清丈後始可究追等因印發在案相應抄呈咨請貴總局查照特派委員丈量定界咨復到道以憑核辦望速施行計抄原呈等因准此合亟抄發原件令仰該局長會同該坐辦遵照立卽派員迅將該校所有地畝一律核實清丈并於勘丈地畝表內分別已墾未墾及四至界限記載明晰據實呈覆以憑轉咨事關學產至爲重要切勿延

誤此令

墾務總局指令多倫墾務局據呈多屬毓公府牌花戶疊請清丈等

情已轉呈請都統奉令轉咨文

五年三月八日

呈悉查此案業由本總局呈請都統鑒核轉咨奉令仰候咨復財政部查照轉令該公司持原有執照赴多清丈矣至應如何丈放之處仰候本總局另行令遵此令

墾務總局呈都統據張北墾務局局長呈請劃清十佐官田界址請

鑒核示遵文

五年三月十一日

案據張北墾務局局長吳恩溥呈稱案准張北縣咨開據八旗生計會函開以蒙人烏爾津在東牛羣十佐官田界內承領地畝請將烏爾津扣除以免糾葛等因查八旗生計會籌畫生計該會應得若干頃既未叙明又未奉總局令知且查來文謂勘丈委員報告是生計會徑派委員勘丈核

與墾務定章有違職局查八旗生計會地畝應先劃清界址丈出八旗應得之數餘歸民人承領方合辦法今未劃出若干頃而民人承領凡與八旗生計會交界之處該會藉生計名義不准民人抑荒以致職局清丈地畝動多掣肘所有官田處地畝是否劃在八旗生計會範圍以內烏爾津可否准其承領繳荒職局未敢擅專理合呈請鑒核令遵等情前來查該局長呈稱八旗生計地畝應先劃清界址丈出八旗應得地畝數目餘歸民人承領所陳尙無不合除指令外謹據情呈請都統鑒核如准照辦並請轉令該生計會派員攜帶十佐官田印文圖冊會同該局派員定期前往劃分界址以清膠轕是否有當理合呈請都統鑒核令遵謹呈

墾務總局令涼城縣

知事局長

據宗室毓楓稟稱呈明祭田牧廠推歸國

家丈放照章升科等情仰卽查明具覆遵章核辦文

五年三月十一日

據清室恂勤郡王鑲藍旗四族宗室毓楓委任代理人朱博川稟稱毓楓

之祖永往向在涼城縣大海灘七家廟地方有祭田馬廠一處內有故塋寢廟其地東至洋皮溝西至大西溝約計二十三里北至松公大山南至山坡約計十二里有該處地痞張萬侯擅自拆毀陵寢霸佔馬廠迭經呈控有卷可查懇請令知涼城縣知事局長檢查原案派委督同代理人指明四至另行清丈放墾照章升科計附粘宗人府原咨一紙並收租底册一本串票根據一本等情前來查接管卷內於民國三年十一月前墾務總局奉前都統何令知准內務部咨同前因并經前都統何令委鑲紅旗總管涼城縣知事速卽訂期會同前往調案確切查明據實呈覆以憑轉咨勿延等因在案該總管知事是否查明呈覆無案可稽茲據該宗室毓楓復行稟稱等情除由本總局批示稟件均悉業由本總局抄錄原稟暨原粘宗人府咨文令知涼城縣知事暨墾務局局長查明具覆遵章辦理矣收租底册串票根據一併發縣仰卽前赴該縣局聽候核辦可也此批

掛發外合亟抄錄原稟暨原粘抄宗人府咨文一紙並將原呈底冊一本串票根據一本令發該縣仰該知事局長確切查明遵照定章切實辦理據實呈覆勿延此令

舉務總局指令豐鎮舉務局呈請開始清丈所有委員兵士應否援

照去歲辦法文

五年三月十九日

呈悉查勘丈地畝借用軍隊原所以防禦匪患而便進行如該縣地方安謐自應酌減切勿視有成案濫行借撥致碍防務而糜國帑仰卽遵照此令

舉務總局令張北舉務局前據該局呈請劃清十佐官田界址一案

茲奉都統令准仰該局遵照辦理文

五年三月二十七日

案據該局呈稱以蒙人烏爾津在東牛羣承領地畝與十佐官田界址不清應先劃清界址以免糾葛一案當經本總局呈請都統轉令該生計會

派員攜帶十佐官田印文圖冊會同該局派員定期前往劃分界址并指令該局知照在案茲奉令開呈悉擬請劃界各節自係爲清釐轆轤起見應卽照准候令八旗生計會遵照派員定期前往劃分可也仰卽轉行知照此令等因奉此合亟令仰該局遵照辦理此令

墾務總局令沽源縣

局知事

傳集黑卯二汛各旗戶租戶飭令呈驗龍

票諭帖以憑清丈文

五年四月四日

據沽源墾務局調查員錢寶青面稱該縣黑河卯正二汛已於二月杪由該局派出勘丈員二員攜帶該縣公署移局各戶承糧紅冊先行前往調查該勘丈員等到黑卯兩汛已有月餘各旗戶租戶互相推諉不將龍票諭帖呈驗其中頭緒繁雜有一照而租戶十數家者而地畝數目大都不能與縣署紅冊相符各旗戶租戶恐調驗後丈出餘地必致加租是以互相推諉隱不呈驗等情據此查清丈地畝爲現時急務國家土地詎容久

任私墾該縣黑河卯正二汛各旗戶租戶匿不呈驗龍票諭帖有碍墾務進行殊屬非是應由該縣知事等迅卽傳集二汛各旗戶租戶曉以大義剴切開導務令卽日呈驗憑照核對紅冊一面由局派員清丈其無照之地仍准守定原墾原領章程飭令遵章繳價領照否則日久終須清丈章程具在斷不任彼等長此狡展致阻進行况一經繳價領照卽能永遠管業確定產權各該旗戶租戶等具有天良當不致執迷不悟不就範圍也除分令外合亟令遵切切此令

墾務總局指令興和墾務局據送圖冊不符之處甚多仰卽查明具

復文

五年四月十一日

呈件悉查該局所送圖冊不符之處甚多仰卽查照簽註各條逐一聲明具文備案再該局此次勘查七台站南荒地據報丈出毛地二百五十餘頃就中有不堪耕種之地竟達二百一十八頃之多此項地段是否全係

沙石能否招人承領亦應核實查明具復圖冊發還更正補報此令

舉務總局呈都統謹擬清理兩翼牧場辦法請鑒核備案文

(辦法十一條附)

五年四月二十一日

案查本總局所擬清理兩翼牧場辦法業經面陳鈞座奉令據呈清理兩翼馬廠地畝辦法清單閱悉井井有條應准試辦惟查該辦法第五條提成充作經費爲陸軍部核訂兩翼牧場清丈章程所無如無滯碍可准照行其兩翼牧場清丈章程及本區普通舉務章程應詳加參酌於所呈辦法清單無抵觸時均准適用摺存等因奉此理合繕具條文呈請都統鑒核備案謹呈

附清理兩翼牧場辦法十一條

一於太僕寺設立兩翼地畝清丈行局置局長一員專管兩翼界內清丈及放荒事宜其下設司事二員錄事二員夫役四名比較原訂兩

翼牧場清丈處官兵編制酌減三分之二

一兩翼地畝膠轕訟案得遵照本區呈奉明令批准地畝訴訟案專歸
行政官廳審理之定例由該管局長就近秉公審理之仍隨時呈報
本總局察核轉報都署備查

一由本區各墾務局行局設治局內酌調精於勘丈人員四員歸該管
行局局長調遣辦理清丈事宜用資熟手

一兩翼地價專款存儲隨時撥交都署

一所收地價按十提一以充經常局費如有盈餘仍解存都署但無論
如何所有經常局費不准超過一成定額

一臨時勘丈用款應比照財政內務農商三部核准察哈爾徵收丈費
辦法按照所收地價帶徵一成丈費以爲勘丈之用如有盈餘仍歸
公解存都署

一 地質地價上中下等則並帶徵丈費及照費註冊火耗等費悉按本區現行墾章辦理並將所收各種欸目全數填載地照用昭大信

一 此次普丈廠地隨同驗照仍守原墾原領主義除前經貽穀開放填發部照外其餘一律令其遵章補繳地價暫行填發都署印照但如有從前實係繳價其欸歸公經由國家各機關發有印文執照者得免繳地價僅繳照費註冊費換給都署印照

一 地畝丈竣地價收齊後此項行局應否裁撤或逕改設治局應候臨時請示辦理

一 兩翼地畝輻輳有年私墾盜賣輾轉不清此次辦理清丈必須限期竣事以免曠日耗費如在必要時得照本區墾務現行辦法遇有重要事項隨時由本總局承辦堂稿以都統名義行之用期迅捷又如

有諮詢事項或需該廠總管等職助理之時並得隨時令知該廠總

管等職詳細答覆切實助理

一除右列各條外其餘則參酌兩翼清丈章程並本區普通清丈章程
執行之